

नमो नमो निम्मल दंसणस्स

आगमसुत्ताणि



१७

चंदपन्नति

उद्धं उदंगसुत्तं

संसोहय-संपायग

निपुरा निर्यामिड पू. मुनिराज श्री सुधर्म सागरजु म. ना शिष्य

मुनि दीपरत्नसागर

જાણ બ્રહ્મચારી શ્રી ભેમિનાલાલ જામઃ

નમો નમો નિમ્બલ દંસણસ

શ્રી આનંદ-ક્ષમા-લલિત-સુશીલ-સુધર્મસાગરગુરુભ્યો નમઃ

૪૫-આગમસુત્તાણિ

—: સં સો હ ય—સં પા ય ગ :—

પૂજ્ય મુનિરાજ શ્રી સુધર્મસાગરજી મહારાજ સાહેબના શિષ્ય

મુનિ દીપરત્નસાગર

તા. ૨૨/૭/૯૬

સોમવાર ૨૦૫૨

અષાઠ સુદ : ૬

૪૫ આગમના સેટની કિંમત - રૂ. ૧૫૦૦/-
(ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

નવખખાત પ્રિન્ટીંગ પ્રેસ પીકાંચરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
શાહીબાગ, અમદાવાદ.

[2]

આર્થિક અનુદાન દાતા

૪૫ આગમમાં મુખ્ય દ્રવ્ય સહાયક

મિટલાથી શ્રમણીવર્ષા શ્રી સૌમ્યગુણાશ્રીજીની પ્રેરણાથી

કચ્છ દુલ્હા પુરા ઝી જી મ હો પ ઠિ કા

શ્રીમતી નયનાબેન રમેશચંદ્ર શાહ - સ્પર્ધિવાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલનન્દ્ર બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયાચારાધક સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલનન્દ્ર બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા. કે. બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ. ની દ્વિતીયપુન્યતિથિ નિમિત્તે સા. મોહરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાસપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દોડા) અમદાવાદ

[3]

- ૧૬ સ્વ. મનમુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્રે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્રે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્રે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્રે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગમ્મ. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, મુલ્તાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના મુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્ધા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવન ટ્રસ્ટ, અમદાવાદ તરફથી [શ્રી મહાનિસીદ સૂત્ર માટે]

● ૪૫ - આગમ સેટ-ચોજલા ગ્રાહક - દાતા ●

૫. પૂ. સા. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી.

૧. શ્રીમતી ગુણીબેન જ્ઞાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, સુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, થાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન પ્રિયકાન્તાભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. શ્રે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતૃશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ પુલિયાવાળા

- | | |
|----------------------------|------------------------------|
| ૧ કાંતિલાલ હજરીલાલ ચોવટીયા | ૨ સંપવી રતનલાલ ભગવાનદાસ રહોડ |
| ૩ મધુમતી રાજેષ રેદાસની | ૪ સરલાબેન રમેશચંદ વોરા |

૫ સુમનભાઈ બાલચંદજી ચોરડીયા

- ૬ અ.સૌ. હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાણપુરાવાળા તરફથી
૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુખડીયા હસમુખલાલ વનેચંદ (જમવંચલી) નંદુરબાર
૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર
૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર શ્રે. મૂર્તિ સંપન્ન શ્રાવિકાબહેનો નંદુરબાર
૪ સા. સમજ્ઞાશ્રીજીની પ્રેરણાથી - શાહ યુનિલાલજી શિવલાલજી, સોનગીર
૫ સુખડીયા ચત્રત્પુજ જગમોહનદાસ હ. વીરાભાઈ - ધોરાજી
૬ શાહ મફતલાલ ફકીરચંદ, વિધિકારક (ડબોઈ) હાલ-અમદાવાદ
૭ સા. શ્રી સૌમ્યગુપ્તાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ
૮ સા. શ્રી સૌમ્યગુપ્તાશ્રીજીની પ્રેરણાથી શ્રીમતી જસદેબેન લક્ષ્મીચંદ મેતા, હ.ઈ.દુભાઈ દામ્યાત્રી, સુરત
૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોધાભાઈ પરિવાર હ. ખાલુબેન, રામપુરા
૧૦ પૂ. આગમોદ્ધારકશ્રીના સમુદાયના દીર્ઘસંપત્તિ વિદુષી સા. શ્રી સુતારાશ્રીજી જામનગરવાળાના ઉપદેશથી તથા તેમના પદ્મશિષ્યાની પુનિત પ્રેરણાથી
૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● ૪૫ આભગસેટ યોજના-નામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુપ્તાશ્રીજીની પ્રેરણાથી દિરણબેન અજિતકુમાર કાપડીયા, વડોદરા
૩. સા. શ્રી સમજ્ઞાશ્રીજીની પ્રેરણાથી - શ્રી નિઝામપુરા જૈન સંઘ, વડોદરા
૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા
૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર
૬. માણેકબેન શાહ- વડોદરા
૭. શોભનાબેન શાહ - વડોદરા

ગંધાણુક્રમ

ક્રમકો	પાહુડં	પાહુડ-પાહુડં	સુતં	ગણ	અણુક્રમ	પિટૂંકો
૧	પદ્મં	૮	૧-૨૦	૧-૧૫	૧-૩૦	૨-૧૨
૨	ઘીયં	૩	૨૧-૨૩	-	૩૧-૩૩	૧૨-૧૫
૩	તથા	-	૨૪-	-	૩૪-	૧૫-૧૬
૪	ચતુર્થં	-	૨૫-	-	૩૫-	૧૬-૧૮
૫	પંચમં	-	૨૬-	-	૩૬-	૧૮-
૬	છટ્થં	-	૨૭-	-	૩૭-	૧૮-૨૦
૭	સત્તમં	-	૨૮-	-	૩૮-	૨૦-
૮	અષ્ટમં	-	૨૯-	-	૩૯-	૨૦-૨૨
૯	નવમં	-	૩૦-૩૧	-	૪૦-૪૧	૨૨-૨૪
૧૦	દસમં	૨૨	૩૨-૭૦	૧૬-૨૧	૪૨-૧૭	૨૪-૪૦
૧૧	એકકારસમં	-	૭૧-	-	૧૮-	૪૦-૪૧
૧૨	બારસમં	-	૭૨-૭૮	૩૦-	૧૧-૧૦૬	૪૧-૪૫
૧૩	તેરસમં	-	૭૯-૮૧	-	૧૦૭-૧૦૯	૪૫-૪૭
૧૪	ચૌદસમં	-	૮૨-	-	૧૧૦-	૪૭-
૧૫	પંચસમં	-	૮૩-૮૬	-	૧૧૧-૧૧૪	૪૭-૪૯
૧૬	સોલસમં	-	૮૭-	-	૧૧૫-	૪૯-
૧૭	સત્તરસમં	-	૮૮-	-	૧૧૬-	૪૯-
૧૮	અઠ્ઠારસમં	-	૮૯-૯૧	૩૧-	૧૧૭-૧૨૮	૪૯-૫૩
૧૯	એગ્રણવીસમં	-	૧૦-૧૦૧	૩૨-૮૮	૧૨૧-૧૧૩	૫૩-૫૯
૨૦	વીસમં	-	૧૦૨-૧૦૭	૮૧-૧૦૩	૧૧૪-૨૧૪	૫૯-૬૩

નોંધ : આગમ મંજુષામાં ગાથા નં ૭૨ ૩૧ થી ૩૪ બે વખત આવે છે. તેથી ત્યાં ૩૫ થી ૧૦૭ને બદલે ગાથાંક ૩૧ થી ૧૦૩ છે. એ રીતે અહીં આપેલ ગાથાંક ૩૫ થી આ.મં.માં ૪-૪ ક્રમાંક ઓછા દેખાશે છેલ્લે અંક ત્યાં ૧૦૩ દેખાશે.

પરિસિદ્ધ-નિદંસણં

ક્રમ	પરિસિદ્ધં	પિટૂંકો
૧	વિભવાણુક્રમો	૮
૨	વિસિદ્ધતદાણુક્રમો	૮
૩	વિશેષ નામણુક્રમો	૮
૪	માહાણુક્રમો	૮
૫	ગુનાણુક્રમો	૮

नमो नमो निम्नत दंशपास्त
पंचम गणघर श्री सुषर्मा स्वामिने नमः

१७ चंद्र पन्नती

छट्टं उवंगं

पढमं पाहुडं

—: प ढ मं पा हु डं पा हु डं :-

[नमो अरिहंताणं]

- (१) जयति नवगणलिनकुवलय-वियसियसप्रवत्पत्तलदलच्छो
वीरो गयंदमयगल-सललियगयविक्रमो भयचं ॥१॥-१
- (२) नमिऊण असुरसुर-गरुलभुयगपरिवंदिए गयकिलेसे
अरिहे सिद्धायरिए उवज्झाए सब्बसाहू य ॥२॥-२
- (३) फुडवियडपागडत्थं वोच्छं पुव्वसुयसारणीसंदं
सुहुभगणि ण नोवदिट्ठं जोइसगणरायपन्नत्तिं ॥३॥-३
- (४) नामेण इंदभूतित्तिं गोतमो बंदिऊण तिविहेणं
पुच्छइ जिनवरवसहं जोइसगणरायपन्नत्तिं ॥४॥-४
- (५) कइ मंडलाइ वघइ तिरिच्छा किं व गच्छइ
ओभासइ केवइयं सेयाइ किं ते संठिई ॥५॥-५
- (६) कहिं पडिहया लेसा कहं ते ओयसंठिई
के सूरियं वरयंती कहं ते उदयसंठिती ॥६॥-६
- (७) कतिकइ पांरिसिच्छाया जोगे किं ते आहिए
किं ते संवच्छराणादी कइ संवच्छराइ य ॥७॥-७
- (८) कहं चंदसमो बुड्ढी कया ते दोसिणा बहू
केई सिग्धगई वुत्ते कहं दोसिणलक्खणं ॥८॥-८
- (९) चयणोववाते उच्चते सूरिया कति आहिया
अनुभावे के व से वुत्ते एवमेयाइ वीसाई ॥९॥-९
- [से तं पाहुड संखा]- ११।
- (१०) वड्ढोवुड्ढी मुहुत्ताणमद्धमंडलसंठिई
के ते चिण्णं परियरइ अंतरं किं चरंति य ॥१०॥-१०
- (११) ओगाहइ केवइयं केवइयं च विकंपइ
मंडलाण य संठाणे विक्खंभो अट्ट पाहुडा ॥११॥-११
- [से तं पढमे पाहुडे पाहुड पाहुड संखा]- १२।
- (१२) छप्पंच य सत्तेव य अट्ट य तिण्णि य हवंति पडिवती
पढमस्स पाहुडस्स उ हवंति एवओ पडिवती ॥१२॥-१२
- [से तं पढमे पाहुडे पाहुड पाहुड पडिवती संखा]- १३।

- (१३) पडिवतीओ उदए तह अत्यभणेसु य
भेयधाए कण्णकला मुहुत्ताण गईइ य ॥१३॥-१३
- (१४) निक्खममाणे सिग्धगई पविसंते मंदगईइ य
चूलसीइसयं पुरिसाणं तेसिं च पडिवतीओ ॥१४॥-१४
- (१५) उदयम्मि अट्ट भणिया भेयधाए दुवे य पडिवती
चत्तारिमुहुत्तगईए हुंति तइयम्मि पडिवती ॥१५॥-१५
- [सेत्तं दोधे पाहुडे पाहुड पाहुड पडिवती संखा]- १४।
- (१६) आवलिय मुहुत्तगे एवंभागा य जोगसा
कुलाई पुत्रमासी य सण्णिवाए य संठिई ॥१६॥-१६
- (१७) तारगगं च नेया य चंदमगन्ति यावरे
देवताण य अज्झयणे मुहुत्ताणं य नामयाइ य ॥१७॥-१७
- (१८) दिवसा राइ वुत्ता य तिहि गोत्ता भोयणाणि य
आइच्च-चार भासा य पंचसंवच्छराइ य ॥१८॥-१८
- (१९) जोइसस्त य दाराइ नक्खत्तविजएहि य
समे पाहुडे एए बावीसं पाहुडपाहुडा ॥१९॥-१९

[सेत्तं दसमे पाहुडे पाहुड पाहुड संखा]- १५।

(२०) तेणं कालेणं तेणं समएणं मिहिला नामं नयरी होत्या रिद्धत्थियभिय-समिद्धा वण्णओ तीसे णं मिहिलाए नयरीए उत्तरपुरथिये दिसीभाए एत्थ णं माणिभदे नामं चेइए होत्या-चिराईए वण्णओ तीसे णं मिहिलाए नयरीए जियसत्तु नामं राया धारिणी नामं देवी वण्णओ तेणं कालेणं तेणं समएणं तम्मि माणिभदे चेइए सामी समोसडे परिसा निग्गया धम्मो कहिओ परिसा पडिगया ॥६॥-६

(२१) तेणं कालेणं तेणं समएणं समणस्स भगवओ महावीरस्स जेट्ठे अंतेवासी इंदभूती नामं अणगारे गोयमे गोत्तेणं सत्तुस्सेहे जाव पज्जुवासमाणे एवं वयासी- ॥७॥-७

(२२) ता कहं ते धइडोवुइडी मुहुत्ताणं आहितेति वएज्जा ता अट्ट एण्णवीसे मुहुत्तसए सतावीसं च सट्ठिभागे मुहुत्तस्स आहितेति वएज्जा ॥८॥-८

(२३) ता जया णं सूरिए सव्वब्भंतराओ मंडलाओ सव्वबाहिरं मंडलं उवसंकमिप्ता चारं चरइ सव्वबाहिराओ वा मंडलाओ सव्वब्भंतरं मंडलं उवसंकमिप्ता चारं चरइ एस णं अद्धा केवइयं राइदियगेणं आहितेति वएज्जा ता तिण्णि छावट्ठे राइदियसए राइदियगेणं आहितेति वएज्जा ॥९॥-९

(२४) ता एयाए णं अद्धाए सूरिए कइ मंडलाई चरइ ता चुलसीयं मंडलसयं चरइ-बासीतं मंडलसयं दुक्खुत्तो चरइ तं जहा-निक्खममाणे चैय पविसमाणे चैव दुवे य खलु मंडलाई सइं चरइ तं जहा-सव्वब्भंतरं चैय मंडलं सव्वबाहिरं चैय मंडलं ॥१०॥-१०

(२५) जइ खलु तस्सेव आदिच्चस्स संवच्छरस्स सइं अट्टारसमुहुत्ते दिवसे भवइ सइं अट्टारसमुहुत्ता राती भवति सइं दुवालसमुहुत्ते दियसे भवइ सइं दुवासमुहुत्ता राती भवति पढमे छम्मासे अत्थि अट्टारसमुहुत्ता राती भवति नत्थि अट्टारसमुहुत्ते दिवसे अत्थि दुवालसमुहुत्ते दिवसे नत्थि दुवालसमुहुत्ता राती दोधे छम्मासे अत्थि अट्टारसमुहुत्ते दिवसे नत्थि अट्टारसमुहुत्ता राती अत्थि दुवालसमुहुत्ता राती नत्थि दुवालसमुहुत्ते दिवसे पढमे वा छम्मासे दोधे वा छम्मासे नत्थि पत्ररसमुहुत्ते दिवसे भवति नत्थि पत्ररसमुहुत्ता राती भवति तत्थ णं को हेतूति वएज्जा ता अयण्णं जंबुद्दीवे दीवे

सव्वदीवसमुद्धानं सव्वब्भंतराए जाव परिक्खेवेणं पत्रते ता जया णं सूरिए सव्वब्भंतरमंडलं उवसंकमिता चारं चरइ तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति से निक्खममाणे सूरिए नवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंकमिता चारं चरइ तथा णं अट्टारसमुहुत्ते दिवसे भवइ दोहं एगट्ठिभागमुहुत्तेहिं ऊणे दुवालसमुहुत्ता राती भवति दोहं एगट्ठिभागमुहुत्तेहिं अहिया से निक्खममाणे सूरिए दोहंसि अहोरत्तंसि अब्भितरं तच्चं मंडलं उवसंकमिता चारं चरइ ता जया णं सूरिए अब्भितरं तच्चं मंडलं उवसंकमिता चारं चरइ तथा णं अट्टारसमुहुत्ते दिवसे भवइ चउहिं एगट्ठिभागमुहुत्तेहिं ऊणे दुवालसमुहुत्ता राती भवति चउहिं एगट्ठिभागमुहुत्तेहिं अहिया एवं खलु एएणं उवाएणं निक्खममाणे सूरिए तयाणंतराओ तयाणंतरं मंडलाओ मंडलं संकममाणे-संकममाणे दो-दो एगट्ठिभागे मुहुत्तस एगमेगे मंडले दिवसखेततस निवुड्ढेमाणे-निवुड्ढेमाणे रयणिखेततस अभिवुड्ढेमाणे-अभिवुड्ढेमाणे सव्वबाहिरमंडलं उवसंकमिता चारं चरइ, ता जया णं सूरिए सव्वब्भंतराओ मंडलाओ सव्वबाहिरं मंडलं उवसंकमिता चारं चरइ तथा णं सव्वब्भंतरमंडलं पणिहाव एगेणं तेसीएणं राइंदियसएणं तिण्णिछवट्टे एगट्ठिभागमुहुत्ते सए दिवसखेततस निवुड्ढेत्ता रयणिखेततस अभिवुड्ढेत्ता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राती भवति जहणए दुवालसमुहुत्ते दिवसे भवइ एस णं पढमे छम्मासे एस णं पढमस छम्मासस पज्वसाणे से पविसमाणे सूरिए दोहं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ ता जया णं सूरिए बाहिराणंतरं मंडलं उवसंकमिता चारं चरइ तथा णं अट्टारसमुहुत्ता राती भवति दोहं एगट्ठिभागमुहुत्तेहिं ऊणा दुवाससमुहुत्ते दिवसे भवइ दोहं एगट्ठिभागमुहुत्तेहिं अहिए से पविसमाणे सूरिए दोहंसि अहोरत्तंसि बाहिरं तच्चं मंडलं उवसंकमिता चारं चरइ ता जया णं सूरिए बाहिरं तच्चं मंडलं उवसंकमिता चारं चरइ तथा णं अट्टारसमुहुत्ता राती भवति चउहिं एगट्ठिभागमुहुत्तेहिं ऊणा दुवालस मुहुत्ते दिवसे भवइ चउहिं एगट्ठिभागमुहुत्तेहिं अहिए एवं खलु एएणुवाएणंपविसमाणे सूरिए तयाणंतराओ जाव मुहुत्ते एगमेगे मंडले रयणिखेततस निवुड्ढेमाणे-निवुड्ढेमाणे दिवसखेततस अभिवुड्ढेमाणे-अभिवुड्ढेमाणे सव्वब्भंतरं मंडलं उवसंकमिता चारं चरइ ता जया णं सूरिए सव्वबाहिराओ मंडलाओ सव्वब्भंतरं मंडलं उवसंकमिता चारं चरइ तथा णं सव्वबाहिरं मंडलं पणिहाव एगेणं तेसीएणं राइंदियसएणं तिण्णिछवट्टे एगट्ठिभागमुहुत्ते सए रयणिखेततस निवुड्ढेत्ता दिवसखेततस अभिवुड्ढेत्ता चारं चरइ तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति एस णं दोहं छम्मासे एस णं दोहस छम्मासस पज्वसाणे एस णं आदिच्चं संवच्छरे एस णं आदिच्चस संवच्छरस पज्वसाणे इति खलु तस्सेव आदिच्चस संवच्छरस सइं अट्टारसमुहुत्ते दिवसे भवइ सइं अट्टारसमुहुत्ता राती भवति सइं दुवालसमुहुत्ते दिवसे भवइ सइं दुवालसमुहुत्ता राती भवति पढमे छम्मासे अत्थि अट्टारसमुहुत्ता राती नत्थि अट्टारसमुहुत्ते दिवसे अत्थि दुवालसमुहुत्ते दिवसे नत्थि दुवालसमुहुत्ता राती दोहं छम्मासे अत्थि अट्टारसमुहुत्ते दिवसे नत्थि अट्टारसमुहुत्ता राती अत्थि दुवासमुहुत्ता राती नत्थि दुवासमुहुत्ते दिवसे पढमे वा छम्मासे दोहं वा छम्मासे नत्थि पत्ररसमुहुत्ते दिवसे नत्थि पत्ररसमुहुत्ता राती नन्त्थ राइंदियाणं वड्ढेवुड्ढीए मुहुत्ताणं वा चयीवचएणं नन्त्थ अणुवायईए गाहाओ भाणियव्वओ 1991-11

● पढमे पाहुडे पढमं पाहुड पाहुडं सम्पत्तं ●

—: बी यं पा हु ड पा हु डं :-

(२६) ता कहं ते अद्धमंडलसंठिती आहितेति वएजा तय्य खलु इमे दुये अद्धमंडलसंठिती पत्रत्ता तं जहा-दाहिणा चैव अद्धमंडलसंठिती उत्तरा चैव अद्धमंडलसंठिती ता कहं ते दाहिणा० ता अयणं जंबुद्वीवे दीवे सव्वदीवसमुद्धानं सव्वब्भंतराए जाव परिकखेवेणं ता जया णं सूरिए सव्वब्भंतरं दाहिणं अद्धमंडलसंठितिं उवसंकमिता चारं चरइ तथा णं उत्तमकट्टपत्ते उक्कोसए अट्टारसमुहुत्तेदिवसे भवइ जहणिया दुवालसमुहुत्ता राती भयति से निक्खममाणे सूरिए नवं संवच्छरं आयमाणे पढमंसि अहोरत्तंसि दाहिणाए अंतराए भागाए तस्सादिपदेसाए अब्भितराणंतरं उत्तरं अद्धमंडलसंठितिं उवसंकमिता चारं चरइ जया णं सूरिए अब्भितराणंतरं उत्तरं अद्धमंडलसंठितिं उवसंकमिता चारं चरइ तथा णं अट्टारसमुहुत्ते दिवसे भवइ दोहिं एगट्ठिभागमुहुत्तेहिं ऊणे दुवालसमुहुत्ता राती भवति दोहिं एगट्ठिभागमुहुत्तेहिं अहिया से निक्खममाणे सूरिए दोच्चंसि अहोरत्तंसि उत्तराए अंतराए भागाए तस्सादिपदेसाए अब्भितरं तच्चं दाहिणं अद्धमंडलसंठितिं उवसंकमिता चारं चरइ ता जया णं सूरिए अब्भितरं तच्चं दाहिणं अद्धमंडलसंठितिं उवसंकमिता चारं चरइ तथा णं अट्टारसमुहुत्ते दिवसे भवइ चउहिं एगट्ठिभागमुहुत्तेहिं ऊणे दुवालसमुहुत्ता राती भवति चउहिं एगट्ठिभागमुहुत्तेहिं अहिया एवं खलु एएणं उवाएणं निक्खममाणे सूरिए तथाणंतराओ तथाणंतइ संसि तंसि देसंसि ते तं अद्धमंडल संठिति संकममाणे संकममाणे दाहिणाएओ अंतराए भागाए तस्सादिपदेसाए सव्वबाहिरं उत्तरं अद्धमंडलसंठिति उवसंकमिता चारं चरइ ता जया णं सूरिए सव्वबाहिरं उत्तरं अद्धमंडलसंठितिं उवसंकमिता चारं चरइ ता जया णं सूरिए सव्वबाहिरं उत्तरं अद्धमंडलसंठितिं उवसंकमिता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस्स छम्मासस्स पज्जवसाणे से पविसमाणे सूरिए दोच्चं छम्मासं अयमाणे पढमंसि अहोरत्तंसि उत्तराए अंतराए भागाए तस्सादिपदेसाए बाहिराणंतरं दाहिणं अद्धमंडलसंठिति उवसंकमिता चारं चरइ ता जया णं सूरिए बाहिराणंतरं दाहिणं अद्धमंडलसंठितिं उवसंकमिता चारं चरइ तथा णं अट्टारसमुहुत्ता राती भवति दोहिं एगट्ठिभागमुहुत्तेहिं ऊणा दुवालसमुहुत्ते दिवसे भवइ दोहिं एगट्ठिभागमुहुत्तेहिं अहिए से पविसमाणे सूरिए दोच्चंसि अहोरत्तंसि दाहिणाए अंतराए भागाए तस्सादिपदेसाए बाहिरंतरं तच्चं उत्तरं अद्धमंडलसंठितिं उवसंकमिता चारं चरइ ता जया णं सूरिए बाहिरं तच्चं उत्तरं अद्धमंडलसंठितिं उवसंकमिता चारं चरइ तथा णं अट्टारसमुहुत्ता राती भवति चउहिं एगट्ठिभागमुहुत्तेहिं ऊणा दुवालसमुहुत्ते दिवसे भवइ चउहिं एगट्ठिभागमुहुत्तेहिं अहिए एवं खलु एएणं उवाएणं पविसमाणे सूरिए तथाणंतराओ जाव संकममाणे उत्तराए अंतराए भागाए तस्सादिपदेसाए सव्वब्भंतरं दाहिणं अद्धमंडलसंठितिं उवसंकमिता चारं चरइ ता जया णं सूरिए सव्वब्भंतरं दाहिणं अद्धमंडलसंठितिं उवसंकमिता चारं चरइ तथा णं उत्तमकट्टपत्ते उक्कोसए अट्टारसमुहुत्तेदिवसे भवइ जहणिया दुवालसमुहुत्ता राती भवति एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे।१२।-१२

(२७) ता कहं ते उत्तरा अद्धमंडलसंठिती आहितेति वएजा ता अयं णं जंबुद्वीवे दीवे सव्वदीवसमुद्धानं सव्वब्भंतराए जाव परिकखेवेणं ता जया णं सूरिए सव्वब्भंतरं उत्तरं अद्धमंडलसंठिति उवसंकमिता चारं चरइ तथा णं उत्तमकट्टपत्ते उक्कोसए अट्टारस मुहुत्ते दिवसे भवइ

जहणिया दुवालसमुहुत्ता राती भवति जहा दाहिणा तथा चेव नवरं-उत्तरदिओ अभितराणंतरं दाहिणं उवसंकमति दाहिणाओ अढ्मितरं तद्यं उत्तरं उवसंकमति एवं खलु एएणं उवाएणं जाव सव्वबाहिरं दाहिणं उवसंकमति सव्वबाहिरं दाहिणं उवसंकमिता दाहिणाओ बाहिराणंतरं उत्तरं उवसंकमति उत्तराओ बाहिरं तद्यं दाहिणं तद्याओ दाहिणाओ संकममाणे-संकममाणे जाव सव्वभ्भंतरं उवसंकमति तहेव एस णं दोछे छम्मासे एस णं दोद्यस्त छम्मासस्स पञ्जवसाणे एस णं आदिच्च संवच्छरे एस णं आदिच्चस्स संवच्छरस्स पञ्जवसाणे गाहाओ ।१३१-१३

● पढ्मे पाहुडे बीयं पाहुड पाहुडं समत्तं ●

—: त चं पा हु ड पा हु डं :-

(२८) ता के ते चित्रं पडिचरइ आहितेति वएज्जा तत्थ खलु इमे दुवे सूरियाभारहे चेव सूरिए एरवए चेव सूरिए ता एते णं दुवे सूरिया तीसाए तीसाए मुहुत्तेहिं एगमेगं अद्धमंडलं चरंति सद्धिए-सद्धीए मुहुत्तेहिं एगमेगं मंडलं संघातेति ता निकखममाणा खलु एते दुवे सूरिया नो अण्णमण्णस्स चिण्णं पडिचरंति पविसमाणा खलु एते दुवे सूरिया अण्णमण्णस्स चिण्णं पडिचरंति तं सतमेगं चो-यालं तत्थ णं को हेतूति वएज्जा ता अचण्णं जंबुद्दीवे दीये सव्वदीवसमुद्दाणं सव्वभ्भंतराए जाव परिकखेवेषं तत्थ णं अयं भारहए चेव सूरिए जंबुद्दीवस्स दीवस्स पाईणपडिणायताए उदीणदाहि-णायताए जीवाए मंडलं चउवीसएणं सएणं छेत्ता दाहिणपुरत्थिमिळ्ळंसि चउभागमंडलंसि वाणउतिं सूरियगताइं चिण्णाइं पडिचरइ उत्तरपद्दात्थि मिळ्ळंसि चउभागमंडलंसि एककाणउतिं सूरियागताइं जाइं सूरिए अप्पणं चेव चिण्णाइं पडिचरइ तत्थ अयं भारहे सूरिए एरवयस्स सूरियस्स जंबुद्दीवस्स दीवस्स पाईणपडिणायताए जाव छेत्ता उत्तरपुरत्थिमिळ्ळंसि चउभागमंडलंसि वाणउतिं सूरियगताइं जाइं सूरिए परस्स चिण्णाइं पडिचरइ दाहिणपद्दात्थिमिळ्ळंसि चउभागमंडलंसि एककाणउतिं सूरियगताइं जाइं सूरिए परस्स चेव चिण्णाइं पडिचरइ तत्थ अयं एरवए सूरिए जंबुद्दीवस्स दीवस्स पाईणपडिणायताए जाव छेत्ता उत्तरपुरत्थिमिळ्ळंसि चउभागमंडलंसि वाणउतिं सूरियगताइं जाइं सूरिए अप्पणा चेव चिण्णाइं पडिचरइ दाहिणपुरत्थिमिळ्ळंसि चउभागमंडलंसि एककाणउतिं सूरियगताइं जाइं सूरिए अप्पणा चेव चिण्णाइं पडिचरइ तत्थ अयं एरावतिए सूरिए भारहस्स सूरियस्स जंबुद्दीवस्स दीवस्स पाईणपडिणायताए जाव छेत्ता दाहिणपद्दात्थिमिळ्ळंसि चउभागमंड-लंसि वाणउतिं सूरियगताइं सूरिए परस्स चिण्णाइं पडिचरइ उत्तरपुरत्थिमिळ्ळंसि चउभागमंडलंसि एककाणउतिं सूरियगताइं जाइं सूरिए परस्स चेव चिण्णाइं पडिचरइ ता निकखममाणा खलु एते दुवे सूरिया नो अण्णमण्णस्स चिण्णं पडिचरंति पविसमाणा खलु एते दुवे सूरिया अण्णमण्णस्स चिण्णं पडिचरंति सतमेगं चोयालं गाहाओ ।१४१-१४

● पढ्मे पाहुडे तद्यं पाहुडपाहुडं समत्तं ●

—: च उ त्थं पा हु ड पा हु डं :-

(२९) ता केवतियं एते दुवे सूरिया अण्णमण्णस्स अंतरं कट्टु चारं चरंति आहिताति वएज्जा तत्थ खलु इमाओ छ पडिबत्तीओ तत्थ एगे एवमाहंसु-त्ता एणं जोयणसहस्सं एणं च तेत्तीसं जोयणसत्तं अण्णमण्णस्स अंतरं कट्टु सूरिया चारं चरंति आहिताति वएज्जा-एगे एवमाहंसु एगे पुण एवमाहंसु-त्ता एणं जोयणसहस्सं एणं च चउतीसं जोयणसचं अण्णमण्णस्स अंतरं कट्टु सूरिया चारं चरंति आहिताति वएज्जा-एगे एवमाहंसु एगे पुण एवमाहंसु-त्ता एणं जोयणसहस्सं एणं च पणतीसं

पाहुई-१, पाहुईपाहुई-४

७

जोयणसयं अण्णमण्णस्स अंतरं कट्टु सूरिया चारं चरंति आहिताति वएज्जा-एगे एवमाहंसु एवं एगं दीवं एगं समुदं० एगे पुण एवमाहंसु-ता दो दीवे दो समुद्रे अण्णमण्णस्स अंतरं कट्टु सूरिया चारं चरंति आहितातिवएज्जा-एगे एवमाहंसु एगे पुण एवमाहंसु-ता तिण्णि दीवे तिण्णि समुद्रे अण्णमण्णस्स अंतरं कट्टु सूरिया चारं चरंति आहिताति वएज्जा-एगे एवमाहंसु, वचं पुण एवं वयामो-ता पंच पंच जोयणाइं पणतीसं च एगड्ढिभागे जोयणस्स एगमेगे मंडले अण्णमण्णस्स अंतरं अभिवड्ढेमाणा वा निवड्ढेमाणा वा सूरिया चारं चरंति आहिताति वएज्जा तत्थं णं को हेतूति वएज्जा ता अयण्णं जंबुद्वीवे दीवे सव्वदीवसमुद्दाणं सव्वब्भंतराए जाव परिकखेवेणं पत्रते ता जया णं एते दुवे सूरिया सव्वब्भंतरंमंडलंउवसंकमिता चारं चरंति तथा णं नवणउतिं जोयणसहस्साइं छत्त चत्ताले जोयण-सए अण्णमण्णस्स अंतरं कट्टु चारं चरंति आहिताति वएज्जा तथा णं उत्तमकट्टुपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति ते निक्खममाणा सूरिया नवं संवच्छं अयमाणा पढमंसि अहोरत्तंसि अत्थितराणंतरं मंडलं उवसंकमिता चारं चरंति ता जया णं एते दुवे सूरिया अत्थितराणंतरं मंडल उवसंकमिता चारं चरंति तथा णं नवणवतिं जोयणसहस्साइं छच्च पणचाले जोयणसए पणवीसं च एगड्ढिभागे जोयणस्स अण्णमण्णस्स अंतरं कट्टु चारं चरंति आहिताति वएज्जा तथा णं अट्टारसमुहुत्ते दिवसे भवइ दोहिं एगड्ढिभागमुहुत्तेहिं ऊणे दुवालसमुहुत्ता राती भवति दोहिं एगड्ढिभागमुहुत्तेहिं अहिया ते निक्खममाणा सूरिया दोच्चंसि अहोरत्तंसि अत्थितरं तच्चं मंडलं उवसंकमिता चारं चरंति ता जया णं एते दुवे सूरिया अत्थितरं तच्चं मंडलं उवसंकमिता चारं चरंति तथा णं नवणवतिं जोयणसहस्साइं छच्च इक्कावण्णे जोयणसए नव य एगड्ढिभागे जोयणस्स अण्णमण्णस्स अंतरं कट्टु चारं चरंति आहिताति वएज्जा तथा णं अट्टारसमुहुत्ते दिवसे भवइ चउहिं एगड्ढिभागमुहुत्तेहिं ऊणे दुवालसमुहुत्ता राती भवति चउहिं एगड्ढिभागमुहुत्तेहिं अहिया एवं खलु एतेणुवाएणं निक्खममाणा एते दुवे सूरिया तथाणंतराओ तथाणंतरं मंडलाओ मंडलं संकममाणा-संकममाणा पंच-पंच जोयणाइं पणतीसं च एगड्ढिभागे जोयणस्स एगमेगे मंडले अण्णमण्णस्स अंतरं अभिवड्ढेमाणा-अभिवड्ढेमाणा सव्ववाहिरं मंडलं उवसंकमिता चारं चरंति ता जया णं एते दुवे सूरिया सव्ववाहिरं मंडलं उवसंकमिता चारं चरंति तथा णं एगं जोयण-सयसहस्सं छच्च सड्ढे जोयणसए अण्णमण्णस्स अंतरं कट्टु चारं चरंति तथा णं उत्तमकट्टुपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस्स छम्मासस्स पज्जवसाणे, ते पविसमाणा सूरिया दोच्चं छम्मासं अयमाणा पढमंसि अहोरत्तंसि वाहिराणंतरं मंडलं उवसंकमिता चारं चरंति ता जया णं एते दुवे सूरिया वाहिराणंतरं मंडलं उवसंकमिता चारं चरंति तथा णं एगं जोयणसयसहस्सं छच्च चउयण्णे जोयणसए छव्वीसं च एगड्ढिभागे जोयणस्स अण्णमण्णस्स अंतरं कट्टु चारं चरंति आहिताति वएज्जा तथा णं अट्टारसमुहुत्ता राती भवति दोहिं एगड्ढिभागमुहुत्तेहिं ऊणा दुवालसमुहुत्ते दिवसे भवइ दोहिं एगड्ढिभागमुहुत्तेहिं अहिए ते पविसमाणा सूरिया दोच्चंसि अहोरत्तंसि वाहिरं तच्चं मंडलं उवसंकमिता चारं चरंति ता जया णं एते दुवे सूरिया वाहिरं तच्चं मंडलं उवसंकमिता चारं चरंति तथा णं एगं जोयणसयसहस्सं छच्च अडचाले जोयणसए वावण्णं च एगड्ढिभागे जोयणस्स अण्णमण्णस्स अंतरं कट्टु चारं चरंति तथा णं अट्टारसमुहुत्ता राती भवति चउहिं एगड्ढिभागमुहुत्तेहिं ऊणा दुवालसमुहुत्ते दिवसे भवइ चउहिं एगड्ढिभागमुहुत्तेहिं अहिए एवं खलु एतेणुवाएणं पविसमाणा एते दुवे सूरिया तथाणंतराओ

जाव पणतीसे एगड्ढिभागे जोयणस्स एगमेगे मंडले अण्णमण्णस्स अंतर निवुड्ढेमाणा-निवुड्ढेमाणा सव्वम्भंतरमंडलं उवसंकमिता चारं चरंति ता जया णं एते सूरिया सव्वम्भंतरं मंडलं उवसंकमिता चारं चरंति तथा णं नवणउत्तिं जोयणसहस्साई छच्च चत्ताले जोयणसए अण्णमण्णस्स अंतरं कट्टु चारं चरंति तथा णं उत्तमकट्टपते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संबच्छे एस णं आदिच्चस्स संबच्छरस्स पज्जवसाणे ।१५१-१५

● पट्ठमे पाहुडे चउत्थं पाहुड पाहुड समत्तं ●

—: पं च मं पा हु ड पा हु ड :-

(३०) ता केवतियं ते दीवं समुद्दं वा ओगाहिता सूरिए चारं चरइ आहितेति वएज्जा तत्थ खलु इमाओ पंच पडिवत्तीओ पत्तताओ तत्थ एगे एवमाहंसु-ता एगं जोयणसहस्सं एगं च तेत्तीसं जोयणसयं दीवं समुद्दं वा ओगाहिता सूरिए चारं चरइ आहितेति वएज्जा-एगे एवमाहंसु, एगे पुण एवमाहंसु-ता एगं जोयणसहस्सं एगं च चउत्तीसं जोयणसयं दीवं समुद्दं वा ओगाहिता सूरिए चारं चरइ आहितेति वएज्जा-एगे एवमाहंसु, एगे पुण एवमाहंसु-ता एगं जोयणसहस्सं एगं च पणतीसं जोयणसयं दीवं समुद्दं वा ओगाहिता सूरिए चारं चरइ आहितेति वएज्जा-एगे एवमाहंसु एगे पुण एवमाहंसु-ता अवड्ढं दीवं समुद्दं वा ओगाहिता सूरिए चारं चरइ आहितेति वएज्जा-एगे एवमाहंसु एगे पुण एवमाहंसु-ता किंचि दीवं समुद्दं वा ओगाहिता सूरिए चारं चरइ आहितेति वएज्जा-एगे एवमाहंसु तत्थ जेते एवमाहंसु-ता एगं जोयणसहस्सं एगं च तेत्तीसं जोयणसयं दीवं समुद्दं वा ओगाहिता सूरिए चारं चरइ ते एवमाहंसु-ता जया णं सूरिए सव्वम्भंतरं मंडलं उवसंकमिता चारं चरइ तथा णं जंवुदीवं दीवं एगं जोयणसहस्सं एगं च तेत्तीसं जोयणसयं ओगाहितासूरिए चारं चरइ तथा णं उत्तमकट्टपते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति ता जया णं सूरिए सव्ववाहिरं मंडलं उवसंकमिता चारं चरइ तथा णं लवणसमुद्दं एगं जोयणसहस्सं एगं च तेत्तीसं जोयणसयं ओगाहिता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एवं चोत्तीसं जोयणसयं एवं पणतीस जोयणसयं तत्थ जेते एवमाहंसु-ता अवड्ढं दीवं समुद्दं वा ओगाहिता सूरिए चारं चरइ ते एवमाहंसु-ता जया णं सूरिए सव्वम्भंतरं मंडलं उवसंकमिता चारं चरइ तथा णं अवड्ढं जंवुदीवं दीवं ओगाहिता चारं चरइ तथा णं उत्तमकट्टपते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एवं सव्ववाहिरएवि नवरं-अवड्ढं लवणसमुद्दं तथा णं राईदियं तहेव तत्थ जेते एवमाहंसु-ता नो किंचि दीवं समुद्दं वा ओगाहिता सूरिए चारं चरइ ते एवमाहंसु-ता जया णं सूरिए सव्वम्भंतरं मंडलं उवसंकमिता चारं चरइ तथा णं नो किंचि दीवं समुद्दं वा ओगाहिता सूरिए चारं चरइ तथा णं उत्तमकट्टपते उक्कोसए अट्टारसमुहुत्ते दिवसे भवइ तहेव एवं सव्ववाहिरए मंडले नवरं-नो किंचि लवणसमुद्दं ओगाहिता चारं चरइ राईदियं तहेव एगे एवमाहंसु ।१६१-१६

(३१) वयं पुण एवं वयामो-ता जया णं सूरिए सव्वम्भंतरं मंडलं उवसंकमिता चारं चरइ तथा णं जंवुदीवं दीवं असीतं जोयणसत्तं ओगाहिता चारं चरइ तथा णं उत्तमकट्टपते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एवं सव्ववाहिरएवि नवरं-लवणसमुद्दं तिण्णि तीसे जोयणसए ओगाहिता चारं चरइ तथा णं उत्तमकट्टपत्ता उक्कोसिया

अद्वारसमुहुता राती भवति जहण्णाए दुवालसमुहुते दिवसे भवइ गाहाओ भाणियव्वाओ ।१७।१७

● पढमे पाहुई पंचम पाहुइ पाहुइ समतं ●

—: छ इं पा हु ड पा हु इं :-

(३२) ता केवतिथं ते एगमेगेणं राईदिएणं विकंपइत्ता-विकंपइत्ता सूरिए चारं चरइ आहितेति वएञ्जा तत्थ खलु इमाओ सत्त पडिबत्तीओ एत्रताओ तत्थ एगे एवमाहंसु-ता दो जोयणाइं अद्धवावालीसं तेसीतिसतभागे जोयणस्स एगमेगेणं राईदिएणं विकंपइत्ता-विकंपइत्ता सूरिए चारं चरइ आहितेति वएञ्जा-एगे एवमाहंसु, एगे पुण एवमाहंसु-ता अइढाइञ्जाइं जोयणाइं एगमेगेणं राईदिएणं विकंपइत्ता० जाव एगे एवमाहंसु एगे पुण एवमाहंसु-ता तिभागूणाइं तिण्णि जोणाइं एगमेगेणं राईदिएणं विकंपइत्ता जाव एग एवमाहंसु, एगे पुण एवमाहंसु-ता तिण्णि जोयणाइं अद्धवावालीसं च तेसीतिसयभागे जोयणस्स एगमेगेणं राईदिएणं विकंपइत्ता-विकंपइत्ता सूरिए चारं चरइ आहितेति वएञ्जा-एगे एवमाहंसु एगे पुण एवमाहंसु-ता अद्धुइइं जोयणाइं एगमेगेणं राईदिएणं विकंपइत्ता जाव एगे एवमाहंसु एगे पुण एवमाहंसु-ता चउड्ढमागूणाइं चत्तारि जोयणाइं एगमेगेणं राईदिएणं विकंपइत्ता जाव एगे एवमाहंसु एगे पुण एवमाहंसु-ता चत्तारि जोयणाइं अद्धवावण्णं च तेसीतिसयभागे जोयणस्स एगमेगेणं राईदिएणं विकंपइत्ता चारं चरइ आहितेति वएञ्जा-एगे एवमाहंसु, वयं पुण एवं वयामो-ता दो जोयणाइं अडतालीसं च एगड्ढिभागे जोयणस्स एगमेगं मंडलं एगमेगेणं राईदिएणं विकंपइत्ता-विकंपइत्ता सूरिए चारं चरइ तत्थ णं को हेतूति वएञ्जा ता अचण्णं जंबुहीवे दीवे सव्वदीवमुद्धानं सव्वभंतराए जाव परिकखेवेणं पन्न्ते ता जया णं सूरिए सव्वभंतरं मंडलं उवसंकमिता चारं चरइ तथा णं उत्तमकड्ढपत्ते उक्कोसए अद्वारसमुहुते दिवसे भवइ जहण्णिया दुवालसमुहुता राती भवति से निक्खममाणे सूरिए नयं संवच्छरं अयमाणे पढमंसि अहोरत्तंसि अम्भितराणंतरं मंडलं उवसंकमिता चारं चरइ ता जया णं सूरिए अम्भितराणंतरं मंडलं उवसंकमिता चारं चरइ तथा णं दो जोयणाइं अडयालीसं च एगड्ढिभागे जोयणस्स एगेणं राईदिएणं विकंपइत्ता चारं चरइ तथा णं अद्वारसमुहुते दिवसे भवइ दोहिं एगड्ढिभागमुहुतेहिं ऊणे दुवाल-समुहुता राती भवति दोहिं एगड्ढिभागमुहुतेहिं अहिया से निक्खममाणे सूरिए दोच्चंसि अहोरत्तंसि अम्भितरं तच्चं मंडलं उवसंकमिता चारं चरइ ता जया णं सूरिए अम्भितरं तच्चं मंडलं उवसंकमिता चारं चरइ ता जया णं सूरिए अम्भितरं तच्चं मंडलं उवसंकमिता चारं चरइ तथा णं पंच जोयणाइं पणतीसं एगड्ढिभागे जोयणस्स दोहिं राईदिएहिं विकंपइत्ता चारं चरइ तथा णं अद्वारसमुहुते दिवसे भवइ चउरिं एगड्ढिभागमुहुतेहिं ऊणे दुवालसमुहुता राती भवति चउरिं एगड्ढिभागमुहुतेहिं अहिया एवं खलु एतेणं उवाएणं निक्खममाणे सूरिए तयाणंतराओ तयाणंतरं मंडलाओ मंडलं संकममाणे-संकममाणे दो-दो जोयणाइं अडतालीसं च एगड्ढिभागे जोयणस्स एगमेगं अमडलं एगमेगेणं राईदिएणं विकंपमाणे-विकंपमाणे सव्वबाहिरं मंडलं उवसंकमिता चारं चरइ ता जया णं सूरिए सव्वभंतराओ मंडलाओ सव्वबाहिरं मंडलं उवसंकमिता चारं चरइ तथा णं सव्वभंतरं मंडलं पणिहाय एगेणं तेसीतेणं राईदियसतेणं पंचदसुत्तरजोयणसए विकंपइत्ता चारं चरइ तथा णं उत्तमकड्ढपत्ता उक्कोसिया अद्वारसमुहुता राती भवति जहण्णाए दुवालसमुहुते दिवसे भवइ एस णं पढमे छम्मासे एस णं पढमस्स छम्मासस्स पञ्चवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ ता जया णं सूरिए बाहिराणंतरं

मंडलं उवसंकमिता चारं चरइ तथा णं दो-दो जोयणाइं अडतालीसं च एगड्ढिभागे जोयणस्स एगेणं राइंदिएणं विकंपइत्ता चारं चरइ तथा णं अट्टारसमुहुत्ता राती भवति दोहिं एगड्ढिभागमुहुत्तेहिं ऊणा दुवालसमुहुत्ते दिवसे भवइ दोहिं एगड्ढिभागमुहुत्तेहिं अहिए से पविसमाणे सूरिए दोघंसि अहोरत्तंसि बाहिरतच्चं मंडलं उवसंकमिता चारं चरइ तथा णं पंच जोयणाइं पणतीसं च एगड्ढिभागे जोयणस्स दोहिं राइंदिएहिं विकंपइत्ता चारं चरइ राइंदिए तहेव एवं खलु एतेणुवाएणं पविसमाणे सूरिए तथाणंतराओ तथाणंतरं मंडलाओ मंडलं संकममाणे-संकममाणे दो-दो जोयणाइं अडतालीसं च एगड्ढिभागे जोयणस्स एगमेगेणं राइंदिएणं विकंपमाणे-विकंपमाणे सव्वत्थंतरं मंडलं उवसंकमिता चारं चरइ तथा णं सव्वयाहिरं मंडलं पणिहायं एगेणं तेसीतेणं राइंदियसतेणं पंचदसुत्तरे जोयणसते विकंपइत्ता चारं चरइ तथा णं उत्तमकड्डपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति एस णं दोघे छम्मासे एस णं दोघस्स छम्मास्स पञ्जवसाणे एस णं आदिघे संबच्छे एस णं आदिघस्स संबच्छरस्स पञ्जवसाणे।१८।१८

● पटमे पाहुडे षड् पाहुडपाहुडं समत्तं ●

—: स त्त मं पा हु ड पा हु डं :—

(३३) ता कहं ते मंडलसंठिता आहितेति वएज्जा तत्थ खलु इमाओ अड्ड पडिवतीओ पत्रत्ताओ तत्थ एगे एवमाहंसु-ता सव्वावि मंडलवता समचउरंससंठाणसंठिता पत्रत्ता-एगे एवमाहंसु, एगे पुण एवमाहंसु-ता सव्वावि मंडलवता विसमचउरंससंठाणसंठिता० एगे पुण एवमाहंसुता सव्वावि मंडलवता समचउक्कोणंसंठिता० एगे पुण एवमाहंसु-ता सव्वावि मंडलवता विसमचउक्कोणंसंठिता० एगे पुण एवमाहंसुता सव्वावि मंडलवता समचक्कवालसंठिता० एगे पुण एवमाहंसुता सव्वावि मंडलवता विसमचक्कवालसंठिता० एगे पुण एवमाहंसु-तासव्वावि मंडलवता चक्कद्धचक्कवालसंठिता० एगे पुण एवमाहंसुता सव्वावि मंडलवता छत्तागारसंठिता० तत्थ जेते एवमाहंसुता सव्वावि मंडलवता छत्तागारसंठिता पत्रत्ता एतेणं नएणं नायब्बं नो चेव णं इतरेहिं पाहुडगाहाओ भाणियव्वाओ।१९।-१९

● पटमे पाहुडे सत्तमं पाहुड पाहुडं समत्तं ●

—: अ ड्ड मं पा हु ड पा हु डं :—

(३४) ता सव्वावि णं मंडलवता केवतियं बाहल्लेणं केवतियं आयाम-विकखंभेणं केवतियं परिकखेवेणं अहिताति वएज्जा तत्थ खलु इमाओ तिण्णि पडिवतीओ पत्रत्ताओ तत्थ एगे एवमाहंसु-ता सव्वावि णं मंडलवता जोयणं बाहल्लेणं एणं जोयणसहस्सं एणं च तेत्तीसं जोयणसयं आयाम-विकखंभेणं तिण्णि जोयणसहस्साइं तिण्णि य नवणउए जोयणसए परिकखेवेणं पत्रत्ता-एगे एवमाहंसु, एगे पुण एवमाहंसु-ता सव्वावि णं मंडलवत्ता जोयणं बाहल्लेणं एणं जोयणसहस्सं एणं च चउतीसं जोयणसयं आयामविकखंभेणं तिण्णि जोयणसहस्साइं चत्तारि विउत्तरे जोयणसए परिकखेवेणं एगेपुण एवमाहंसु-ता सव्वावि णं मंडलवत्ता जोयणं बाहल्लेणं एणं जोयणसहस्सं एणं च पणतीसं जोयणसयं आयाम-विकखंभेणं तिण्णि जोयणसहस्साइं चत्तारि य पंचुत्तरे जोयणसए परिकखेवेणं वयं पुण एवं बयामो तासव्वावि णं मंडलवता अडतालीसं एगड्ढिभागे जोयणस्स बाहल्लेणं अणियता आयाम-विकखंभ-परिकखेवेणं आहिताति वएज्जा, तत्थ णं को हेतूति वएज्जा ता अचण्णं जंवुदीवे दीवे सव्वदीवसमुद्धानं सव्वत्थंतराए जाव परिकखेवेणं ता जया णं सूरिए

सव्यम्भंतरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं नवणउत्तिं जोयणसहस्साइं छच्च चताले जोयणसए आयामविक्खंभेणं तिण्णि जोयणस-यससहस्साइं पन्नरस य जोयणसहस्साइं एगूण्णउत्तिं जोयणाइं किंचि विसेसाहिए परिक्खेवेणं तथा णं उत्तमकट्टपत्ते उक्कोसए अट्टारसमुहुते दिवसे भवइ जहण्णिया जहण्णिया दुवालसमुहुता राती भवति से निक्खममाणे सूरिए नवं संवच्छरं अयमाणे पढमंसि अहोरत्तंसि अट्ठितराणंतरं मंडलं उवसंकमिता चारं चरइ ता जया णं सूरिए अट्ठितराणंतरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं नवणउत्तिं जोयणसहस्साइं छच्च पणयाले जोयणसए पणतीसं च एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं पन्नरस य सहस्साइं एणं च सत्तुत्तरं जोयणसयं किंचिविसेसूणं परिक्खेवेणं तथा णं दिवसराइप्पमाणं तहेव से निक्खममाणे सूरिए दोच्चंसि अहोरत्तंसि अट्ठितरं तच्चं मंडलं उवसंकमिता चारं चरइ ता जया णं सूरिए अट्ठितरं तच्चं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं नवणउत्तिं जोयणसहस्साइं छच्च एककावण्णे जोयणसए नव य एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं पन्नरस य सहस्साइं एणं पणवीसं जोयणसयं परिक्खेवेणं तथा णं दिवसराइं तहेव एवं खलु एतेणं उवाएणं निक्खममाणे सूरिए तथाणंतराओ तथाणंतरं मंडलाओ मंडलं संकममाणे-संकममाणे पंच-पंच जोयणाइं पणतीसं च एगड्ढिभागे जोयणस्स एणमेगे मंडले विक्खंभवुइंढ अभिवड्ढेमाणे-अभिवड्ढेमाणे अट्टारस-अट्टारस जोयणाइं परिणयवुइंढ अभिवड्ढेमाणे-अभिवड्ढेमाणे सव्वबाहिरं उवसंकमिता चारं चरइ ता जया णं सूरिए सव्वबाहिरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागा जोयणस्स बाहल्लेणं एणं जोयणसयसहस्सं छच्च सडे जोयणसए आयाम-विक्खंभेणं तिण्णि जोयणसयसहस्साइं अट्टारस सहस्साइं तिण्णि य पन्नरसुत्तरं जोयणसए परिक्खेवेणं तथा णं उक्कोसिया अट्टारसमुहुता राती भवति जहण्णाए दुवालसमुहुते दिवसे भवइ एस णं पढमे छम्मासे एस णं पढमस्स छम्मास्स पज्जवसाणे से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमिता चारं चरइ ता जया णं सूरिए बाहिराणंतरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं एणं जोयणसयसहस्सं छच्च चउष्ण्णे जोयणसए छव्वीसं च एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं अट्टारस सहस्साइं दोण्णि य सत्ताणउए जोयणसए परिक्खेवेणं तथा णं राइंदियं तहेव से पविसमाणे सूरिए दोच्चंसि अहोरत्तंसि बाहिरं तच्चं-मंडलं-उवसंकमिता चारं चरइ ता जया णं सूरिए बाहिरं तच्चं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे जोयणस्स बाहल्लेणं एणं जोयणसयसहस्साइं छच्च अडयाले जोयणसए बावण्णं च एगड्ढिभागे जोयणस्स आयाम-विक्खंभेणं तिण्णि जोयणसयसहस्साइं अट्टारस सहस्साइं दोण्णि य अउणासीते जोयणसए परिक्खेवेणं दिवसराइं तहेव एवं खलु एतेणुवाएणं पविसमाणे सूरिए तथाणंतराओ तथाणंतरं मंडलाओ मंडलं संकममाणे-संकममाणे पंच-पंच जोयणाइं पणतीसं च एगड्ढिभागे जोयणस्स एणमेगे मंडले विक्खंभवुइंढ निवुड्ढेमाणे-निवुड्ढेमाणे अट्टारस जोयणाइं परिणयवुइंढ निवुड्ढेमाणे-निवुड्ढेमाणे सव्वम्भंतरं मंडलं उवसंकमिता चारं चरइ ता जया णं सूरिए सव्वम्भंतरं मंडलं उवसंकमिता चारं चरइ तथा णं सा मंडलवता अडतालीसं एगड्ढिभागे

जोयणसस्स बाहल्लेणं नवणउत्तिं जोयणसहस्साइं छच्च चत्ताले जोयणसए आयाम-विम्बंभेणं तिण्णि जोयणसयसहस्साइं पप्ररस य सहस्साइं अउणाउत्तिं च जोयणाइं किंचिद्विसेसाहियाइं परिक्खेवेणं तया णं उत्तमकट्टपत्ते उक्कोसए अट्टारसमुहुत्ते दिवसे भवइ जहणिया दुवालसमुहुत्ता राती भवति एस णं दोद्ये छम्मासे एस ण दोद्यस्स छम्मासस्स पज्वसाणे एस णं आदिच्चे संबच्छरे एस णं आदिच्च्स्स संबच्छरस्स पज्वसाणे ता सव्वावि णं मंडलवता अडतालीसं एणट्ठिभागे जोयणस्स बाहल्लेणं सव्वावि णं मंडलंतरिया दो जोयणाइं विम्बंभेणं एस णं अट्टा तेसीयसयपडुप्पण्णे पंचदसुत्तरे जोयणसए आहिताति वएज्जा ता अम्भितराओ मंडलवताओ बाहिरा मंडलवता बाहिराओ वा मंडलवताओ अम्भितरा मंडलवता एस णं अट्टा केवतियं आहितेति वएज्जा ता पंचदसुत्तरे जोयणसए अडतालीसं च एणट्ठिभागे जोयणस्स आहितेति वएज्जा ता अम्भितराओ मंडलवताओ बाहिरा मंडलवता बाहिराओ वा मंडलवताओ अम्भितरा मंडलवता एस णं अट्टा केवतियं आहितेति वएज्जा ता पंचणवुत्तरे जोयणसए तेरस य एणट्ठिभागे जोयणस्स आहितेति वएज्जा ता अम्भितराए मंडलवताए बाहिरा मंडलवता बाहिराए वा मंडलवताए अम्भितरा मंडलवता एस णं अट्टा केवतियं आहितेति वएज्जा ता पंचदसुत्तरे जोयणसए आहितेति वएज्जा । २०-२०

● पठमे पाहुडे अट्टमं सहुइ पाहुइं समत्तं ● पठमं पाहुइं समत्तं ●

वीयं पाहुइं

—: प ठ मं पा हु ड पा हु डं :—

(३५) ता कहं ते तिरिच्छगती आहिताति वएज्जा तस्य खलु इमाओ अट्ट पडिदतीओ पत्रत्ताओ तस्य एगे एवमाहंसु-ता पुरत्थिमाओ लोयंताओ पादो मिरीची आगासंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं मिरीयं आगासंसि विद्धंसइ-एगे पुण एवमाहंसु-ता पुरत्थिमाओ लोयंताओ पादो सूरिए आगासंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए आगासंसि विद्धंसइ-एगे पुण एवमाहंसुता पुरत्थिमाओ लोयंताओ पादो सूरिए आगासंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए आगासं अनुपविसइ अनुपविसिता अहे पडियागच्छइ पडियागच्छिता पुनरवि अवरभूपुरत्थिमाओ लोयंताओ पादो सूरिए आगासंसि उत्तिट्टइ-एगे पुण एवमाहंसु-ता पुरत्थिमाओ लोयंताओ पाओ सूरिए पुढविकार्यंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमिण्णंसि लोयंतंसि सायं सूरिए पुढविकार्यंसि विद्धंसइ-एगे पुण एवमाहंसु-ता पुरत्थिमाओ लोयंताओ पाओ सूरिए पुढविकार्यंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए पुढविकार्यंसि अनुपविसइ अनुपविसिता अहे पडियागच्छइ पडियागच्छिता पुनरवि अवरभूपुरत्थिमाओ लोयंताओ पाओ सूरिए पुढविकार्यंसि उत्तिट्टइ-एगे पुण एवमाहंसु-ता पुरत्थिमिण्णओ लोयंताओ पाओ सूरिए आउकार्यंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि पाओ सूरिए आउकार्यंसि विद्धंसइ-एगे पुण एवमाहंसु-ता पुरत्थिमाओ लोयंताओ पाओ सूरिए आउकार्यंसि उत्तिट्टइ से णं इमं तिरियं लोयं तिरियं करेइ करेत्ता पच्चत्थिमंसि लोयंतंसि सायं सूरिए आउकार्यंसि अनुपविसइ अनुपविसिता अहे पडियागच्छइ पडियागच्छिता पुनरविअवरभूपुरत्थिमाओ लोयंताओ पाओ सूरिए आउकार्यंसि उत्तिट्टइ-एगे पुण एवमाहंसु-ता पुरत्थिमाओ लोयंताओ बहइं जोयणाइं बहइं

जोयणसचाई बहूई जोयणसहस्साई उड्डं दूरं उप्पइत्ता एत्थ षं पाओ सूरिए आगासंसि उत्तिड्ढि से णं इमं दाहिणइड्डं लोयं तिरियं करेइ करेत्ता उत्तरइड्डलोयं तमेव राओ से णं इमं उत्तरइड्डलोयं तिरियं करेइ करेत्ता दाहिणइड्डलोयं तमेव राओ से णं इमाइं दाहिणुत्तरइड्डलोयाइं तिरियं करेइ करेत्ता पुरत्थिमाओ लोयंताओ बहूई जोयणाइं बहूई जोयणसयाइं बहूई जोयणसहस्साई उड्डं दूरं उप्पइत्ता एत्थ णं पाओ सूरिए आगासंसि उत्तिड्ढि-वयं पुण एणं वषामो-ता जंबुद्वीवस्स दीवस्स पाईणव-डीणायताए उदीणदाहिणायताए जीवाए मंडलं चउव्वीसेणं सएणं छेत्ता दाहिणपुरत्थिमंसि उत्तर-पच्चत्थिमंसि य चउव्वामगमंडलंसि इमीसे रयणप्पभाए पुबुवीए बहुसमरमणिज्जाओ भूमिभागाओ अद्द जोयणसयाइं उड्डं उप्पइत्ता एत्थ णं पाओ दुवे सूरिया उत्तिड्ढंति ते णं इमाइं दाहिणुत्तराईं जंबुद्वीवभागाइं तिरियं करेति करेत्ता पुरत्थिमपच्चत्थिमाइं जंबुद्वीवभागाइं तामेव राओ ते णं इमाइं पुरत्थिमपच्चत्थिमाइं जंबुद्वीवभागाइं तिरियं करेति करेत्ता दाहिणुत्तराईं जंबुद्वीवभागाइं तामेव राओ ते णं इमाइं दाहिणुत्तराईं पुरत्थिमपच्चत्थिमाणि य जंबुद्वीवभागाइं तिरियं करेति करेत्ता जंबुद्वीवस्स दीवस्स पाईणवडीणायताए जाव छेत्ता दाहिणपुरत्थिमिळ्ळंसि उत्तरपच्चत्थिमिळ्ळंसि य चउभागमंडलंसि इमीसे रयणप्पभाए बहुसमरमणिज्जाओ भूमिभागाओ अद्द जोयणसयाइं उड्डं उप्पइत्ता एत्थ णं पाओ दुवे सूरिया आगासंसि उत्तिड्ढंति । २१।-२१

● बीए पाहुंडे पदमं पाहुंडपाहुंडं समत्तं ●

—: वी यं पा हु ड पा हु डं :-

(३६) ता कहं ते मंडलाओ मंडलं संकममाणे सूरिए चारं चरति आहिताति वएज्जा तत्थ खलु इमाओ दुवे पडियत्तीओ पत्रत्ताओ तत्थेगे एवमाहंसु-ता मंडलओ मंडलं संकममाणे सूरिए भेयघाएणं संकमति-एगे एवमाहंसु, एगे पुण एवमाहंसु-ता मंडलाओ मंडलं संकममाणे सूरिए कण्णकलं निव्वेढेति तत्थ जेते एवमाहंसु-ता मंडलाओ मंडलं संकममाणे सूरिए भेयघाएणं संकमति तेसि णं अयं दोसे ता जेणंतरेणं मंडलाओ मंडलं संकममाणे सूरिए भेयघाएणं संकमति एवतियं च णं अद्दं पुरतो न गच्छति पुरतो अगच्छमाणे मंडलकालं परिहवेति तेसि णं अयं दोसे तत्थ जेते एवमाहंसु-ता मंडलाओ मंडलं संकममाणे सूरिए कण्णकलं निव्वेढेति तेसि णं अयं विसेसे ता जेणंतरेणं मंडलाओ मंडलं संकममाणे सूरिए कण्णकलं निव्वेढेति एवतियं च णं अद्दं पुरतो गच्छति पुरतो गच्छमाणे मंडलकालं न परिहवेति तेसि णं अयं विसेसे तत्थ जेते एवमाहंसु-ता मंडलाओ मंडलं संकममाणे सूरिए कण्णकलं निव्वेढेइ एतेणं नएणं नेयव्वं नो चेव णं इतोणं । २२।-२२

● बीए पाहुंडे वीयं पाहुंड पाहुंडं समत्तं ●

—: त वं पा हु ड पा हु डं :-

(३७) ता केवतियं ते खेत्तं सूरिए एगमेगेमं मुहुत्तेणं गच्छति आहितातिवएज्जा तत्थ खलु इमाओ चत्तारि पडियत्तीओ पत्रत्ताओ तत्थ एगे एवमाहंसु-ता छ छ जोयणसहस्साई सूरिए एगमेगेणं मुहुत्तेणं गच्छति-एगे पुण एवमाहंसु-ता पंच-पंच जोयणसहस्साई सूरिए एगमेगेणं मुहुत्तेणं गच्छति-एगे पुण एवमाहंसु-ता चत्तारि-चत्तारि जोयणसहस्साई सूरिए एगमेगेणं मुहुत्तेणं गच्छति-एगे पुण एवमाहंसु-ता छवि पंचवि चत्तारिवि जोयणसहस्साई सूरिए एगमेगेमं मुहुत्तेणं गच्छति-तत्थ जेते एवमाहंसु-ता छ छ जोयणसहस्साई सूरिए एगमेगेणं मुहुत्तेणं गच्छति ते एवमाहंसु-ता जया णं सूरिए सव्वव्यंत्तरं मंडलं उव-संक्रभित्ता चारं चरति तथा णं उत्तामकड्डपत्ते उक्कोसे अट्टारसमुहुत्ते दिवसे

भवइ जहण्णिया दुवालसमुहुत्ता राती भवति तंसि च णं दिवसंसि एणं जोयणसयसहस्सं अट्ट य जोयणसहस्साइं तावक्खेत्ते पत्रत्ते ता जया णं सूरिए सव्वबाहिरं मंडलं उवसंकमिता चारं चरति तथा णं उत्तम- कट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ तंसि च णं दिवसंसि वावत्तरिं जोयणसहस्साइं तावक्खेत्ते पत्रत्ते० तथ जेते एवमाहंसु-ता पंच-पंच जोयणसहस्साइं सूरिए एगमेगेणं मुहुत्तेणं गच्छति ते एवमाहंसु-ता जया णं सूरिए सव्वभंतरं मंडलं उवसंकमिता चारं चरति तहेव दिवसराइणमाणं तंसि च णं दिवसंसि नवतिं जोयणसहस्साइं तावक्खत्ते पत्रत्ते ता जया णं सूरिए सव्वबाहिरं मंडलं उवसंकमिता चारं चरइ तथा णं तं चेव राइंदियणमाणं तंसि च णं दिवसंसि सट्ठिं जोयणसहस्साइं तावक्खेत्ते पत्रत्ते० तथ णं जेते एवमाहंसुता चत्तारि-चत्तारि जोयणसहस्साइं सूरिए एगमेगेणं मुहुत्तेणं गच्छइ ते एवमाहंसु-ता जया णं सूरिए सव्वभंतरं मंडलं उवसंकमिता चारं चरति तथा णं दिवसराइं तहेव तंसि च णं दिवसंसि वावत्तरिं जोयणसहस्साइं तावक्खेत्ते पत्रत्ते ता जया णं सूरिए सव्वबाहिरं मंडलं उवसंकमिता चारं चरति तथा णं राइंदियं तहेव तंसि च णं दिवसंसि अडतालीसं जोयसहस्साइं तावक्खेत्ते पत्रत्ते [तथा णं चत्तारि-चत्तारि जोयणसहस्साइं सूरिए एगमेगेणं मुहुत्तेणं गच्छति] तथ जेते एवमाहंसु-ता छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति ते एवमाहंसु-ता सूरिए णं उग्गमणमुहुत्तंसि अत्थमणमुहुत्तंसि य सिग्घगती भवति तथा णं छ-छ जोयणसहस्साइं एगमेगेणं मुहुत्तेणं गच्छति मज्झिमतावक्खेत्तं समासादेमाणे-समासादेमाणे सूरिए मज्झिमगती भवति तथा णं पंच-पंच जोयणसहस्साइं एगमेगेणं मुहुत्तेणं गच्छति मज्झिमं तावक्खेत्तं संपत्ते सूरिए मंदगती भवति तथा णं चत्तारि चत्तारि जोयणसहस्साइं एगमेगेणं मुहुत्तेणं गच्छति तथ को हेतूति वएज्जा ता अयण्णं जंबुदीये दीवे सव्वदीवसमुद्धानं सव्वभंतराए जाव परिकखेवेणं ता जया णं सूरिए सव्वभंतरं मंडलं उवसंकमिता चारं चरति तथा णं दिवसराइं तहेव तंसि च णं दिवसंसि एक्काणउत्तिं जोयणसहस्साइं तावक्खेत्ते पत्रत्ते ता जया णं सूरिए सव्वबाहिरं मंडलं उवसंकमिता चारं चरति तथा णं राइंदियं तहेव तंसि च णं दिवसंसि एगट्ठिजोयणसहस्साइं तावक्खेत्ते पत्रत्ते तथा णं छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति-वयं पुण एवं बयामो-ता सातिरेगाइं पंच-पंच जोयणसहस्साइं सूरिए एगमेगेणं मुहुत्तेणं गच्छति तथ को हेतूति वएज्जा ता अयण्णं जंबुदीये दीवे सव्वदीवसमुद्धानं सव्वभंतराए जाव परिकखेवेणं ता जया णं सूरिए सव्वभंतरं मंडलं उवसंकमिता चारं चरति तथा णं पंच-पंच जोयणसहस्साइं दोण्णि य एक्कावण्णे जोयणसए एगुणतीसं च सट्ठिभागे जोयणस एगमेगेणं मुहुत्तेणं गच्छति तथा णं इहगतस्स मणुसस्स सीतालीसाए जोयणसहस्सेहिं दोहि च तेवड्ढेहिं जोयणसएहिं एगवीसाए च सट्ठिभागेहिं जोयणस सूरिए चक्खुप्फासं हव्वमागच्छइ तथा णं दिवसे राइं तहेव

सें निक्खममाणे सूरिए नवं संबच्छरं अयमाणे पढ्ढंसि अहोरत्तंसि अठ्ठित्तराणंतरं मंडलं उवसंकमिता चारं चरति ता जया णं सूरिए अठ्ठित्तराणंतरं मंडलं उवसंकमिता चारं चरति तथा णं पंच-पंच जोयणसहस्साइं दोण्णि य एक्कावण्णे जोयणसए सीतालीसं च सट्ठिभागे जोयणस एगमेगेणं मुहुत्तेणं गच्छति तथा णं इहगतस्स मणुसस्स सीतालीसाए जोयणसहस्सेहिं अउणासीते य जोयणसए सत्तावण्णाए सट्ठिभागेहिं जोयणस सट्ठिभागं च एगट्ठिहा छेत्ता अउणावीसाए चुण्णियाभागेहिं सूरिएचक्खुप्फासं हव्वमागच्छति तथा णं दिवसराइं तहेव से निक्खममाणे सूरिए

दोद्यंसि अहोरत्तंसि अर्धितरतद्यं मंडलं उवसंकमिता चारं चरति ज्योयणसहस्साइं दोण्णि य बावण्णे ज्योयणसए पंच य सद्धिभागे ज्योयणस एगमेगेणं मुहुत्तेणं गच्छति तथा णं इहगतस मणूसस सीतालीसाए ज्योयणसहस्सेहिं छण्णउतीए य ज्योयणेहिं तेतीसाए य सद्धिभागेहिं ज्योयणस सद्धिभागं च एगद्धिहा छेत्ता दोहिं चुण्णियाभागेहिं सूरिए चक्खुप्फासं हव्वमागच्छति तथा णं दिवसराइं तहेव एवं खलु एतेणं उवाएणं निक्खममाणे सूरिए तयाणंतराओ तयाणंतरं मंडलाओ मंडलं संकममाणे-संकममाणे अट्टारस-अट्टारस सद्धिभागे ज्योयणस एगमेगे मंडले मुहुत्तगतिं अभिवुड्ढेमाणे-अभिवुड्ढेमाणे चुलसीतिं सीताइं ज्योयणाइं पुरिसच्छायं निवुड्ढेमाणे-निवुड्ढेमाणे सब्बवाहिरं मंडलं उवसंकमिता चारं चरति ता जया णं सूरिए सब्बवाहिरं मंडलं उवसंकमिता चारं चरति तथा णं पंच-पंच ज्योयणसहस्साइं तिण्णि य पंचुत्तरे ज्योयणसते पञ्जरस य सद्धिभागे ज्योयणस एगमेगेणं मुहुत्तेणं गच्छति तथा णं इहगतस मणूसस एककतीसाए ज्योयणसहस्सेहिं अट्टहिं एककतीसेहिं ज्योयणसतेहिं तीसाए च सद्धिभागेहिं ज्योयणस सूरिए चक्खुप्फासं हव्वमागच्छति तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ एस णं पढमे छम्मासे एस णं पढमस छम्मासस पञ्जवसाणे, से पविसमाणे सूरिए दोद्यं छम्मासं अयमाणे पढमंसि अहोरत्तंसि वाहिराणंतरं मंडलं उवसंकमिता चारं चरति ता जया णं सूरिए वाहिराणंतरं मंडलं उवसंकमिता चारं चरति तथा णं पंच-पंच ज्योयणसहस्साइं तिण्णि य चउरुत्तरे ज्योयणसते सत्तावण्णं च सद्धिभागे ज्योयणस एगमेगेणं मुहुत्तेणं गच्छइ तथा णं इहगतस मणूसस एककतीसाए ज्योयणसहस्सेहिं नवहिं य सोलेहिं ज्योयणसतेहिं एगूणतालीसाए सद्धिभागेहिं ज्योयणस सद्धिभागं च एगद्धिहा छेत्ता सद्धिए चुण्णियाभागे सूरिए चक्खुप्फासं हव्वमागच्छति तथा णं राइंदियं तहेव से पविसमाणे सूरिए दोद्यंसि अहोरत्तंसि वाहिरतद्यं मंडलं उवसंकमिता चारं चरति ता जया णं सूरिए वाहिरतद्यं मंडलं उवसंकमिता चारं चरति तथा णं पंच-पंच ज्योयणसहस्साइं तिण्णि य चउत्तरे ज्योयणसए ज्जतालीसं च सद्धिभागे ज्योयणस एगमेगेणं मुहुत्तेणं गच्छति तथा णं इहगतस मणूसस एगाहिगेहिं वतीसाए ज्योयणसहस्सेहिं एगूणपण्णाए य सद्धिभागेहिं ज्योयणस सद्धिभागं च एगद्धिहा छेत्ता तेवीसाए चुण्णियाभागेहिं सूरिए चक्खुप्फासं हव्वमागच्छति राइंदियं तहेव एवं खलु एतेणुवाएणं पविसमाणे सूरिए तयाणंतराओ तयाणंतरं मंडला मंडलं संकममाणे-संकममाणे अट्टारस-अट्टारस सद्धिभागे ज्योयणस एगमेगे मंडले मुहुत्तगतिं निवुड्ढेमाणे-निवुड्ढेमाणे सब्बव्मंतरे मंडलं उवसंकमिता चारं चरति ता जया णं सूरिए सब्बव्मंतरं मंडलं उवसंकमिता चारं चरति तथा णं पंच-पंच ज्योयणसहस्साइं दोण्णि य एककावण्णे ज्योयणसए अउणतीसं च सद्धिभागे ज्योयणस एगमेगेणं मुहुत्तेणं गच्छति तथा णं इहगतस मणूसस सीतालीसाए ज्योयणसहस्सेहिं दोहिं य तेवट्टेहिं ज्योयणसतेहिं एककवीसाए य सद्धिभागेहिं ज्योयणस सूरिए चक्खुप्फासं हव्वमागच्छति तथा णं उत्तमकट्टपत्ते उक्कोसाए अट्टारसमुहुत्ते दिवसे भवइ जहण्णिया दुवालसमुहुत्ता राती भवति एस णं दोद्यं छम्मासे एस णं दोद्यं छम्मासस पञ्जवसाणे एस णं आदिद्ये संवच्छरे एस णं आदिद्यस संवच्छरस पञ्जवसाणे ।२३।-२३

● बीए पाहुंडे तद्यं पाहुंड पाहुंडं समत्तं ● बीयं पाहुंडं समत्तं ●

तद्यं पाहुंडं

(३८) ता केवतियं खेत्तं चंदिमसूरिया ओभासंति उज्जोवेत्ति तवेत्ति पगासेत्ति आहितात्ति

वएजा तत्थ खलु इमाओ वारस पडिवत्तीओ पन्नताओ तत्थेगे एवमाहंसु-ता एणं दीवं एणं समुद्धं चंदिमसूरिया ओभासंति जाव पगासेंति एगे पुण एवमाहंसुता तिण्णि दीवे तिण्णि समुद्धे चंदिमसूरिया ओभासंति जाव पगासेंति-एगे पुण एवमाहंसु-ता अद्दुद्धे दीवे अद्दुद्धे तमुद्धे चंदिमसूरिया ओभासंति जाव पगासेंति-एगे पुण एवमाहंसु-ता सत्त दीवे सत्त समुद्धे चंदिमसूरिया ओभासंति जाव पगासेंति-एगे पुण एवमाहंसु-ता दस दीवे दस समुद्धे चंदिमसूरिया ओभासंति जाव पगासेंति-एगे पुण एवमाहंसु-ता वारस दीवे वारस समुद्धे चंदिमसूरिया ओभासंति जाव पगासेंति-एगे पुण एवमाहंसु-ता वायालीसं दीवे वायालीसं समुद्धे चंदिमसूरिया ओभासंति जाव पगासेंति-एगे पुण एवमाहंसु-ता वावत्तरिं दीवे वावत्तरिं समुद्धे चंदिमसूरिया ओभासंति जाव पगासेंति-एगे पुण एवमाहंसु-ता वायालीसं दीवसतं वायालं समुद्धसतं चंदिमसूरिया ओभासंति जाव पगासेंति-एगे पुण एवमाहंसु-ता वावत्तरिं दीवसतं वावत्तरिं समुद्धसतं चंदिमसूरिया ओभासंति जाव पगासेंति-एगे पुण एवमाहंसु-ता वायालीसं दीवसहससं वायालं समुद्धसहससं चंदिमसूरिया ओभासंति जाव पगासेंति-एगे पुण एवमाहंसु-ता वावत्तरिं दीवसहससं वावत्तरिं समुद्धसहससं चंदिमसूरिया ओभासंति जाव पगासेंति-एगे पुण एवमाहंसु-ता वयामो-न्ता अवण्णं जंबुद्धीवे दीवे सब्बदीवसमुद्धानं सब्बभंतरेण जाव परिकखेवेणं पन्नते से णं एणाए जगतीए सब्बओ समंता संपरिकिखते सा णं जगती तहेव जहा जंबुद्धीवपन्नतीए जाव एवामेव सपुव्वावरेणं जंबुद्धीवे दीवे चोद्दससलिलासयसहसा छप्पन्नं च सलिलासहसा भवंतीति मक्खाता जंबुद्धीवे णं दीवे पंचक्कभागसंठिते आहितेति वएजा ता क्हं जंबुद्धीवे दीवे पंचक्कभागसंठिते आहितेति वएजा ता जया णं एते दुवे सूरिया सब्बभंतरं मंडलं उवसंकिमत्ता चारं चरंति तथा णं जंबुद्धीवस्स तिण्णि पंचक्कभागे ओभासंति उज्जेवेति तवेति पगासेंति तं जहा-एगेवि एणं दिवइद्धं पंचक्कभागं ओभासंति जाव पगासेति एगेवि एणं दिवइद्धं पंचक्कभागं ओभासंति जाव पगासेति तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिचा दुवालसमुहुत्ता राती भवति ता जया णं एते दुवे सूरिया सब्बबाहिरं मंडलं उवसंकिमत्ता चारं चरंति तथा णं जंबुद्धीवस्स दीवस्स दोण्णि चक्कभागे ओभासंति उज्जेवेति तवेति पगासेंति तं जहा-एगेवि सूरिए एणं पंचक्कवालभागं ओभासंति जाव पगासेति एगेवि एणं पंचक्कवालभागं ओभासंति जाव पगासेति तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ १३४१-२४

● तच्चं पाहुडं समत्तं ●

चउत्थं पाहुडं

(३९) ता क्हं ते सेयताए संठिती आहिताति वएजा तत्थ खलु इमा दुविधा संठिती पन्नता तं जहा-चंदिमसूरियसंठिती य तावक्खेत्तसंठिती य ता क्हं ते चंदिमसूरियसंठिती आहिताति वएजा तत्थ खलु इमाओ सोलस पडिवत्तीओ पन्नताओ तत्थेगे एवमाहंसु-ता समचउरंससंठिता चंदिमसूरियसंठिती पन्नता-एगे पुण एवमाहंसु-ता विसमचउरंससंठिता चंदिमसूरियसंठिती पन्नता-एवं समचउक्कोणसंठिता विसमचउक्कोणसंठिता समचक्कवालसंठिता विसमचक्कवालसंठिता चक्कच्छक्कवालसंठिता चंदिमसूरियसंठिती पन्नता-एगे पुण एवमाहंसु-ता छत्तागारसंठिता चंदिमसूरियसंठिती पन्नता-एवं गेहसंठिता गेहावणसंठिता पासदसंठिता गोपुरसंठिता पेच्छाघर-संठिता वलभीसंठिता हम्मियतलसंठिता एगे पुण एवमाहंसुता बालग्गपोतियासंठिता चंदिमसूरिय-

संठिती पत्रता-तस्य जेते एवमाहंसु-ता समचउरसंठिता चंदिमसूरियसंठिती पत्रता एतेणं नएणं नेयव्वं नो चेव णं इतरिहं, ता कहं ते तावक्खेत्तसंठिती आहिताति वएज्जा तस्य खलु इमाओ सोलस पडिवत्तीओ पत्रताओ तस्येगे एवमाहंसु-ता गेहसंठिता तावक्खेत्तसंठिती पत्रता एवं जाव वालगणपोतियासंठिता तावक्खेत्त- संठिती पत्रता-एगे पुणए वमाहंसु-ता जस्संठिते जंबुदीवे दीवे तस्संठिता तावक्खे- त्संठिती पत्रता-एगे पुण एवमाहंसु-ता जस्संठिते भारहे वासे तस्संठिता तावक्खे- त्संठिती पत्रता-एवं उज्जाणसंठिता निज्जाणसंठिता एगतो निसहसंठिता दुहतो निसहसंठिता सेयणगसंठिता-एगे पुण एवमाहंसु-ता सेणगपट्टसंठिता तावक्खेत्तसंठिती पत्रता-एगे एवमाहंसु वचं पुण एवं वदामी-ता उड्डीमुहकलंबुयापुप्फसंठिता तावक्खेत्तसंठिती पत्रता-अंतो संकुया दाहिं वित्थडा अंतो वट्टा दाहिं पिहुला अंतो अंकमुहसंठिता थाहिं सत्थीमुहसंठिता उभओ पासेणं तीसे दुवे बाहाओ अवट्ठियाओ भवंति पणयालीसंपणयालीसं जोयणसहस्साइं आयामेणं दुवे य णं तीसे बाहाओ अणवट्ठियाओ भवंति तं जहा-सव्वव्भंतरिया चेव बाहा सव्वबाहिरिया चेव बाहा तस्य को हेतूति वेज्जा ता अयण्णं जंबुदीवे दीवे सव्वदीवसमुद्धानं सव्वव्भंतराए जाव परिक्खेवेणं ता जया णं सूरिए सव्वव्भंतरं मंडलं उवसंकमित्ता चारं चरइ तया णं उड्डीमुहकलंबुयापुप्फसंठिता तावक्खेत्तसंठिती आहिताति वएज्जा अंतो संकुया दाहिं वित्थडा अंतो वट्टा दाहिं पिहुला अंतो अंकमुहसंठिया दाहिं सत्थीमुहसंठिता उभओ पासेणं तीसे तहेव जाव सव्वबाहिरिया चेव बाहा तीसे णं सव्वव्भंतरिया बाहा मंदरपव्वयंतेणं नव जोयणसहस्साइं चत्तारि य छलसीए जोयणसए नव य दसभागे जोयणस परिक्खेवेणं आहिताति वएज्जा ता से णं परिक्खेवविसेसे कतो आहितेति वएज्जा ता जे णं मंदरस्स पव्वयस्स परिक्खेवे तं परिक्खेवं तिहिं गुणेत्ता दसहिं छेत्ता दसहिं भागे हीरमाणे एस णं परिक्खेवविसेसे आहितेति वएज्जा तीसे णं सव्वबाहिरिया बाहा लवणसमुद्दंतेणं चउणउत्तिं जोयणसहस्साइं अट्ठ य अट्ठसट्ठे जोयणसए चत्तारि य दसभागे जोयणस परिक्खेवेणं आहिताति वएज्जा ता से णं परिक्खेवविसेसे कतो आहितेति वएज्जा ता जे णं जंबुदीवस्स दीवस्स परिक्खेवे तं परिक्खेवं तिहिं गुणेत्ता दसहिं छेत्ता दसहिं भागे हीरमाणे एस णं परिक्खेवविसेसे आहितेति वएज्जा ता से णं तावक्खेत्ते केवतियं आयामेणं आहितेति वएज्जा ता अट्ठत्तरिं जोयणसहस्साइं तिण्णि य तेत्तीसे जोयणसए जोयणतिभागे य आयामेणं आहितेति वएज्जा तया णं किसंठिया अंधयारसंठिती आहिताति वएज्जा ता उड्डीमुहकलंबुयापुप्फसंठिता तहेव जाव बाहिरिया उड्डीमुहकलंबुयापुप्फ- संठिता आहिताति वएज्जा अंतो संकुया दाहिं वित्थडा तं चेव जाव दुवे य णं तीसे बाहाओ अणवट्ठियाओ भवंति तं जहा-सव्वव्भंतरिया चेव बाहा सव्व बाहिरिया चेव बाहा तीसे णं सव्वव्भंतरिया बाहा मंदरपव्वयंतेणं छज्जोयणसहस्साइं तिण्णि य चउधीसे जोयणसए छट्ठ दसभागे जोयणस परिक्खेवेणं आहितेति वएज्जा ती से णं परिक्खेवविसेसे कतो आहितेति वएज्जा ता जा णं मंदरस्स पव्वयस्स परिक्खेवे, तं परिक्खेवं दोहिं गुणेत्ता जाव तीसे णं सव्वबाहिरिया बाहा लवणसमुद्दं तेणं तेवट्ठी जोयणसहस्साइं दोण्णि य पणयाले जोयणसए छट्ठा दसभागे जोयणस परिक्खेवेणं आहितेति वएज्जा० ता जे णं जंबुदीवस्स दीवस्स परिक्खेवे तं परिक्खेवं दोहिं गुणेत्ता सेसं तं चेव ता सेणं अंधयारे केवतियं आयामेणं आहितेति वएज्जा ता अट्ठत्तरिं जोयणसहस्साइं तिण्णि य तेत्तीसे जोयणसए जोयणतिभागं च आयामेणं आहितेतिवएज्जा तया णं उत्तमकट्टपत्ते अट्ठारसमुद्दते दिवसे भवइ जहणिया दुवालसमुद्दता राती भवति ता जया णं सूरिए सव्वबाहिं

मंडलं उवसंकमिता चारं चरति तथा णं किसंठिता तावक्खेत्तसंठिती आहिताति वएज्जा ता उड्ढीमुहकलंयुयापुष्कसंठिता तावक्खेत्तसंठिती आहिताति वएज्जा एवं जं अत्थितरमंडले अंधयारसंठितीए पमाणं तं बाहिरमंडले तावक्खेत्तसंठितीए जं तहिं तावक्खेत्तसंठितीए तं बाहिरमंडले अंधयार संठितीए भाणियव्वं जाव तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ ता जंयुद्धीवे णं दीवे सूरिया एगं जोयणसयं उड्ढं तवयंति अट्टारस जोयणसयाइं अहे तवयंति सीपालीसं जोयणसहस्साइं दुण्णि व तेवट्ठे जोयणसए एगवीसं च सट्ठिभागे जोयणस तिरियं तवयंति ।२५।-२५

● चउत्तं पाहुइं सप्तं ●

पंचमं पाहुइं

(४०) ता कस्सि णं सूरियस्स लेस्सा पडिहया आहिताति वएज्जा तत्थ खलु इमाओ वीसं पडिवत्तीओ पत्रत्ताओ तत्थेगे एवमाहंसु-ता मंदरंसि णं पव्वतंसि सूरियस्स लेस्सा पडिहया आहिताति वएज्जा-एगे पुवएण एवमाहंसु-ता मेहं सि णं पव्वतंसि सूरियस्स लेस्सा पडिहया आहिताति वएज्जा-एवं एएणं अभिलावेणं भाणियव्वं-त्ता मणोरमंसि णं पव्वतंसि ता सुदंसणंसि णं पव्वतंसि ता सवंपभंसि णं पव्वतंसि ता गिरिरायंसि णं पव्वतंसि ता रयणुद्यवंसि णं पव्वतंसि ता सिलुद्यवंसि णं पव्वतंसि लोयमज्झंसि णं पव्वतंसि ता लोयणाभिसि णं पव्वतंसि ता अच्चंसि णं पव्वतंसि ता सूरियावत्तंसि णं पव्वतंसि सूरियावरणंसि णं पव्वतंसि ता उत्तमंसि णं पव्वतंसि ता दिसादंसि णं पव्वतंसि ता अवत्तंसि णं पव्वतंसि ता धरणिखीलंसि णं पव्वतंसि ता धरणिसिंसि णं पव्वतंसि ता पव्वतिदंसि णं पव्वतंसि ता पव्वयरायंसि णं पव्वतंसि सूरियस्स लेस्सा पडिहया आहिताति वएज्जा-वयं पुण एवं वदामो-त्ता मंदरेवि पयुच्चइ जाव पव्वयरायावि पवुच्चइ ता जे णं पोग्गला सूरियस्स लेस्सं फुसंति ते णं पोग्गला सूरियस्स लेस्सं पडिहणंति अदिद्वायि णं पोग्गला सूरियस्स लेस्सं पडिहणंति चरिमलेस्संतरगतावि णं पोग्गला सूरियस्स लेस्सं पडिहणंति ।२६।-२६

● पंचमं पाहुइं सप्तं ●

छट्टं पाहुइं

(४१) ता कहं ते ओयसंठिती आहिताति वएज्जा तत्थ खलु इमाओ पणवीसं पडिवत्तीओ पत्रत्ताओ तत्थेगे एवमाहंसु-ता अणुसमयमेव सूरियस्स ओया अण्णा उप्पज्जइ अण्णा वेअति-एगे पुण एवमाहंसु-ता अनुमुहुत्तमेव सूरियस्स ओया अण्णा उप्पज्जइ अण्णा वेअति-एवं एतेणं अभिलावेणं नेतव्वा-त्ता अनुराइंदियमेव ता अनुपक्खमेव ता अनुमासमेव ता अनुउड्ढमेव ता अनुअयण-मेव ता अनुसंबच्छरमेव ता अनुजुगमेव ता अनुवाससयमेव ता अनुवाससहस्समेव ता अनुवासस-यसहस्समेव ता अनुपुव्वमेव अनुपुव्वसयमेव ता अनुपुव्वसहस्समेव ता अनुपुव्वसयसहस्समेव ता अनुपलिओवमेव ता अनुपलिओवसयमेव ता अनुपलिओवसहस्समेव ता अनुपलिओवम-सयसहस्समेव ता अनुसागरोवमेव ता अनुसागरोवसयमेव ता अनुसागरोवसहस्समेव ता अनुसागरोवमसयसहस्समेव एगे पुण एवमाहंसु-ता अनुओसप्पिणिउस्सप्पिणिमेव सूरियस्स ओया अण्णा उप्पज्जइ अण्णा वेअति-एगे एवमाहंसु वयं पुण एवं वदामो-त्ता तीसं-तीसं मुहुत्ते सूरियस्स ओया अवट्ठिता भवइ तेणं परं सूरियस्स ओया अणवट्ठिता भवइ छम्पाये सूरिए ओयं निवुड्ढे छम्पा-

से सूरिए ओयं अभिवुड्ढेइ निक्खममाणे सूरिए देसं निवुड्ढेइ पविसमाणे सूरिए देसं अभिवुड्ढेइ तत्थ को हेतूति वदेज्जा ता अयण्णं जंबुद्वीवे दीये सब्बदीवसमुद्धारणं सब्बम्भंतराए जाव परिक्खेदेणं ता जया णं सूरिए सब्बम्भंतरं मंडलं उवसंक्रमिता चारं चरइ तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति से निक्खममाणे सूरिए नवं संवच्छरं अयमाणे पढमंसि अहोरत्तंसि अट्ठितराणंतरं मंडलं उवसंक्रमिता चारं चरइ ता जया णं सूरिए अट्ठितराणंतरं मंडलं उवसंक्रमिता चारं चरइ तथा णं एगेणं राइंदिएणं एगं भागं ओयाए दिवसखेतस्स निवुड्ढेत्ता रयणिखेतस्स अभिवुड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं अट्टारसमुहुत्ते दिवसे भवइ दोहिं एगड्ढिभागमुहुत्तेहिं ऊणे दुवालसमुहुत्ता राती भवति दोहिं एगड्ढिभागमुहुत्तेहिं अहिया से निक्खममाणे सूरिए दोच्चंसि अहोरत्तंसि अट्ठितरं तच्चं मंडलं उवसंक्रमिता चारं चरइ ता जया णं सूरिए अट्ठितरं तच्चं मंडलं उवसंक्रमिता चारं चरइ तथा णं दोहिं राइंदिएहिं दो भागे ओयाए दिवसखेतस्स निवुड्ढेत्ता रयणिखेतस्स अभिवुड्ढेत्ता चारं चरइ मंडलं अट्टारसहिं तीसएहिं सेहिं छेत्ता तथा णं अट्टारसमुहुत्ते दिवसे भवइ चउहिं एगड्ढिभागमुहुत्तेहिं ऊणे दुवालसमुहुत्ता राती भवति छउहिं एगड्ढिभागमुहुत्तेहिं अहिया एवं खलु एतेणुवाएणं निक्खममाणे सूरिए तयाणंतराओ तयाणंतरं मंडलाओ मंडलं संक्रममाणे-संक्रममाणे एगमेगे मंडले एगमेगेणं राइंदिएणं एगमेगं भागं ओयाए दिवसखेतस्स निवुड्ढेमाणे-निवुड्ढेमाणे रयणिखेतस्स अभिवुड्ढेमाणे-अभिवुड्ढेमाणे सब्बवा- हिरं मंडलं उवसंक्रमिता चारं चरइ ता जया णं सूरिए सब्बम्भंतराओ मंडलाओ सब्बबाहिरं मंडलं उवसंक्रमिता चारं चरइ तथा णं सब्बम्भंतरं णंडलं पणिधाच एगेणं तेसीतेणं राइंदियसतेणं एगं तेसीतं भागसतं ओयाए दिवसखेतस्स निवुड्ढेत्ता रयणिखेतस्स अभिवुड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णाए दुवालसमुहुत्ते दिवसे भवइ एस णं पढमे छम्मासे एस णं पढमस्स छम्मसस्स पज्जवसाणे से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंक्रमिता चारं चरइ ता जया णं सूरिए बाहिराणंतरं मंडलं उवसंक्रमिता चारं चरइ तथा णं एगेणं राइंदिएणं एगं भागं ओयाए रयणिक्खेतस्स निवुड्ढेत्ता दिवसखेतस्स अभिवुड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं अट्टारसमुहुत्ता राती भवति दोहिं एगड्ढिभागमुहुत्तेहिं ऊणा दुवालसमुहुत्ते दिवसे भवइ दोहिं एगड्ढिभागमुहुत्तेहिं अहिए से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंक्रमिता चारं चरइ ता जया णं सूरिए बाहिरं तच्चं मंडलं उवसंक्रमिता चारं चरइ तथा णं दोहिं राइंदिएहिं दो भागं ओयाए रयणिखेतस्स निवुड्ढेत्ता दिवसखेतस्स अभिवुड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं अट्टारसमुहुत्ता राती भवति चउहिं एगड्ढिभागमुहुत्तेहिं ऊणा दुवालसमुहुत्ते दिवसे भवइ चउहिं एगड्ढिभागमुहुत्तेहिं अहिए एवं खलु एतेणुवाएणं पविसमाणे सूरिए तयाणंतराए तयाणंतरं मंडलओ जाव ओयाए रयणिखेतस्स निवुड्ढेमाणे-निवुड्ढेमाणे दिवसखेतस्स अभिवुड्ढेमाणे-अभिवुड्ढेमाणे सब्बम्भंतरं मंडलं उवसंक्रमिता चारं चरइ ता जया णं सूरिए सब्बबाहिराओ मंडलाओ सब्बम्भंतरं मंडलं उवसंक्रमिता चारं चरइ तथा णं सब्बबाहिरं मंडलं पणिधाच एगेणं तेसीतेणं राइंदियसतेणं एगं तेसीतं भागसतं ओयाए रयणिखेतस्स निवुड्ढेत्ता दिवसखेतस्स अभिवुड्ढेत्ता चारं चरइ मंडलं अट्टारसहिं तीसेहिं सएहिं छेत्ता तथा णं उत्तमकट्टपत्ते उक्कोसए अट्टारसमुहुत्ते

दिवसे भवइ जहणिया दुवालसमुहुता राती भवति एस पं दोछे छम्मासे एस पं दोछस्स छम्मासस्स पञ्चवसाणे एस पं आदिछे संवच्छरे एस पं आदिछस्स सेवच्छरस्स पञ्चवसाणे । २७।-२७

● छट्ठं पाहुडं समत्तं ●

सत्तमं पाहुडं

(४२) ता के ते सूरियं वरयति आहिताति वएज्जा तत्थ खलु इमाओ वीसं पडिवतीओ पन्नत्ताओ तत्थेगे एवमाहंसु-ता मंदरे पं पव्वए सूरियं वरयति आहितेति वएज्जा-एगे पुण एवमाहंसु-ता मेरु पं पव्वए सूरियं वरयति आहितेति वएज्जा- एवं एएणं अभिलावेणं नेयव्वं जाव पव्वयराएणं पव्वए सूरियं वरयति आहितेति वएज्जा-वयं पुणं एवं वदामो-ता मंदिरेवि पवुछइ तहेव जाव पव्वयराएवि पवुछइ ता जे पं पोग्गला सूरियस्स लेसं फुसंति ते पं पोग्गला सूरियं वरयंति अदिद्धावि पं पोग्गला सूरियं वरयंति चरमलेसंतरगतावि पं पोग्गला सूरियं वरयंति । २८।-२८

● सत्तमं पाहुडं समत्तं ●

अट्ठमं पाहुडं

(४३) ता कहं ते उदयसंठिती आहितेति वएज्जा तत्थ खलु इमाओ तिण्णि पडिवतीओ पण्णत्ताओ तत्थेगे एवमाहंसु-ता जया पं जंबुदीवे दीवे दाहिणइडे अट्ठारसमुहुते दिवसे भवइ तथा पं उत्तरइडेवि अट्ठारसमुहुते दिवसे भवइ ता जया पं उत्तरइडे अट्ठारसमुहुते दिवसे भवइ तथा पं दाहिणइडेवि अट्ठारसमुहुते दिवसे भवइ ता जया पं जंबुदीवे दीवे दाहिणइडे सत्तरसमुहुते दिवसे भवइ तथा पं उत्तरइडेवि सत्तरसमुहुते दिवसे भवइ ता जया पं उत्तरइडे सत्तरसमुहुते दिवसे भवइ तथा पं दाहिणइडेवि सत्तरसमुहुते दिवसे भवइ एवं परिहावेत्तव्वं-सोलसमुहुते दिवसे पन्नरसमुहुते दिवसे चउदइसमुहुते दिवसे तेरसमुहुते दिवसे जाव ता जया पं जंबुदीवे दीवे दाहिणइडे बारसमुहुते दिवसे भवइ तथा पं उत्तरइडेवि बारसमुहुते दिवसे भवइ ता जया पं उत्तरइडे बारसमुहुते दिवसे भवइ तथा पं दाहिणइडेवि बारसमुहुते दिवसे भवइ ता जया पं दाहिणइडे बारसमुहुते दिवसे भवइ तथा पं जंबुदीवे दीवे मंदरस्स पव्वयस्स पुरत्थिमपच्चत्थिमे पं सदा पन्नरसमुहुते दिवसे भवइ सदा पन्नरसमुहुता राती भवति अवड्डिया पं तत्थ राईदिया पन्नत्ता समणाउसो एगे एवमाहंसु एगे पुण एवमाहंसु-ता जया पं जंबुदीवे दीवे दाहिणइडे अट्ठारसमुहुत्ताणंतरे दिवसे भवइ तथा पं उत्तरइडेवि अट्ठारसमुहुत्ताणंतरे दिवसे भवइ ता जया पं उत्तरइडे अट्ठारसमुहुत्ताणंतरे दिवसे भवइ तथा पं दाहिणइडेवि अट्ठारसमुहुत्ताणंतरे दिवसे भवइ एवं परिहावेत्तव्वं-सत्तरसमुहुत्ताणंतरे दिवसे भवइ सोलसमुहुत्ताणंतरे दिवसे भवइ पन्नरसमुहुत्ताणंतरे दिवसे भवइ चोदइसमुहुत्ताणंतरे दिवसे भवइ तेरसमुहुत्ताणंतरे दिवसे भवइ ता जया पं जंबुदीवे दीवे दाहिणइडे बारसमुहुत्ताणंतरे दिवसे भवइ तथा पं उत्तरइडेवि बारसमुहुत्ताणंतरे दिवसे भवइ ता जया पं उत्तरइडे बारसमुहुत्ताणंतरे दिवसे भवइ तथा पं दाहिणइडेवि बारसमुहुत्ताणंतरे दिवसे भवइ तथा पं जंबुदीवे दीवे मंदरस्स पव्वयस्स पुरत्थिमपच्चत्थिमे पं नो सदा पन्नरसमुहुते दिवसे भवइ नो सदा पन्नरसमुहुता राती भवति अणवड्डिता पं तत्थ राईदिया पन्नत्ता समणाउसो एगे पुण एवमाहंसु-ता जया पं जंबुदीवे दीवे दाहिणइडे अट्ठारसमुहुते दिवसे भवइ तथा पं उत्तरइडे दुवालसमुहुता राती भवति ता जया पं उत्तरइडे अट्ठारसमुहुते दिवसे भवइ तथा पं दाहिणइडे दुवालसमुहुता राती भवती ता जया पं

दाहिणइडे अङ्गारसमुहुत्ताणंतरे दिवसे भवइ तथा णं उत्तरइडे दुवालसमुहुत्ता राती भवति ता जया णं उत्तरइडे अङ्गारसमुहुत्ताणंतरे दिवसे भवइ तथा णं दाहिणइडे दुवालसमुहुत्ता राती भवति एवं नेतव्वं सगवेहिं थ अनंतरेहिं थ एककेकके दो दो आलावगा सव्वेहिं दुवालसमुहुत्ता राती भवति जाव ता जया णं जंबुद्दीवे दीवे दाहिणइडे बारसमुहुत्ताणंतरे दिवसे भवइ तथा णं उत्तरइडे दुवालसमुहुत्ता राती भवती ता जया णं उत्तरइडे दुवालसमुहुत्ताणंतरे दिवसे भवइ तथा णं दाहिणइडे दुवालसमुहुत्ता राती भवति तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमेणं नेवत्थि पन्नरसमुहुत्ते दिवसे भवइ नेवत्थि पन्नरसमुहुत्ता राती भवति वोच्छण्णा णं तत्थ राइदिया पन्नता समणाउसो

वयं पुण एवं वदामो-त्ता जंबुद्दीवे दीवे सूरिया उदीण-पाईणमुग्गच्छ पाईण-दाहिणमा-गच्छंति पाईण-दाहिणमुग्गच्छ दाहिण-पडीणमागच्छंति दाहिण-पडीणमुग्गच्छ पडीणउदीणा-गच्छंति पडीण-उदीणमुग्गच्छ उदीण-पाईण-मागच्छंति ता जया णं जंबुद्दीवे दीवे दाहिणइडे दिवसे भवइ तथा णं उत्तरइडे दिवसे भवइ जया णं उत्तरइडे दिवसे भवइ तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं राती भवति ता जया णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं राती भवति ता जया णं जंबुद्दीवे दीवे मंदरस्स पव्वयस्स पुरत्थिमे णं दिवसे भवइ तथा णं पच्चत्थिमे नवि दिवसे भवइ ता जया णं पच्चत्थिमे णं दिवसे भवइ तथा णं जंबुद्दीवे दीवे मंदरस्स पव्वयस्स उत्तरदाहिणे णं राती भवति ता जया णं दाहिणइडे उक्कोसए अङ्गारसमुहुत्ते दिवसे भवइ तथा णं उत्तरइडे वि उक्कोसए अङ्गारसमुहुत्ते दिवसे भवइ ता जया णं उत्तरइडे उक्कोसए अङ्गारसमुहुत्ते दिवसे भवइ तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमेणं णं जहण्णिया दुवालसमुहुत्ता राती भवति ता जया णं जंबुद्दीवे दीवे मंदरस्स पव्वयस्स पुरत्थिमे णं उक्कोसए अङ्गारसमुहुत्ते दिवसे भवइ तथा णं पच्चत्थिमे नवि उक्कोसए अङ्गारसमुहुत्ते दिवसे भवइ ता जया णं पच्चत्थिमे णं उक्कोसए अङ्गारसमुहुत्ते दिवसे भवइ तथा णं जंबुद्दीवे दीवे मंदरस्स पव्वयस्स उत्तरदाहिणे णं जहण्णिया दुवालसमुहुत्ता राती भवति एवं एएणं गमेणं नेतव्वं-अङ्गारसमुहुत्ताणंतरे दिवसे भवइ साइरेगदुवालसमुहुत्ता राती भवति सत्तरसमुहुत्ते दिवसे भवइ तेरसमुहुत्ता राती भवति सत्तरसमुहुत्ताणंतरे दिवसे भवइ साइरेगतेरसमुहुत्ता राती भवति सोलसमुहुत्ते दिवसे भवइ चोइसमुहुत्ता राती भवति सोलसमुहुत्ताणंतरे दिवसे भवइ साइरेग-चोइसमुहुत्ता राती भवति पन्नरसमुहुत्ते दिवसे भवइ पन्नरसमुहुत्ता राती भवति पन्नरसमुहुत्ताणंतरे दिवसे भवइ साइरेगपन्नरसमुहुत्ता राती भवति चउइसमुहुत्ते दिवसे भवइ सोलसमुहुत्ता राती भवति चोइसमुहुत्ताणंतरे दिवसे भवइ साइरेगसोलसमुहुत्ता राती भवति तेरसमुहुत्ते दिवसे भवइ सत्तरसमुहुत्ता राती भवति तेरसमुहुत्ताणंतरे दिवसे भवइ साइरेगसत्तरसमुहुत्ता राती भवति जहण्णाए दुवालसमुहुत्ते दिवसे भवइ उक्कोसिया अङ्गारसमुहुत्ता राती भवति एवं णितव्वं ता जया णं जंबुद्दीवे दीवे दाहिणइडे वासाणं पढमे समए पडिवज्जति तथा णं उत्तरइडे वि वासाणं पढमे समए पडिवज्जति जया णं उत्तरइडे वासाणं पढमे समए पडिवज्जति तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं अनंतरपुरव्वडे कालसमयंसि वासाणं पढमे समए पडिवज्जति ता जया णं जंबुद्दीवे दीवे मंदरस्स पव्वयस्स पुरत्थिमे णं वासाणं पढमे समए पडिवज्जति तथा णं पच्चत्थिमे नवि वासाणं पढमे समए पडिवज्जति जया णं पच्चत्थिमे णं वासाणं पढमे समए पडिवज्जति तथा णं जंबुद्दीवे दीवे मंदरस्स पव्वयस्स उत्तरदाहिणे णं अनंतरपच्छाकडकालसमयंसि वासाणं

पढमे समए पडिवण्णे भवइ जहा समओ एवं आवलिया आणापाणू दोवे लवे मुहुत्ते अहोरत्ते पक्खे मासे उइ एते दस आलावगा जहा वासाणं एवं हेमंताणं गिम्हाणं च भाणियव्वा ता जया णं जंबुद्दीवे दीवे दाहिणइडे पढमे अचणे पडिवज्जति तथा णं उत्तरइडेवि पढमे अचणे पडिवज्जति ता जया णं उत्तरइडे पढमे अचणे पडिवज्जति तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं अनंतरपुरक्खडे कालसमयंसि पढमे अचणे पडिवज्जति ता जया णं जंबुद्दीवे दीवे मंदरस्स पव्वयस्स पुरत्थिमे णं पढमे अचणे पडिवज्जति तथा णं पच्चत्थिमे नवि पढमे अचणे पडिवज्जति ता जया णं पच्चत्थिमे णं पढमे अचणे पडिवज्जति तथा णं जंबुद्दीवे दीवे मंदरस्स पव्वयस्स उत्तरदाहिणे णं अनंतरपच्छाकडकालसयंसि पढमे अचणे पडिवण्णे भवइ जहा अचणे तथा संयच्छे जुगे वासए वाससहस्से वाससयसहस्से पुव्वगे पुव्वे एवं जाव सीसपहेलिया पलिओवमे सागरोवमे ता जया णं जंबुद्दीवे दीवे दाहिणइडे पढमा ओसप्पिणी पडिवज्जति तथा णं उत्तरइडेवि पढमा ओसप्पिणी पडिवज्जति ता जया णं उत्तरइडे पढमा ओसप्पिणी पडिवज्जति तथा णं जंबुद्दीवे दीवे मंदरस्स पव्वयस्स पुरत्थिमपच्चत्थिमे णं नेवत्थि ओसप्पिणी नेव अत्थि उस्सप्पिणी अवड्डिते णं तत्थ काले पन्नत्ते सममाउसो एवं उस्सप्पिणीवि ता लवणे णं समुद्दे सूरिया उदीण-पाईणमुग्गच्छ तहेव ता जया णं लवणे समुद्दे दाहिणइडे दिवसे भवइ तथा णं लवणसमुद्दे उत्तरइडेवि दिवसे भवइ ता जया णं उत्तरइडे दिवसे भवइ तथा णं लवणसमुद्दे पुरत्थिमपच्चत्थिमे णं राती भवति जहा जंबुद्दीवे दीवे तहेव जाव उस्सप्पिणी तथा धायइसंडे णं दीवे सूरिया उदीण-पाईणमुग्गच्छ तहेव ता जया धायइसंडे दीवे दाहिणइडे दिवसे भवइ तथा णं उत्तरइडेवि दिवसे भवइ जया णं उत्तरइडे दिवसे भवइ तथा णं धायइसंडे दीवे मंदराणं पव्वयाणं पुरत्थिमपच्चत्थिमे णं राती भवति एवं जंबुद्दीवे दीवे जहा तहेव जाव उस्सप्पिणी कालोए णं जहा लवणे समुद्दे तहेव ता अब्भंतरपुक्खरद्धे णं सूरिया उदीण-पाईण-मुग्गच्छ तहेव ता जया णं अब्भंतरपुक्खरद्धे णं दाहिणइडे दिवसे भवइ तथा णं उत्तरइडेवि दिवसे भवइ ता जया णं उत्तरइडे दिवसे भवइ तथा णं अब्भंतरपुक्खरद्धे मंदराणं पव्वयाणं पुरत्थिम-पच्चत्थिमे णं राती भवति सेसं जहा जंबुद्दीवे दीवे तहेव जाव ओसप्पिणी-उस्सप्पिणीओ ॥२१॥२९

● अट्टमं पाहुडं सप्तं ●

नवमं पाहुडं

(४४) ता कतिकड्डं ते सूरिए पोरिसिच्छायं निव्वत्तेति आहितेति वदेज्जा तत्थ खलु इमाओ तिण्णि पडिवत्तीओ पन्नत्ताओ तत्थेगे एवमाहंसु-ता जे णं पोग्गला सूरियस्स लेसं फुसंति ते णं पोग्गला संतपंति ते णं पोग्गला संतप्पमाणा तदणंतराई वाहिराई पोग्गलाई संतावेत्तीति एस णं से समिते तावक्खत्ते-एगे पुण एवमाहंसु-ता जे णं पोग्गला सूरियस्स लेसं फुसंति ते णं पोग्गला नो संतपंति ते णं पोग्गला असंतप्पमाणा तदणंतराई वाहिराई पोग्गलाई नो संतावेत्तीति एस णं से समिते तावक्खत्ते-एगे पुण एवमाहंसु-ता जे णं पोग्गला सूरियस्स लेसं फुसंति ते णं पोग्गला अत्थेगतिया संतपंति अत्थेगतिया नो संतपंति तत्थ अत्थेगतिया संतप्पमाणा तदणंतराई वाहिराई पोग्गलाई अत्थेगइयाई संतावेत्ति अत्थेगइयाई नो संतावेत्ति एस णं से समिते तावक्खत्ते-वयं पुण एयं वदामो-त्ता जाओ इमाओ चंदिमसूरियाणं देवाणं विमागेहिंतो लेसाओ वहिया अपिणिससाढाओ पत्तावेत्ति एतासि णं लेसाणं अंतरेसु अण्णतरीओ छिण्णलेसाओ संमुच्छंति तए णं ताओ छिण्णलेसाओ संमुच्छिंयाओ समाणीओ तदनंतराई वाहिराई पोग्गलाई संतावेत्तीति एसं णं से

समिते तावकखेते । ३०१-३०

(४५) ता कतिवट्टे ते सूरिए पोरिसिच्छायं निव्वत्तेति आहितेति वदेज्जा तत्थ खलु इमाओ पणवीसं पडिवत्तीओ पत्रत्ताओ तत्थेगे एवमाहंसु-ता अनुसमयमेव सूरिए पोरिसिच्छायं निव्वत्तेति आहितेति वदेज्जा-एगे पुण एवमाहंसु-ता अनुमुहुत्तमेव सूरिए पोरिसिच्छायं निव्वत्तेति आहितेति वएज्जा एवं एएणं अभिलावेणं नेयव्वं ता जाओ चेव ओयसंठितीए पणवीसं पडिवत्तीओ ताओ चेव नेयव्वाओ जाव अणुओसप्पिणिउस्सप्पिणिमेव सूरिए पोरिसिच्छायं निव्वत्तेति आहितेति वदेज्जा-वयं पुण एवं वयामो-ता सूरियस्स णं उच्चत्तं च लेसं च पडुच्च छाउद्देसे उच्चत्तं च छायं च पडुच्च लेसुद्देसे लेसं च छायं च पडुच्च उच्चतुद्देसे तत्थ खलु इमाओ दुवे पडिवत्तीओ पत्रत्ताओ -ता अत्थि णं से दिवसे जंसि णं दिवसंसि सूरिए चउपोरिसिच्छायं निव्वत्तेति अत्थि णं से दिवसे जंसि णं दिवसंसि सूरिए दुपोरिसिच्छायं निव्वत्तेति-एगे पुण एवमाहंसु-ता अत्थि णं से दिवसे जंसि णं दिवसंसि सूरिए दुपोरिसिच्छायं निव्वत्तेति अत्थि णं से दिवसे जंसि णं दिवसंसि सूरिए नो किंचि पोरिसिच्छायं निव्वत्तेति तत्थ जेते एवमाहंसु-ता अत्थि णं से दिवसे जंसि णं दिवसंसि सूरिए चउपोरिसिच्छायं निव्वत्तेति अत्थि णं से दिवसे जंसि णं दिवसंसि सूरिए दुपोरिसिच्छायं निव्वत्तेति ता जया णं सूरिए सब्बब्भंतरं मंडलं उवसंकमित्ता चारं चरइ तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति तंसि णं दिवसंसि सूरिए चउपोरिसियं छायं निव्वत्तेति तं जहा-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निवुड्ढेमाणे ता जया णं सूरिए सब्बवाहिरं मंडलं उवसंकमित्ता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ तंसि णं दिवसंसि सूरिए दुपोरिसियं छायं निव्वत्तेति तं जहा-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निवुड्ढेमाणे तत्थ णं जेते एवमाहंसु-ता अत्थि णं से दिवसे जंसि णं दिवसंसि सूरिए दुपोरिसियं छायं निव्वत्तेति अत्थि णं से दिवसे जंसि णं दिवसंसि सूरिए नो किंचि पोरिसियं छायं निव्वत्तेति ते एवमाहंसु ता जया णं सूरिए सब्बब्भंतरं मंडलं उवसंकमित्ता चारं चरइ तथा णं उत्तमकट्टपत्ते उक्कोसए अट्टारसमुहुत्ते दिवसे भवइ जहण्णिया दुवालसमुहुत्ता राती भवति तंसि णं दिवसंसि सूरिए दुपोरिसियं छायं निव्वत्तेति तं जहा-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निवुड्ढेमाणे ता जया णं सूरिए सब्बवाहिरं मंडलं उवसंकमित्ता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए दुवालसमुहुत्ते दिवसे भवइ तंसि णं दिवसंसि सूरिए नो किंचि पोरिसियं छायं निव्वत्तेइ तं जाउग्गमणमुहुत्तंसि य अत्थमणमुहुत्तंसि य नो चेव णं लेसं अभिवड्ढेमाणे वा निवुड्ढेमाणे वा कतिकडं ते सूरिए पोरिसिच्छायं निव्वत्तेति आहितेति वएज्जा तत्थ खलु इमाओ छण्णउत्तिं पडिवत्तीओ पत्रत्ता तत्थेगे एवमाहंसु-ता अत्थि णं से देसे जंसि च णं देसंसि सूरिए एगपोरिसियं छायं निव्वत्तेति-एगे पुणं एवमाहंसु-ता अत्थि णं से देसे जंसि णं देसंसि सूरिए दुपोरिसियं छायं निव्वत्तेइ एवं एएणं अभिलावेणं नेतव्वं जाव छण्णउत्तिं पोरिसिच्छायं निव्वत्तेति तत्थ जेते एवमाहंसु-ता अत्थि णं से देसे जंसि णं देसंसि सूरिए एगपोरिसियं छायं निव्वत्तेति ते एवमाहंसु-ता सूरियस्स णं सब्बहेड्डिमाणो सूरियप्पडिहीओ बहिया अभिणिसदाहि लेसाहिं ताडिज्जमाणीहिं इमीसे रयणप्पभाए पुढवीए बहुसरमणिजाओ भूमिभागाओ जावतियं सूरिए उड्ढं उच्चत्तेणं एवतियाए एगाए अट्टाए एगेणं

छाणुमाण्ण्यमाणेणं ओमाए एत्थ णं से सूरिए एगपोरिसियं छायां निव्वत्तेति तत्थ जेते एवमाहंसु-ता अत्थि णं से देसे जंसि णं देसंसि सूरिए दुपोरिसियं छायां निव्वत्तेति ते एवमाहंसु-ता सूरियस्स णं सव्वहेट्ठिमाओ सूरियप्पडिहीओ बहिया अभिणिसिस्ताहिं लेसाहिं ताडिज्जमाणीहिं इमीसे रयणप्प-भाए पुढ्ढवीए बहुसमरमणिज्जाओ भूमिभागाओ जावतियं सूरिए उड्डं उच्चतेणं एवतियाहिं दोहिं अद्धाहिं दोहिं छाचाणुमाण्ण्यमाणेहिं ओमाए एत्थ णं से सूरिए दुपोरिसियं छायां निव्वत्तेति एवं एककेक्काए पडिवत्तीए नेयव्वं जाव छण्णउत्तिमा पडिवत्ति-वयं पुण एवं वदामो-न्ता सातिरेग-अउणद्धिपोरिसीणं सूरिए पोसिसिच्छाचं निव्वत्तेति ता अवड्डपोरिसीं णं छाया दिवसस्स किं गते वा सेसे वा ता तिभागे गते वा सेसे वा ता पोरिसीं णं छाया दिवसस्स किं गते वा सेसे वा ता चउब्भागे गते वा सेसे वा ता दिवड्डपोरिसीं णं छाया दिवसस्स किं गते वा सेसे वा ता पंचमभागे गते वा सेसे वा एवं अद्धपोरिसिं छोदुं-छोदुं पुच्छा दिवसस्स भागं छोदुं-छोदुं वागरणं जाव ता अद्धअउणद्धिपोरिसीणं छाया दिवसस्स किं गते वा सेसे वा ता एगूणवीससतभागे गते वा सेसे वा ता अउणद्धिपोरिसीणं छाया दिवसस्स किं गते वा सेसे वा ता द्वायीससहस्सभागे गते वा सेसे वा ता सातिरेगअउणद्धिपोरिसीं णं छाया दिवसस्स किं गते वा सेसे वा ता नत्थि किंचि गते वा सेसे वा तत्थ खलु इमा पणवीसतिविधा छाया पत्रत्ता तं जहा-खंभच्छया रञ्जुच्छया पागाच्छया पासादच्छया उवागच्छया उच्चरच्छया अनुलोमच्छया पडिलोपच्छया आरुभिता उवहिता समा पडिहता खीलच्छया पक्खच्छया पुर-ओदग्गा पिद्धओउदग्गा पुरमकंठभाओवग्ता पच्छिमकंठभाओवग्ता छायाणुवादिणी कंठाणु-वादिणी छाया छायाच्छाया छायाविकपे वेहासकडच्छाया गो-त्तच्छाया तत्थ खलु इमा अड्डविहा गोल-च्छाया पत्रत्ता तं जहा-गोलच्छाया अवड्डगोलच्छाया गोलगोलच्छाया अवड्डगोलगोलच्छाया गोलावलिच्छाया अवड्डगोलावलिच्छाया गोलपुंजच्छाया अवड्डगोलपुंजच्छाया ।३१।-३१

● नवमं पाहुडं समत्तं ●

दसमं पाहुडं

—: प ढ मं पा हु उ पा हु उं :—

(४६) ता जोगेति वत्थुस्स आवलियाणिवाते आहितेति वदेज्जा -कहं० पुच्छा तत्थ खलु इमा-ओ पंच पडिवत्तीओ पत्रत्ताओ तत्थ्येण एवमाहंसु-ता सव्वेसि णं नक्खत्ता कतियादिया भरणिपज्ज-वसाणा पत्रत्ता-एगे पुण एवमाहंसु-ता सव्वेवि णं नक्खत्ता महादिया अस्सेसपज्जवसाणा एगे पुण एवमाहंसु-ता सव्वेवि णं नक्खत्ता धणिद्धादिया सवणपज्जवसाणा एगे पुण एवमाहंसु-ता सव्वेवि णं नक्खत्ता अस्सिणीआदिया रेवइपज्जवसाणा एगे पुण एवमाहंसु-ता सव्वेवि णं नक्खत्ता परणी-आदिया अस्सिणीपज्जवसाणा वयं पुण एवं वदामो-न्ता सव्वेवि णं नक्खत्ता अभिईआदिया उत्तरासा-दापज्जवसाणा पत्रत्ता तं जहा-अभिई सवणो जाव उत्तरासादा ।३२।-३२

● दसमे पाहुडे पदमं पाहुडपाहुडं समत्तं ●

—: वीयं पा हु उ पा हु उं :—

(४७) ता कहं ते मुहुत्तगे आहितेति वदेज्जा ता एतेसि णं अट्टावीसाए नक्खत्ताणं अत्थि नक्खत्ते जे णं नव मुहुत्ते सत्तावीसं च सत्तद्धिभागे मुहुत्तस्स चंदेण सद्धि जोयं जोएति अत्थि नक्खत्ता जे णं पत्ररस मुहुत्ते चंदेण सद्धि जोयं जोएति अत्थि नक्खत्ता जे णं तीसं मुहुत्ते चंदेणं सद्धि जोयं जोएति अत्थि नक्खत्ता जे णं पणयालीसे मुहुत्ते चंदेण सद्धि जोयं जोएति ता एतेसि णं अट्टावीसाए

नकखत्ताणं कयरे नकखत्ते जे णं नवमुहुत्ते सत्तावीसं च सत्तद्धिभाए मुहुत्तस्स चंदेणं सद्धिं जोयं जोएति कयरे नकखत्ता जे णं पत्ररसमुहुत्ते चंदेणं सद्धिं जोयं जोएति कयरे नकखत्ता जे णं तीसं मुहुत्ते चंदेणं सद्धिं जोयं जोएति कयरे नकखत्ता जे णं पणयालीसं मुहुत्ते चंदेणं सद्धिं जोयं जोएति ता एतेसि णं अट्टावीसाए नकखत्ताणं तत्थ जेसे नकखत्ते जे णं नव मुहुत्ते सत्तावीसं च सत्तद्धिभागे मुहुत्तस्स चंदेणं सद्धिं जोयं जोएति से णं एगे अभीई तत्थ जेते नकखत्ता जे णं पत्ररसमुहुत्ते चंदेणं सद्धिं जोयं जोएति ते णं छ तं जहा-सतभिसया भरणी अट्टा अस्सेसा साती जट्टा तत्थ जेते नकखत्ता जे णं तीसं मुहुत्तं चंदेणं सद्धिं जोयं जोएति ते णं पत्ररस तं जहा-सवणे धणिट्टा पुच्चाभट्टवया रेवती अस्सिणी कत्तिया मिगसिरं पुस्सो महा पुच्चाफग्गुणी हत्थो चित्ता अनुराहा मूलो पुच्चासाढा तत्थ जेते नकखत्ता जे णं पणयालीसं मुहुत्ते चंदेणं सद्धिं जोयं जोएति ते णं छ तं जहा-उत्तराभट्टपदा रोहिणी पुनव्वसू उत्तराफग्गुणी विसाहा उत्तरासाढा।३३।-३३

(४८) ता एतेसि णं अट्टावीसाए नकखत्ताणं अत्थि नकखत्ते जे णं चत्तारि अहोरोत्ते छट्ठ मुहुत्ते सूरें सद्धिं जोयं जोएति अत्थि नकखत्ता जे णं छ अहोरोत्ते एककवीसं च मुहुत्ते सूरें सद्धिं जोयं जोएति अत्थि नकखत्ता जे णं तेरस अहोरोत्ते दुवालस य मुहुत्ते सूरें सद्धिं जोयं जोएति अत्थि नकखत्ता जे णं वीसं अहोरोत्ते तिण्णि य मुहुत्ते सूरें सद्धिं ता एतेसि णं अट्टावीसाए नकखत्ताणं कयरे नकखत्ते जे णं चत्तारि अहोरोत्ते छट्ठ मुहुत्ते सूरें सद्धिं जोयं जोएति कयरे नकखत्ता जे णं छ अहोरोत्ते एककवीसं मुहुत्ते सूरें सद्धिं जोयं जोएति कयरे नकखत्ता जे णं तेरस अहोरोत्ते बारस मुहुत्ते सूरें सद्धिं जोयं जोएति कयरे नकखत्ता जे णं वीसं अहोरोत्ते तिण्णि य मुहुत्ते सूरें सद्धिं जोयं जोएति ता एतेसि णं अट्टावीसाए नकखत्ताणं तत्थ जेसे नकखत्ते जे णं चत्तारि अहोरोत्ते छट्ठ मुहुत्ते सूरें सद्धिं जोयं जोएति से णं एगे अभीई तत्थ जेते नकखत्ता जे णं छ अहोरोत्ते एककवीसं च मुहुत्ते सूरें सद्धिं जोयं जोएति ते णं छ, सतभिसया भरणी अट्टा अस्सेसा साती जट्टा तत्थ जेते नकखत्ता जे णं तेरस अहोरोत्ते दुवालस य मुहुत्ते सूरें सद्धिं जोयं जोएति ते णं पत्ररस सवणो धणिट्टा पुच्चाभट्टवया रेवती अस्सिणी कत्तिया मिगसिरं पुसो महा पुच्चाफग्गुणी हत्थो चित्ता अनुराहा मूलो पुच्चासाढा तत्थ जेते नकखत्ता जे णं वीसं अहोरोत्ते तिण्णि य मुहुत्ते सूरें सद्धिं जोयं जोएति ते णं छ, उत्तराभट्टवया रोहिणी पुणव्वसू उत्तराफग्गुणी विसाहा उत्तरासाढा।३४।-३४

● रसये पाहुडे वीयं पाहुण्डपाहुंडं समत्तं ●

—: तं चं पा हु ड पा हु डं :-

(४९) ता कंते ते एवंभागा आहिताति वदेजा ता एतेसि णं अट्टावीसाए नकखत्ताणं अत्थि नकखत्ता पुच्चाभागा समकखेत्ता तीसइमुहुत्ता पत्रता अत्थि नकखत्ता पच्छंभागा समकखेत्ता तीसइमुहुत्ता पत्रता अत्थि नकखत्ता नत्तंभागा अवड्ढकखेत्ता पत्ररसमुहुत्ता पत्रता अत्थि नकखत्ता उभयंभागा दिवड्ढकखेत्ता पणयालीसइमुहुत्ता पत्रता ता एतेसि णं अट्टावीसाए नकखत्ताणं कयरे नकखत्ता पुच्चाभागा समकखेत्ता तीसइमुहुत्ता पत्रता कयरे नकखत्ता पच्छंभागा समकखेत्ता तीसउ-मुहुत्ता पत्रता कयरे नकखत्ता नत्तंभागा अवड्ढकखेत्ता पत्ररसमुहुत्ता पत्रता कयरे नकखत्ता उभयंभागा दिवड्ढकखेत्ता पणयालीसइमुहुत्ता पत्रता ता एतेसि णं अट्टावीसाए नकखत्ताणं तत्थ पुच्चाभागा समकखेत्ता तीसइमुहुत्ता पत्रता ते णं छ तं जहा-पुच्चापोट्टवया कत्तिया महा पुच्चाफग्गुणी मूलो पुच्चासाढा तत्थ जेते नकखत्ता पच्छंभागा समकखेत्ता तीसइमुहुत्ता पत्रता ते णं दस तं जहा-

अभिई सवणो धणिद्धा रेवती अस्सिणी मिगसिर पूसो हत्थो चित्ता अनुराहा तत्थ जेते नक्खत्ता नत्तंभागा अवड्ढक्खेत्ता पन्नरसमुहुत्ता पन्नत्ता ते णं छ तं जहा-सत्तभिसया भरणी अद्दा अस्सेसा सात्ती जेद्दा तत्थ जेते नक्खत्ता उभयंभागा दिवड्ढक्खेत्ता पणयालीसइमुहुत्ता पन्नत्ता ते णं छ तं जहा-उत्तराभद्वयया रोहिणी पुनव्वसू उत्तराफग्गुणी विसाहा उत्तरासाढा ।३५।-३५

● दसमे पाहडे तयं पाहडपाहडं समत्तं ●

—: च उ त्थं पा हु ड पा हु डं :-

(५०) ता कहं ते जोगसस आदी आहितेति वदेजा ता अभीई-सवणा खलु दुवे नक्खत्ता पच्छंभागा समक्खेत्ता सातिरेगऊत्तालीसइमुहुत्ता तप्पढमयाए सायं चंदेणं सद्धिं जोयं जोएति ततो पच्छा नवरं सातिरेगं दिवसं-एवं खलु अभीई-सवणा दुवे नक्खत्ता एगं रातिं एगं च सातिरेगं दिवसं चंदेणं सद्धिं जोयं जोएति जोएत्ता जोयं अनुपरियद्धति अनुपरियद्धित्ता सायं चंदं धणिद्धाणं समप्येति ता धणिद्धा खलु नक्खत्ते पच्छंभागे समक्खेत्ते तीसइमुहुत्ते तप्पढमयाए सायं चंदेण सद्धिं जोयं जोएति जोएत्ता ततो पच्छा रातिं अवरं च दिवसं-एवं खलु धणिद्धा नक्खत्ते एगं रातिं एगं च दिवसं चंदेण सद्धिं जोयं जोएति जोएत्ता जोयं अनुपरियद्धति अनुपरियद्धित्ता सायं चंदं सत्तभिसयाणं समप्येति ता सत्तभिसया खलु नक्खत्ते नत्तंभागे अवड्ढक्खेत्ते पन्नरसमुहुत्ते तप्पढमयाए सायं चंदेणं सद्धिं जोयं जोएति नो लभति अवरं दिवसं-एवं खलु सत्तभिसया नक्खत्ते एगं रातिं चंदेणं सद्धिं जोयं जोएति जोएत्ता जोयं अनुपरियद्धति अनुपरियद्धित्ता पातो चंदं पुव्व्याणं पोड्ढवयाणं सप्येति ता पुव्व्यापोड्ढवया खलु नक्खत्ते पुव्वंभागे समक्खेत्ते तीसइमुहुत्ते तप्पढमयाए पातो चंदेणं सद्धिं जोयं जोएति तओ पच्छा अवरं रातिं-एवं खलु पुव्व्यापोड्ढवया नक्खत्ते पुव्वं भागे समक्खेत्ते तीसमुहुत्ते एगं च दिवसं एगं च रातिं चंदेणं सद्धिं जोयं जोएति जोएत्ता जोयं अनुपरियद्धति अनुपरियद्धित्ता पातो चंदं उत्तराणं पोड्ढवयाणं समप्येति ता उत्तरापोड्ढवया खलु नक्खत्ते उभयंभागे दिवड्ढक्खेत्ते पणयालीसइमुहुत्ते तप्पढमयाए पातो चंदेण सद्धिं जोयं जोएति अवरं च रातिं ततो पच्छा अवरं दिवसं-एवं खलु उत्तरापोड्ढवया नक्खत्ते एगं दिवसं एगं च रातिं अवरं च दिवसं चंदेणं सद्धिं जोयं जोएति जोएत्ता जोयं अनुपरियद्धति अनुपरियद्धित्ता सायं चंदं रेवतीणं समप्येति ता खेती खलु नक्खत्ते पच्छंभागे सम जहा धणिद्धा जाव भागं चंदं अस्सिणी णं समप्येति, ता अस्सिणी खलु नक्खत्ते पच्छंभागे समक्खेत्ते तीसइमुहुत्ते तप्पढमयाए सायं चंदेण सद्धिं जोयं जोएति ततो पच्छा अवरं दिवसं एवं खलु अस्सिणी नक्खत्ते एगं रातिं एगं च दिवसं चंदेणं सद्धिं जोयं जोएति जोएत्ता जोयं अनुपरियद्धति अनुपरियद्धित्ता सायं चंदं भरणीणं समप्येति भरणी खलु नक्खत्ते नत्तं भागे अवड्ढ जहा सत्तभिसा जाव पादो चंदं कत्तिताणो समप्येति एवं जहा पुव्वमद्वयत्ता तथा पुव्वं भागा छप्पिनेयव्वा जहा धणिद्धा तथा पच्छंभागा अद्द नेयव्वा जाव एवं खलु उत्तरासाढा दो दिवसे एगं च रातिं एगं च चंदेण सद्धिं जोगं जोएत्ति जोगं जोएत्ता अनुपरियहंति जोगं जोएत्ति अनुपरियद्धित्ता जोगं जोएत्ता अतिति समणं समप्येत्ति जहा सत्तभिसया तथा तत्तंभागा नेयव्वा, जहा पुव्व-भद्वयया तथा पुव्वंभागा छप्पिनेयव्वा, जहा धणिद्धा तथा पच्छाभागा नेयव्वा, अभितिं समणं समप्येति ।३६।-३६

● दसमे पाहडे वउत्वं पाहडपाहडं समत्तं ●

—: पं च मं पा हु ड पा हु डं :-

(५१) ता कहं ते कुत्ता आहिताति वदेजा तत्थ खलु इमे बारस कुत्ता बारस उवकुला चत्तारि

कुलोवकुला पत्रसा बारस कुला तं जहा-धणिद्वाकुलं उत्तरामद्वयया कुलं अस्सिणी कुलं कत्तिया कुलं संठाणा कुलं पुस्सो कुलं महा कुलं उत्तराफग्गुणी कुलं चित्ता कुलं विसाहा कुलं मूलो कुलं उत्तरासाढा कुलं बारस उवकुला तं जहा-सवणो उवकुलं पुव्वभद्वयया उवकुलं रेवती उवकुलं भरणी उवकुलं रोहिणी उवकुलं पुत्रवसू उवकुलं अस्सेसा उवकुलं पुव्वाफग्गुणी उवकुलं हत्थो उवकुलं साती उवकुलं जेद्दा उवकुलं पुव्वासाढा उवकुलं चत्तारि कुलोवकुला तं जहा-अपीई कुलोवकुलं सतभिसया कुलोवकुलं अद्दा कुलोवकुलं अनुराहा कुलोवकुलं ।३७। ३७

● दसमे पाहुंडे पंचमं पाहुंडपाहुंडं समत्तं ●

—: छ इं पा हु ड पा हु डं :—

(५२) ता कहंते पुण्णिमासिणी आहितेति वदेज्जा तत्थ खलु इमाओ वारस पुण्णिमासिणीओ वारस अमावासाओ साविट्ठी पोड्ववली आसोई कत्तिया मग्गसिरी पोसी माही फग्गुणी चेत्ती वइसाही जेद्दामूली आसाढी ता साविट्ठिणं पुण्णिमासिं कति नक्खत्ता जोएति ता तिण्णि नक्खत्ता जोएति तं जहा-अभिई सवणो धणिद्दा ता पोड्ववतिण्णं पुण्णिमं तिण्णि नक्खत्ता जोएति सतभिसय पुव्वा पोड्ववया उत्तरा पोड्ववया ता आसोइण्णं पुण्णिमं दोण्णि नक्खत्ता जोएति रेवती अस्सिणी य ता कत्तियण्णं पुण्णिमं दोण्णि नक्खत्ता जोएति तं जहा-भरणी कत्तिया य ता मग्गसिरण्णं पुण्णिमं दोण्णि नक्खत्ता जोएति तं जहा-रोहिणी भिगसिरो य ता पोसिण्णं पुण्णिमं तिण्णि नक्खत्ता जोएति तं जहा-अद्दा पुण्णवसू पुस्सो ता माहिण्णं पुण्णिमं दोण्णि नक्खत्ता जोएति तं जहा-अस्सेसा महा य ता फग्गुणिण्णं पुण्णिमं दुण्णि नक्खत्ता जोएति तं जहा-पुव्वाफग्गुणी उत्तराफग्गुणी य ता वेत्तिण्णं पुण्णिमं दोण्णि नक्खत्ता जोएति तं जहा-हत्थो चित्ता य ता वइसाहिण्णं पुण्णिमं दोण्णि नक्खत्ता जोएति तं जहा-साती विसाहा य ता जेद्दामलिण्णं पुण्णिमासिणिं तिण्णि नक्खत्ता जोएति तं जहा-अनुराहा जेद्दा मूलो ता आसदिण्णं पुण्णिमं तादो नक्खत्ता जोएति तं जहा-पुव्वासाढा उत्तरासाढा

।३८।-३८

(५३) ता साविट्ठिण्णं पुण्णिमासिणिं किं कुलं जोएति उवकुलं वा जोएति कुलोवकुलं वा जोएति ता कुलं वा जोएति उवकुलं वा जोएति कुलोवकुलं वा जोएति कुलं जोएमाणे धणिद्दा नक्खत्ते जोएति उवकुलं जोएमाणे सवणे नक्खत्ते जोएति कुलोवकुलं जोएमाणे अभिई नक्खत्ते जोएति साविट्ठिण्णं पुण्णिमं कुलं वा जोएति उवकुलं वा जुत्ता कुलोवकुलेण वा जुत्ता साविट्ठी पुण्णिमा जुत्ताति वत्तव्वं सिया ता पोड्ववतिण्णं पुण्णिमं कुलं वा जोएति उवकुलं वा जोएति कुलोवकुलं वा जोएति कुलं जोएमाणे उत्तरापोड्ववया नक्खत्ते जोएति उवकुलं जोएमाणे पुव्वापोड्ववया नक्खत्ते जोएति कुलोवकुलं जोएमाणे सतभिसया नक्खत्ते जोएति पोड्ववतिण्णं पुण्णमासिणिं कुलं वा जोएति उवकुलं वा जोएति कुलोवकुलं वा जोएति कुलेण वा जुत्ता उवकुलेण वा जुत्ता कुलोवकुलेण वा जुत्ता पोड्ववती पुण्णिमा जुत्ताति वत्तव्वं सिया, ता आसोइण्णं पुण्णिमासिणिं कुलंपि जोएति उवकुलंपि जोएति नो लभति कुलोवकुलं कुलं जोएमाणे अस्सिणी नक्खत्ते जोएति उवकुलं जोएमाणे रेवती नक्खत्ते जोएति आसोइण्णं पुण्णिमं कुलं वा जोएति उवकुलं वा जोएति कुलेण वा जुत्ता उवकुलेण वा जुत्ता आसोई णं पुण्णिमा जुत्ताति वत्तव्वं सिया एवं नेयव्वाओ-पोसिं पुण्णिमं जेद्दामूलिं पुण्णिमं च कुलोवकुलंपि जोएति अवसेसासु नत्थि कुलोवकुलं जाव आसाढी पुण्णिमा जुत्ताति वत्तव्वं सिया, ता सविट्ठिण्णं अमावासं कति नक्खत्ता जोएति ता दुण्णि नक्खत्ता जोएति तं जहा-अस्सेसा महा य एवं एतेणं अभिलावेणं नेतव्वं पोड्ववति

दो नकखता जोएँति तं जहा-पुव्वाफग्गुणी उत्तराफग्गुणी अस्सोई हत्थो चित्ता य कत्तियं साती विसाहा य मग्गसिरिं अनुराधा जेद्दा मूलो पोसिं पुव्वासाढा उत्तरासाढा माहिं अभीई सवणे घणिद्धा फग्गुणिं सतभिसया पुव्वापोड्ववया चेत्तिं उत्तरापोड्ववया रेवती अस्सिणी य विसाहिं भरणी कत्तिया य जेद्दामूलिं रोहिणी मिगसिरिं च ता आसाढिणं अमावासिं तिण्णि नकखता जोएँति तं जहा-अद्दा पुनव्वसू पुस्सो ता सावट्ठिणं अमावासं कुलं वा जोएति उवकुलं वा जोएति नो लभति कुलोवकुलं कुलं जोएमाणे महा नकखत्ते जोएति उवकुलं जोएमाणे अस्सेसा नकखत्ते जोएति कुलेण वा जुत्ता उवकुलेण वा जुत्ता साविट्ठी अमावासा जुत्ताति वत्तव्वं सिया एवं नेतव्वं नवरं-मग्गसिरीए माहीए फग्गुणीए आसाढीए य अमावासाए कुलोवकुलं पि जोएति सेसेसु अत्थिं ।३९१-३९

● दसमे पाहडे छट्टं पाहडपाहडं समत्तं ●

—: स त्त मं पा हु ड पा हु डं :—

(५४) ता कहं ते सण्णिवाने आहितेति वदेज्जा ता जया णं साविट्ठी पुण्णिमा भवति तथा णं माही अमावासा भवति जया णं माही पुण्णिमा भवइ तथा णं साविट्ठी अमावासा भवइ जया णं पोड्ववती पुण्णिमा भवति तथा णं फग्गुणी अमावासा भवति जया णं फग्गुणी पुण्णिमा भवति तथा णं पोड्ववती अमावासा भवति जया णं आसोई पुण्णिमा भवति तथा णं चेत्ती अमावासा भवति जया णं चेत्ती पुण्णिमा भवति तथा णं वइसाहीं अमावासा भवति जया णं वइसाही पुण्णिमा भवति तथा णं कत्तिई अमावासा भवति जया णं मग्गसिरी पुण्णिमा भवति तथा णं जेद्दामूली अमावासा भवति जया णं जेद्दामूली पुण्णिमा तथा णं मग्गसिरी अमावासा जया णं पोसी पुण्णिमा तथा णं आसाढी अमावासा जया णं आसाढी पुण्णिमा भवति तथा णं पोसी अमावासा भवति ।४०१-४०

● दसमे पाहडे सत्तमं पाहडपाहडं समत्तं ●

—: अ ङ्ग मं पा हु ड पा हु डं :—

(५५) ता कहं ते नकखत्तसंठिती आहितेति वदेज्जा ता एतेसि णं अद्दावीसाए नकखत्ताणं अभीई नकखत्ते किसंठिते पन्नत्ते ता गोसीसावलिसंठिते पन्नत्ते ता सवणे नकखत्ते काहारसंठिते पन्नत्ते ता धणिद्धा नकखत्ते सउण्णिलीणगसंठिते पन्नत्ते ता सतभिसया नकखत्ते पुष्कोवयारसंठिते पन्नत्ते ता पुव्वापोड्ववया नकखत्ते अवड्ढवाविसंठिते पन्नत्ते एवं उत्तरावि ता रेवति नकखत्ते नावासंठिते पन्नत्ते ता उस्सिणी नकखत्ते आसकव्वंधसंठिते पन्नत्ते ता भरणी नकखत्ते भगसंठिते पन्नत्ते ता कत्तिया नकखत्ते छुरघरगसंठिते पन्नत्ते ता रोहिणी नकखत्ते सगड्ढिसंठिते पन्नत्ते ता मिगसिरा नकखत्ते मग्गसीसावलिसंठिते पन्नत्ते ता अद्दा नकखत्ते रुहिरबिंदुसंठिते पन्नत्ते ता पुणव्वसू नकखत्ते तुलासंठिते पन्नत्ते ता पुस्से नकखत्ते वद्धमाणगसंठिते पन्नत्ते ता अस्सेसा नकखत्ते पडागसंठिते पन्नत्ते ता महा नकखत्ते पागारसंठिते पन्नत्ते ता पुव्वाफग्गुणी नकखत्ते अद्धपल्लिकं सठिते पन्नत्ते एवं उत्तरावि ता हत्थे नकखत्ते हत्थसंठिते पन्नत्ते ता चित्ता नकखत्ते मुहफुल्लसंठिते पन्नत्ते ता साती नकखत्ते खीलगसंठिते पन्नत्ते विसाहानकखत्ते दामणिसंठिते पन्नत्ते ता अनुराधा नकखत्ते एगावलिसंठिते पन्नत्ते ता जेद्दा नकखत्ते गयदंतसंठिते पन्नत्ते ता मूलो नकखत्ते विच्चुयनंगोलसंठिते पन्नत्ते ता पुव्वासाढा नकखत्ते गयविक्कमसंठिते पन्नत्ते ता उत्तरासाढा नकखत्ते सीहनिसाइसंठिते पन्नत्ते ।४११-४१

● दसमे पाहडे अट्ठमं पाहडपाहडं समत्तं ●

—: न व मं पा हु ड पा हु डं :-

(५६) ता कहं ते तारगमे आहितेति वदेज्जा ता एतेसि णं अद्वावीसाए नक्खत्ताणं अभीई नक्खत्ते तितारे पन्नत्ते ता सवणे नक्खत्ते तितारे पन्नत्ते ता धणिग्घा नक्खत्ते पणतारे पन्नत्ते ता सतभिसया नक्खत्ते सततारे पन्नत्ते ता पुव्वापोड्ववत्ता नक्खत्ते दुतारे पन्नत्ते एवं उत्तरावि ता रेवती नक्खत्ते बत्तीसतितारे पन्नत्ते ता अस्सिणी नक्खत्ते तितारे पन्नत्ते एवं सव्वे पुच्छिञ्जंति-भरणी तितारे पन्नत्ते अद्वा एगतारे पन्नत्ते पुणव्वसू पंचतारे पन्नत्ते पुस्से तितारे पन्नत्ते अस्सेसा छतारे पन्नत्ते मघा सत्ततारे पन्नत्ते पुव्वाफगुणी दुतारे पन्नत्ते एवं उत्तरावि हत्थे पंचतारे पन्नत्ते चित्ता एगतारे पन्नत्ते साती एगतारे पन्नत्ते विसाहा पंचतारे पन्नत्ते अनुराहा चउतारे पन्नत्ते जेद्वा तितारे पन्नत्ते मूले एगतारे पन्नत्ते पुव्वासाढा चउतारे पन्नत्ते उत्तरासाढा चउतारे पन्नत्ते।४२।-४२

● दसमे पाहुंडे नवमं पाहुंडपाहुंडं समत्तं ●

—: द स म पा हु ड पा हु डं :-

(५७) ता कहं ते नेता आहितेति वदेज्जा ता वासाणं पढमं मासं कत्ति नक्खत्ता णेति ता चत्तारि नक्खत्ता णेति तं जहा-उत्तरासाढा अभीई सवणो धणिग्घा उत्तरासाढा चोद्दस अहोरत्ते नेति अभीई सत्त अहोरत्ते नेति सवणे अद्द अहोरत्ते नेति धणिग्घा एगं अहोरत्तं नेति तंसि च णं मासंसि चउरंगुल-पोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाइं चत्तारि अंगुलाइं पोरिसी भवति, ता वासाणं दोद्दं मासं चत्तारि नक्खत्ता णेति तं जहा-धणिग्घा सतभिसता पुव्वो-पोड्ववया उत्तरपोड्ववया धणिग्घा चोद्दस अहोरत्ते नेति सतभिसता सत्त अहोरत्ते नेति पुव्वापोड्ववया अद्द अहोरत्ते नेति उत्तरपोड्ववया एगं अहोरत्तं नेति तंसि च णं मासंसि अद्दंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाइं अद्द अंगुलाइं पोरिसी भवति, ता वासाणं तत्तिचं मासं तिण्णि नक्खत्ता णेति तं जहा-उत्तरपोड्ववया रेवती अस्सिणी उत्तरपोड्ववया चोद्दस अहोरत्ते नेति रेवती पन्नरस अहोरत्ते नेति अस्सिणी एगं अहोरत्तं नेति तंसि च णं मासंसि दुवालसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे लेहद्दइं तिण्णि पदाइं पोरिसी भवति, ता वासाणं चउत्थं मासं तिण्णि नक्खत्ता णेति तं जहा अस्सिणी भरणी कत्तिया अस्सिणी चउद्दस्स अहोरत्ते नेति भरणी पन्नरस अहोरत्ते नेति कत्तिया एगं अहोरत्तं नेति तंसि च णं मासंसि सोलसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिण्णि पदाइं चत्तारि अंगुलाइं पोरिसी भवति, ता हेमंताणं पढमं मासं तिण्णि नक्खत्ता णेति तं जहा-कत्तिया रोहिणी संठाणा कत्तिया चोद्दस अहोरत्ते नेति रोहिणी पन्नरस अहोरत्ते नेति संठाणा एगं अहोरत्तं नेति तंसि च णं मासंसि वीसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिण्णि पदाइं अद्द अंगुलाइं पोरिसी भवति, ता हेमंताणं दोद्दं मासं चत्तारि नक्खत्ता णेति तं जहा-संठाणं अद्वा पुणव्वसू पुस्सो संठाणा चोद्दस अहोरत्ते नेति अद्वा सत्त अहोरत्ते नेति पुणव्वसू अद्द अहोरत्ते नेति पुस्से एगं अहोरत्तं नेति तंसि च णं मासंसि चउवीसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे लेहद्दइं चत्तारि पदाइं पोरिसी भवति, ता हेमंताणं तत्तिचं मासं तिण्णि नक्खत्ता णेति तं जहा-पुस्से अस्सेसा महा पुस्से चोद्दस अहोरत्ते नेति अस्सेसा पंचदस अहोरत्ते नेति महा एगं अहोरत्तं नेति तंसि च णं मासंसि वीसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिण्णि पदाइं अद्दंगुलाइं पोरिसी भवति, ता हेमंताणं

चउत्थं मासं तिष्ठिणं नक्खत्ता गेति तं जहा-महा पुब्बाफग्गुणी उत्तराफग्गुणी महा चोद्दस अहोरत्ते नेति पुब्बाफग्गुणी पन्नरस अहोरत्ते नेति उत्तराफग्गुणी एणं अहोरत्तं नेति तंसि च णं मासंसि सोलसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे तिष्ठिणं पदाइं चत्तारि अंगुलाइं पोरिसी भवति, ता गिम्हाणं पढमं मासं तिष्ठिणं नक्खत्ता गेति तं जहा-उत्तराफग्गुणी हत्थो चित्ता उत्तराफग्गुणी चोद्दस अहोरत्ते नेति हत्थो पन्नरस अहोरत्ते नेति चित्ता एणं अहोरत्तं नेति तंसि च णं मासंसि दुवालसंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे लेहद्दाइं तिष्ठिणं पदाइं पोरिसी भवति, ता गिम्हाणं वित्थियं मासं तिष्ठिणं नक्खत्ता गेति तं जहा-चित्ता साती विसाहा चित्ता चोद्दस अहोरत्ते नेति साती पन्नरस अहोरत्ते नेति विसाहा एणं अहोरत्तं नेति तंसि च णं मासंसि अट्ठंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाइं अट्ठ अंगुलाइं पोरिसी भवति, ता गिम्हाणं तत्थियं मासं चत्तारि नक्खत्ता गेति तं जहा-विसाहा अनुराहा जेद्दा मूलो विसाहा चोद्दस अहोरत्ते नेति अनुराहा सत्तअहोरत्ते नेति जेद्दा अट्ठ अहोरत्ते नेति मूलो एणं अहोरत्तं नेति तंसि च णं मासंसि चउरंगुलपोरिसीए छायाए सूरिए अनुपरियट्ठति तस्स णं मासस्स चरिमे दिवसे दो पदाणि चत्तारि अंगुलाइं पोरिसी भवति, ता गिम्हाणं चउत्थं मासं तिष्ठिणं नक्खत्ता गेति तं जहा-मूलो पुब्बासाढा उत्तरासाढा मूलो चोद्दस अहोरत्ते नेति पुब्बासाढा पन्नरस अहोरत्ते नेति उत्तरासाढा एणं अहोरत्तं नेति तंसि च णं मासंसि वट्ठाए समचउरंससंठिताए नग्गोहपरिमंडलाए सकावमणुंगिणीए छायाए सूरिए अनुपरियट्ठति तस्स णं मासस्स चरिमे दिवसे लेहद्दाइं दो पदाइं पोरिसी भवति।४३।-४३

● दसमे पाहडे दसमं पाहडणहडं समत्तं ●

—: ए क्का र स मं पा हु ड पा हु डं :—

(५८) ता कहं ते चंदमग्गा आहितेति वदेज्जा ता एतेसि णं अट्ठावीसाए नक्खत्ताणं अत्थि नक्खत्ता जे णं सया चंदस्स दाहिणेणं जोयं जोएति अत्थि नक्खत्ता जे णं सया चंदस्स उत्तरेणं जोयं जोएति अत्थि नक्खत्ता जे णं चंदस्स दाहिणेणवि उत्तरेणवि पमहंपि जोयं जोएति अत्थि नक्खत्ता जे णं चंदस्स दाहिणेणवि पमहंपि जोयं जोएति अत्थि नक्खत्ते जे णं सया चंदस्स पमहं जोयं जोएति ता एतेसि णं अट्ठावीसाए नक्खत्ताणं कयरे नक्खत्ता जे णं सया चंदस्स दाहिणेणं जोयं जोएति तहेव जाव कयरे नक्खत्ते जे णं सया चंदस्स पमहं जोयं जोएति ता एतेसि णं अट्ठावीसाए नक्खत्ताणं जे णं नक्खत्ता सया चंदस्स दाहिणेणं जोयं जोएति ते णं छ तं जहा-संठाणा अट्ठा पुस्सो अस्सेसा हत्थो मूलो तत्थ जेते नक्खत्ता जे णं सया चंदस्स उत्तरेणं जोयं जोएति ते णं वारस तं जहा-अभिई सवण्णे धणिद्दा सत्तभिसया पुब्बाभइवया उत्तरापोड्ववया रेवती अस्सिणी भरणी पुब्बाफग्गुणी उत्तराफग्गुणी साती तत्थ जेते नक्खत्ता जे णं चंदस्स दाहिणेणवि उत्तरेणवि पमहंपि जोयं जोएति ते णं सत्त तं जहा-कत्थिया रोहिणी पुणव्यसू महा चित्ता विसाहा अनुराहा तत्थ जेते नक्खत्ता जे णं चंदस्स दाहिणेणवि पमहंपि जोयं जोएति ताओ णं दो आसाढाओ सव्यवाहिरे मंडले जोयं जोएंसु वा जोएति वा जोएस्संति वा तत्थ जेसे नक्खत्ते जे णं सया चंदस्स पमहं जोयं जोएति सा णं एणा जेद्दा।४४।-४४

(५९) ता कति ते चंदमंडला पन्नत्ता ता पन्नरस चंदमंडला पन्नत्ता ता एतेसि णं पन्नरसणं चंदमंडलाणं अत्थि चंदमंडलाणं अत्थि चंदमंडला जे णं सया नक्खत्तेहिं अविरोहिया अत्थि चंदमंडला जे णं सया नक्खत्तेहिं विरोहिया अत्थि चंदमंडला जे णं रविससिनक्खत्ताणं सापण्णा भवति अत्थि

चंदमंडला जे णं सया आदिद्येहिं विरहिया ता एतेसि णं पत्ररसण्हं चंदमंडलाणं कयरे चंदमंडला जे णं सया नक्खत्तेहिं अविरहिया जाव कयरे चंदमंडला जे णं सया आदिद्येहिं विरहिया ता एतेसि णं पन्नरसण्हं चंदमंडलाणं तत्थ जेते चंदमंडला जे णं सया नक्खत्तेहिं अविरहिया ते णं अड्ड तं जहा-पढमे चंदमंडले ततिए चंदमंडले छट्टे चंदमंडले सत्तमे चंदमंडले अड्डमे चंदमंडले दसमे चंदमंडले एककारसमे चंदमंडले पन्नरसमे चंदमंडले तत्थ जेते चंदमंडला जे णं सया नक्खत्तेहिं विरहिया ते णं सत्त तं जहा-बितिए जचंदमंडले चउत्थे चंदमंडले पंचमे चंदमंडले नवमे चंदमंडले यारसमे चंदमंडले तेरसमे चंदमंडले चउइसमे चंदमंडले तत्थ जेते चंदमंडला जे णं रविसिसिनक्खत्ताणं सामण्णा भवति ते णं चत्तारि तं जहा-पढमे चंदमंडले बीए चंदमंडले इक्कारसमे चंदमंडले पन्नरसमे चंदमंडले तत्थ जेते चंदमंडला जे णं सया आदिद्येहिं विरहिया ते णं पंच तं जहा-छट्टे चंदमंडले सत्तमे चंदमंडले अड्डमे चंदमंडले नवमे चंदमंडले दसमे चंदमंडले ।४५।-४५

● दसमे पाहुंडे एककारसमं पाहुंडपाहुंडं समत्तं ●

—: वा र स मं पा हु ड पा हु डं :—

(६०) ता कहं ते देवयाणं अज्झयणा आहिताति वदेज्जा ता एतेसि णं अट्टावीसाए नक्खत्ताणं अभिई नक्खत्ते वम्हदेवयाए पन्नत्ते ता सवणे नक्खत्ते विण्हुदेवयाए पन्नत्ते ता धणिट्ठा नक्खत्ते वसुदेवयाए पन्नत्ते ता सतपिसया नक्खत्ते वरुणदेवयाए पन्नत्ते ता पुव्वापोट्टवया नक्खत्ते अयदेवयाए पन्नत्ते ता उत्तरापोट्टवया नक्खत्ते अभिवड्ढिदेवयाए पन्नत्ते एवं सव्वेवि पुच्छिज्जंति-नेवती-पुस्सदेवया अस्सिणीअस्सदेवयाए भरणीजमदेवयाए कत्तियाअग्गिदेवया रोहिणीपचावइदेवयाए संटाणासोमदेवयाए अद्धारुद्धदेवयाए पुणव्वसूअदितिदेवयाए पुस्सोबहस्सइदेवयाए अस्सेसासप-देवयाए महापिइदेवयाए पुव्वाफगुणीभमदेवयाए उत्तराफगुणीअज्जमदेवयाए हत्थेसविचादेवयाए चित्तात्तइदेवयाए सातीवायुदेवयाए विसाहा इंदग्गिदेवयाए अनुराहामित्तदेवयाए जेड्डाइंद-देवयाए मूलेनिरइदेवयाए पुव्वासाट्ठाआउदेवयाए उत्तरासाट्ठाविस्सदेवयाए पन्नत्ते ।४६।-४६

● दसमे पाहुंडे बारसमं पाहुंडपाहुंडं समत्तं ●

—: ते र स मं पा हु ड पा हु डं :—

(६१) ता कहं ते मुहुत्ताणं नामधेज्जा आहिताति वदेज्जा ता एगमेगस्स णं अहोरत्तस्स तीसं मुहुत्ता पन्नत्ता [तं जहा]- ।४७।-४७

- (६२) रोद्धे सेते मित्ते वाउ सुपीए तहेव अभिचंदे
माहिंद बलव वंभे बहुसच्चे चेव ईसाणे ॥१६॥-१
- (६३) तट्टे य भाविअप्पा वेरामणे वारुणे य आणंदे
विजए य वीससेणे पायावच्चे चेव उवसमे ॥१७॥-२
- (६४) गंधव्व अग्गिसे सयरिसहे आयवं च अममे य
अणवं च भोमे रिसहे सव्वट्टे रक्खसे चेव ॥१८॥-३

● दसमे पाहुंडे तेरसमं पाहुंडपाहुंडं समत्तं ●

—: च उ इ स मं पा हु ड पा हु डं :—

(६५) ता कहं ते दिवसा आहिताति वदेज्जा ता एगमेगस्स णं पक्खस्स पन्नरस दिवसा पन्नत्ता तं जहा-पडिवादिवसे वित्तियादिवसे जाव पन्नरसीदिवसे ता एतेसि णं पन्नरसण्हं दिवसाणं पन्नरस नामधेज्जा पन्नत्ता [तं जहा]- ।४८।-४८-१

(६९) पुव्वंगे सिद्धमणोरमे य ततो मणोहरे चैव
जसभद्वे य जसोधरे सब्वकामसभिद्धे ॥१९॥-१

(६७) इंदमुद्धाभिसिते य सोमणस धणंजए य बोद्धव्वे
अत्थसिद्धे अभिजाते अच्चसणे य सर्वंजए ॥२०॥-२

(६८) अग्गिवेसे उवसमे दिवसाणं नामधेज्जाइं ता कहं ते रातीओ आहिताति वदेज्जा
ताएणमेगस्स णं पक्खस्स पन्नरस रातीओ पन्नत्ताओ तं जहा-पडिवाराती वित्तियाराती जाव
पन्नरसीराती ता एतासि णं पन्नरसण्हं रातीणं पन्नरस नामधेज्जा पन्नत्ता [तं जहा]- ॥४८-२॥-४८-२

(६९) उत्तमा य सुनक्खत्ता एलावच्चा जसोधरा
सोमणसा चैव तथा सिरिसंभूया य बोद्धव्व्या ॥२१॥-१

(७०) विजया य वेजयंति जयंति अपराजिया य इच्छा य
समाहारा चैव तथा तेया य तथा य अतितेया ॥२२॥-२

(७१) देवाणंदा राती रयणीणं नामधेज्जाइं ॥४८॥-४८

● दसमे पाहुडे चउहसमं पाहुडपाहुडं समत्तं ●

—: प न्न र स मं पा हु ड पा हु डं —:

(७२) ता कहं ते तिही आहितेति वदेज्जा तत्थ खलु इमा दुविहा तिही पन्नत्ता तं जहा-
दिवसतिही य रातीतिही य ता कहं ते दिवसतिही ता एणमेगस्स णं पक्खस्स पन्नरस-पन्नरस
दिवसतिही तं जहा-नंदे भदे जए तुच्छे पुण्णे पक्खस्स पंचमी पुणरवि णंदे भदे जए तुच्छे पुत्रे पक्खस्स
दसमी पुणरवि-णंदे भदे जए तुच्छे पुत्रे पक्खस्स पन्नरसी एवं एते तिगुणा तिहीओ सब्वेसिं दिवसाणं
ता कहं ते रातीतिही ता एणमेगस्स णं पक्खस्स पन्नरस-पन्नरस रातीतिही तं जहा-उग्गवई भोगवई
जसवई सब्वसिद्धा सुहनामा पुणरवि-उग्गवई भोगवई जाव सुहणामा पुणरवि-उग्गवई भोगवई
जाव सुहनामा एवं एते तिगुणा तिहीओ सब्वेसिं रातीणं ॥४९॥-४९

● दसमे पाहुडे पन्नरसमं पाहुडपाहुडं समत्तं ●

—: सो ल स पं पा हु ड पा हु डं —:

(७३) ता कहं ते गोत्ता आहिताति वदेज्जा ता एतेसि णं अट्ठावीसाए नक्खत्ताणं अभीई
नक्खत्ते किंगोत्ते पन्नत्ते ता मोग्गलायणसगोत्ते पन्नत्ते ता सवणे नक्खत्ते संखायणसगोत्ते पन्नत्ते ता
धणिद्धा नक्खत्ते अग्गभावसगोत्ते पन्नत्ते ता सत्तभिसया नक्खत्ते कण्णिंलायणसगोत्ते पन्नत्ते ता पुव्वा-
पोड्ववया नक्खत्ते आउकण्णियसगोत्ते पन्नत्ते ता उत्तरापोड्ववया नक्खत्ते धणंजयसगोत्ते पन्नत्ते ता
रेवती नक्खत्ते पुस्सायणसगोत्ते पन्नत्ते ता अस्सिणी नक्खत्ते अस्सायणसगोत्ते पन्नत्ते ता भरणी
नक्खत्ते भग्गवेससगोत्ते पन्नत्ते ता कत्तिया नक्खत्ते अग्गिवेससगोत्ते पन्नत्ते ता रोहिणी नक्खत्ते गोच-
मस-गोत्ते पन्नत्ते ता संठाणा नक्खत्ते भारद्वायसगोत्ते पन्नत्ते ता अद्दा नक्खत्ते लोहिद्धायणसगोत्ते
पन्नत्ते ता पुणव्वमू नक्खत्ते वासिद्धसगोत्ते पन्नत्ते ता पुरसे नक्खत्ते ओमज्जायणसगोत्ते पन्नत्ते ता
अस्सेसा नक्खत्ते मंडव्वयणसगोत्ते पन्नत्ते ता महा नक्खत्ते पिंगायणसगोत्ते पन्नत्ते ता पुव्वाफग्गुणी
नक्खत्ते गोवळ्ळायणसगोत्ते पन्नत्ते ता उत्तराफग्गुणी नक्खत्ते कासवसगोत्ते पन्नत्ते ता हव्वे नक्खत्ते
कोसियसगोत्ते पन्नत्ते ता चित्ता नक्खत्ते दब्भियायणसगोत्ते पन्नत्ते ता सारी नक्खत्ते चामरच्छायण-
सगोत्ते पन्नत्ते ता विसाहा नक्खत्ते सुंगायणसगोत्ते पन्नत्ते ता अणुराहा नक्खत्ते गोलव्वायणसगोत्ते
पन्नत्ते ता जेद्धा नक्खत्ते तिगिच्छायणसगोत्ते पन्नत्ते ता मूले नक्खत्ते कच्चायणसगोत्ते पन्नत्ते ता पुव्वा-

सादा नखत्ते वज्झियायणसगोत्ते पत्रत्ते ता उत्तरासादा नखत्ते यग्घावच्चसगोत्ते पत्रत्ते ।५०।-50

● दसमे पाहुडे सोलसमं पाहुडपाहुडं समत्तं ●

—: स त र स मं पा हु ड पा हु डं :-

(७४) ता कहं ते भोयणा आहिताहि वदेज्जा ता एतेसि णं अट्ठावीसाए नखत्ताणं कतियाहिं दधिणा भोच्चा कज्जं साधेति रोहिणीहिं वसथमंसं भोच्चा कज्जं साधेति संठाणाहिं मिगमंसं भोच्चा कज्जं साधेति अट्ठाहिं नवणीतेण भोच्चा कज्जं साधेति पुणव्वसुणा थतेण भोच्चा कज्जं साधेति पुस्सेण खीरेण भोच्चा कज्जं साधेति अस्सेसाहिं दीवगमंसं भोच्चा कज्जं साधेति महाहिं कसरिं भोच्चा कज्जं साधेति पुव्वाहिं फग्गुणीहिं मंडकमंसं भोच्चा कज्जं साधेति उत्तराहिं फग्गुणीहिं नखीमंसं भोच्चा कज्जं साधेति हत्थेणं वच्छणीएण भोच्चा कज्जं साधेति चित्ताहिं मुग्गसूवेणं भोच्चा कज्जं साधेति सादिणा फलाइं भोच्चा कज्जं राधेति विसाहाहिं आसित्ति याओ अगत्थियाओ भोच्चा कज्जं साधेति अनुराहाहिं निस्साकूरं भोच्चा कज्जं साधेति जेट्ठाहिं कोलट्टिएणं भोच्चा कज्जं साधेति मूलेणं मूलापत्रेणं भोच्चा कज्जं साधेति पुव्वाहिं आसादाहिं आमलगसारिएणं भोच्चा कज्जं साधेति उत्तराहिं आसादाहिं विद्धेहिं भोच्चा कज्जं साधेति अभीइणा पुप्फेहिं भोच्चा कज्जं साधेति सवणेणं खीरेणं भोच्चा कज्जं साधेति धण्डुहिं जूसेणं भोच्चा कज्जं साधेति सत्तभिसयाए तुवरीओ भोच्चा कज्जं साधेति पुव्वाहिं पोद्दवयाहिं कारिण्हएहिं भोच्चा कज्जं साधेति उत्तराहिं पोद्दवयाहिं वराहमंसं भोच्चा कज्जं साधेति रेवतीहिं जलयरमंसं भोच्चा कज्जं साधेति अस्सिणीहिं तित्तिरमंसं भोच्चा कज्जं साधेति अहवा वट्टमंसं भरणीहिं तिलतंदुलगं भोच्चा कज्जं साधेति ।५१।-51

● दसमे पाहुडे सत्तरसमं पाहुडपाहुडं समत्तं ●

—: अ ट्ठा र स मं पा हु ड पा हु डं :-

(७५) ता कहं ते चारा आहिताति वदेज्जा तत्थ खलु इमे दुविहा चारा पत्रत्ता तं जहा-आदिच्चारा य चंदचारा य ता कहं ते चंदचारा आहिताति वदेज्जा ता पंच संवच्छरिए णं जुगे अभीई नखत्ते सत्तसट्टिचारे चंदेणं सट्टिं जोयं जोएति सवणे णं नखत्ते सत्तसट्टिचारे चंदेणं सट्टिं जोयं जोएति एवं जाव उत्तरासादा नखत्ते सत्तसट्टिचारे चंदेणं सट्टिं जोयं जोएति ता कहं ते आदिच्चारा आहिताति वदेज्जा ता पंच संवच्छरिए णं जुगे अभीई नखत्ते पंचचारे सूरेण सट्टिं जोयं जोएति एवं जाव उत्तरासादा नखत्ते पंचचारे सूरेण सट्टिं जोयं जोएति ।५२।-52

● दसमे पाहुडे अट्ठारसमं पाहुडपाहुडं समत्तं ●

—: ए गू ण वी स इ मं पा हु ड पा हु डं :-

(७६) ता कहं ते मासा आहिताति वदेज्जा ता एगमेगस्स णं संवच्छरस्स बारस मासा तेसिं च दुविहा नामधेज्जा-लोइया लोउत्तरिया य तत्थ लोइया नामा इमे तं जहा-सावणे भइवते अस्सोए कत्तिए मग्गसिरे पोसे माहे फग्गुणे चित्ते वइसाहे जेट्ठामूले आसादे लोउत्तरिया नामा इमे ।५३।-53

(७७) अभिनंदे सुपइट्ठे य विजए पीतिवट्टण

सेज्जंसे य सिवे यावि सिसिरे य स हेमवं

।।२३।।-1

(७८) नवमे वसंतमासे दसमे कुमुमसंमवे

एकादसमे निदाहे वणविरोही य बारसे

।।२४।।-2

● दसमे पाहुडे एगूणवीसइमं पाहुडपाहुडं समत्तं ●

—: वी स इ मं पा हु ड पा हु डं :—

(७९) ता कति णं संवच्छरा आहिताति चदेआ ता पंच संवच्छरा आहिताति वदेआ तं जहा-
नक्खत्तसंवच्छरे जुगसंवच्छरे पमाणसंवच्छरे लक्खणसंवच्छरे सणिच्छरसंवच्छरे ।५४।-५४

(८०) ता नक्खत्तसंवच्छरे णं दुवालसविहे पत्रत्ते तं जहा-सावणे भद्दए जाव आसादे जं वा
वहसतीमहग्गहे दुवालसहिं संवच्छरेहिं सव्वं नक्खत्त- मंडलं समाणेति ।५५।-५५

(८१) ता जुगसंवच्छरे णं पंचविहे पत्रत्ते तं जहा-चंदे चंदे अभिवड्ढिए चंदे अभिवड्ढिए
चेव ता पढमस्स णं चंदसंवच्छरस्स चउव्वीसं पव्वा पत्रत्ता दोच्चस्स णं चंदसंवच्छरस्स चउव्वीसं
पव्वा पत्रत्ता तच्चस्स णं अभिवड्ढियसंछरस्स छव्वीसं पव्वा पत्रत्ता चउत्थस्स णं चंदसंवच्छरस्स
चउव्वीसं पव्वा पत्रत्ता पंचमस्स णं अभिवड्ढिय संवच्छरस्स छव्वीसं पव्वा पत्रत्ता एवामेव
सपुव्वावरेणं पंचसंवच्छरिए जुगे एगे चउवीसे पव्वसत्ते भवतीति मक्खायं ।५६।-५६

(८२) ता पमाणसंवच्छरे णं पंचविहे नक्खत्ते चंदे उडू आइच्चे अभिवड्ढिते ।५७।-५७

(८३) ता लक्खणसंवच्छरे णं पंचविहे पत्रत्ते तं जहा-नक्खत्ते चंदे उडू आइच्चे अभिवड्ढिते
ता नक्खत्तसंवच्छरे पंचविहे पत्रत्ते [तं जहा] ।५८-९।-५८-९

(८४) समगं नक्खत्ता जोयं जोएति समगं उडू परिणमंति
नच्चुण्हं नातिसीते वहूदओ होति नक्खत्ते ॥२५॥-१

(८५) ससि समग पुत्तिमासि जोएति विसमचारिणक्खत्ता
कडुओ वहूदओ य तमाहुं संवच्छरं चंदं ॥२६॥-२

(८६) विसमं पचालिणो परिणमंति अनुऊसु दिंति पुप्फफलं
वासं न सम्म वासति तमाहुं संवच्छरं कम्मं ॥२७॥-३

(८७) पुढविदगाणं च रसं पुप्फफलाणं च देइ आइच्चे
अप्पेणवि वासेणं सम्मं निप्फज्जए सस्सं ॥२८॥-४

(८८) आइच्चेतेयतविद्या खणलवदिवत्ता उडू परिणमंति
पूरेति निण्णधलए तमाहु अभिवड्ढिय जाण ॥२९॥-५

(८९) ता सणिच्छरसंवच्छरे णं अट्ठावीसइविहे पत्रत्ते तं जहा-अभीई सवणे जाव उत्तरासादा
जं वा सणिच्छरे महग्गहे तीसाए संवच्छरेहिं सव्वं नक्खत्तामंडलं समाणेइ ।५८।-५८

● दसमे पाहुडे वीसइमं पाहुडपाहुडं समत्तं ●

—: ए क्क वी स इ मं पा हु ड पा हु डं :—

(९०) ता क्हं ते जोतिसस्स दारा आहिताति धेदेआ तत्थ खलु इमाओ पंच पडिवतीओ
पत्रत्ताओ तत्थेगे एवमाहंसु-ता क्कत्तियादिया णं सत्त नक्खत्ता पुव्वादारिया पत्रत्ते-एगे पुण
एवमाहंसु-ता महादिया णं सत्त नक्खत्ता पुव्वदारिया पत्रत्ता-एगे पुण एवमाहंसु-ता धणिट्ठादिया णं
सत्त नक्खत्ता पुव्वदाहिया पत्रत्ता-एगे पुण एवमाहंसुता अस्तिणीयादिया णं सत्त नक्खत्ता
पुव्वदारिया पत्रत्ता-एगे पुण एवमाहंसुता भरणीयादिया णं सत्त नक्खत्ता पुव्वदारिया पत्रत्ता-तत्थ
जेते एवमाहंसुता क्कत्तियादिया णं सत्त नक्खत्ता पुव्वदारिया पत्रत्ता ते एवमाहंसु तं जहा-क्कत्तिया
रोहिणी संटाणा अट्ठा पुणव्वरू पुरसो अस्सेसा महादिया णं सत्त नक्खत्ता दाहिणदारिया पत्रत्ता तं
जहा-महा पुव्वाफग्गुणी उत्तराफग्गुमी हत्थो चित्ता साती विसाहा, अनुराधादिया णं सत्त नक्खत्ता
पच्छिमदारिया पत्रत्ता तं जहा-अनुराधा जेद्धा मूलो पुव्वासादा उत्तरासादा अभीई सवणे धणिट्ठा-

दिया णं सत्त नक्खत्ता उत्तरदारिया पन्नत्ता तं जहा-धणिद्धा सतभिसया पुव्वापोड्ववया उत्तरापोड्ववया रेवती अस्सिणी भरणी तत्थ जेते एवमाहंसु-ता महादिया णं सत्त नक्खत्ता पुव्वदारिया पन्नत्ता तं जहा-महा पुव्वाफगुणी उत्तराफगुणी हत्थो चित्ता साती विसाहा अनुराधादिया णं सत्त नक्खत्ता दाहिणदारिया पन्नत्ता तं जहा-अनुराधा जेद्धा मूले पुव्वासाढा उत्तरासाढा अभीई सवणे धणिद्धादिया णं सत्त नक्खत्ता पच्छिमदारिया पन्नत्ता तं जहा-धणिद्धा सतभिसया पुव्वापोड्ववया उत्तरापोड्ववया रेवती अस्सिणी भरणी, कत्तियादिया णं सत्त नक्खत्ता उत्तरदारिया पन्नत्ता तं जहा-कत्तिया रोहिणी संठाणा अद्दा पुणव्वसू पुस्सो अस्सेसा तत्थ जेते एवमाहंसु-ता धणिद्धादिया णं सत्त नक्खत्ता पुव्वदारिया पन्नत्ता ते एवमाहंसु तं जहा-धणिद्धा सतभिसया पुव्वापद्दवया उत्तरापद्दवया रेवती अस्सिणी भरणी, कत्तियादिया णं सत्त नक्खत्ता दाहिणदारिया पन्नत्ता तं जहा-कत्तिया रोहिणी संठाणा अद्दा पुणव्वसू पुस्सो अस्सेसा महादिया णं सत्त नक्खत्ता पच्छिमदारिया पन्नत्ता तं जहा-महा पुव्वाफगुणी उत्तराफगुणी हत्थो चित्ता साती विसाहा, अनुराधादिया णं सत्त नक्खत्ता उत्तरदारिया पन्नत्ता तं जहा-अनुराधा जेद्धा मूले पुव्वासाढा उत्तरासाढा अभीई सवणो तत्थ जेते एवमाहंसु-ता अस्सिणीचादिया णं सत्त नक्खत्ता पुव्वदारिया पन्नत्ता ते एवमाहंसु तं जहा-अस्सिणी भरणी कत्तिया रोहिणी संठाणा अद्दा पुणव्वसू पुस्सो अस्सेसा महादिया णं सत्त नक्खत्ता दाहिणदारिया पन्नत्ता तं जहा-पुस्सो अस्सेसा महा पुव्वाफगुणी उत्तराफगुणी हत्थो चित्ता सातियादिया णं सत्त नक्खत्ता पच्छिमदारिया पन्नत्ता तं जहा-साती विसाहा अनुराधा जेद्धा मूले पुव्वासाढा उत्तरासाढा अभीइयादिया णं सत्त नक्खत्ता उत्तरदारिया पन्नत्ता तं जहा-अभीई सवणो धणिद्धा सतभिसया पुव्वापद्दवया उत्तरापद्दवया रेवती तत्थ जेते एवमाहंसु-ता भरणीयादिया णं सत्त नक्खत्ता पुव्वदारिया पन्नत्ता ते एवमाहंसु तं जहा-भरणी कत्तिया रोहिणी संठाणा अद्दा पुणव्वसू पुस्सो अस्सेसादिया णं सत्त नक्खत्ता दाहिणदारिया पन्नत्ता तं जहा-अस्सेसा महा पुव्वाफगुणी उत्तराफगुणी हत्थो चित्ता साती, विसाहादिया णं सत्त नक्खत्ता पच्छिमदारिया पन्नत्ता तं जहा-विसाहा अनुराधा जेद्धा मूले पुव्वासाढा उत्तरासाढा अभीई सवणादिया णं सत्त नक्खत्ता उत्तरदारिया पन्नत्ता तं जहा-सवणो धणिद्धा सतभिसया पुव्वापोड्ववया उत्तरापोड्ववया रेवती अस्सिणी-एगे एवमाहंसु वचं पुण एवं वदामो-ता अभीइयादिया णं सत्त नक्खत्ता पुव्वदारिया पन्नत्ता तं जहा-अभीई सवणो धणिद्धा सतभिसया पुव्वापोड्ववया उत्तरापोड्ववया रेवती अस्सिणी-णीदिया णं सत्त नक्खत्ता दाहिणदारिया पन्नत्ता तं जहा-अस्सिणी भरणी कत्तिया रोहिणी संठाणा अद्दा पुणव्वसू पुस्सादिया णं सत्त नक्खत्ता पच्छिमदारिया पन्नत्ता तं जहा-पुस्सो अस्सेसा महा पुव्वाफगुणी उत्तराफगुणी हत्थो चित्ता सातियादिया णं सत्त नक्खत्ता उत्तरदारिया पन्नत्ता तं जहा-साती विसाहा अनुराधा जेद्धा मूले पुव्वासाढा उत्तरासाढा।५१।-५१

● रसमे पाहुंडे एककवीसइमं पाहुंडपाहुंडं सप्तं ●

—: वा वी स इ मं पा हु उ पा हु उं :—

(११) ता कहं ते नक्खत्तविजए आहितेति वदेज्जा ता अयणं जंबुदीवे दीवे सब्बदीवस-मुद्दाणं सब्बअंतराए जाव परिवेखेवेणं ता जंबुदीवे णं दीवे दो चंदा पभासेंसु वा पभासेंति वा पभासिस्संति वा दो सूरिया तविंसु वा तवेंति वा तविस्संति वा छप्पन्नं नक्खत्ता जोयं जोएंसु वा जोएंति वा जोइस्संति वा तं जहा-दो अभीई दो सवणा दो धणिद्धा दो सतभिसया दो पुव्वापोड्ववया दो

उत्तरापोद्भवया दो रेवती दो अस्सिणी दो भरणी दो कर्त्तिया दो रोहिणी दो संठाणा दो अद्दा दो पुनव्वसू दो पुस्सा दो अस्सेसाओ दो महा दो पुव्वाफग्गुणी दो उत्तराफग्गुणी दो हत्था दो चित्ता दो साती दो विसाहा दो अनुराधा दो जेद्धा दो मूला दो पुव्वासाढा दो उत्तरासाढा ता एतेसि णं छप्पण्णाए नक्खत्ताणं-अत्थि नक्खत्ता जे णं नव मुहुत्ते सत्तावीसं च सत्तद्धिभागे मुहुत्तस्स चंदेण सद्धिं जोयं जोएंति अत्थि नक्खत्ता जे णं पन्नरस मुहुत्ते चंदेणं सद्धिं जोयं जोएंति अत्थि नक्खत्ता जे णं तीसं मुहुत्ते चंदेणं सद्धिं जोयं जोएंति अत्थि नक्खत्ता जे णं पणयालीसं मुहुत्ते चंदेणं सद्धिं जोयं जोएंति ता एतेसि णं छप्पण्णाए नक्खत्ताणं कयरे नक्खत्ताओ जे णं नव मुहुत्ते सत्तावीसं च सत्तद्धिभागे मुहुत्तस्स चंदेण सद्धिं जोयं जोएंति कयरे नक्खत्ता जे णं पन्नरस मुहुत्ते चंदेणं सद्धिं जोयं जोएंति कयरे नक्खत्ता जे णं तीसं मुहुत्ते चंदेणं सद्धिं जोयं जोएंति कयरे नक्खत्ता जे णं पणयालीसं मुहुत्ते चंदेणं सद्धिं जोयं जोएंति ता एतेसि णं छप्पण्णाए नक्खत्ताणं तत्थ जेते नक्खत्ता जे णं नव मुहुत्ते सत्तावीसं च सत्तद्धिभागे मुहुत्तस्स चंदेणं सद्धिं जोयं जोएंति ते णं दो अर्भीई तत्थ जेते नक्खत्ता जे णं पन्नरस मुहुत्ते चंदेण सद्धिं जोयं जोएंति ते णं बारस तं जहा-दो सतभिसया दो भरणी दो अद्दा दो अस्सेसा दो साती दो जेद्धा तत्थ जेते नक्खत्ता जे णं तीसं मुहुत्ते चंदेणं सद्धिं जोयं जोएंति ते णं तीसं तं जहा- दो सवणा दो धण्डा दो पुव्वाभद्दवया दो रेवती दो अस्सिणी दो कर्त्तिया दो संठाणा दो पुस्सा दो महा दो पुव्वाफग्गुणी दो हत्था दो चित्ता दो अनुराधा दो मूला दो पुव्वासाढा तत्थ जेते नक्खत्ता जे णं पणयालीसं मुहुत्ते चंदेणं सद्धिं जोयं जोएंति ते णं बारस तं जहा-दो उत्तरापोद्भवया दो रोहिणी दो पुनव्वसू दो उत्तराफग्गुणी दो विसाहा दो उत्तरासाढा ता एतेसि णं छप्पण्णाए नक्खत्ताणं-अत्थि नक्खत्ता जे णं चत्तारि अहोरत्ते छच्च मुहुत्ते सूरिणं सद्धिं जोयं जोएंति अत्थि नक्खत्ता जे णं छ अहोरत्ते एककीसं च मुहुत्ते सूरिणं सद्धिं जोयं जोएंति अत्थि नक्खत्ता जे णं तेरस अहोरत्ते बारस मुहुत्ते सूरिणं सद्धिं जोयं जोएंति अत्थि नक्खत्ता जे णं वीसं अहोरत्ते तिण्णि य मुहुत्ते सूरिणं सद्धिं जोयं जोएंति ता एतेसि णं छप्पण्णाए नक्खत्ताणं कयरे नक्खत्ता जे णं तं चेव उच्चारेत्तव्वं ता एतेसि णं छप्पण्णाए नक्खत्ताणं तत्थ जेते नक्खत्ता जे णं चत्तारि अहोरत्ते छच्च मुहुत्ते सूरिणं सद्धिं जोयं जोएंति ते णं दो अर्भीई तत्थ जेते नक्खत्ता जे णं छ अहोरत्ते एककीसं च मुहुत्ते सूरिणं सद्धिं जोयं जोएंति ते णं बारस तं जहा-दो सतभिसया दो भरणी दो अद्दा दो अस्सेसा दो साती दो जेद्धा तत्थ जेते नक्खत्ता जे णं तेरस अहोरत्ते बारस मुहुत्ते सूरिणं सद्धिं जोयं जोएंति ते णं तीसं तं जहा-दो सवणा जाव दो पुव्वासाढा तत्थ जेते नक्खत्ता जे णं वीसं अहोरत्ते तिण्णि य मुहुत्ते सूरिणं सद्धिं जोयं जोएंति ते णं बारस तं जहा-दो उत्तरापोद्भवया जाव दो उत्तरासाढा । ६०-४०

(१२) ता कहं ते सीमाविकखंभे आहितेति वदेज्जा ता एतेसि णं छप्पण्णाए नक्खत्ताणं-अत्थि नक्खत्ता जेसि णं छ सत्ता तीसा सत्तद्धिभागतीसतिभागणं सीमाविकखंभो अत्थि नक्खत्ता जेसि णं तिण्णि सहस्सा पन्नरसुत्तरा सत्तद्धिभागतीसतिभागणं सीमाविकखंभो ता एतेसि णं छप्पण्णाए नक्खत्ताणं कयरे नक्खत्ता जेसि णं छ सत्ता तीसा तं चेव उच्चारेत्तव्वं कयरे नक्खत्ता जेसि णं तिण्णि सहस्सा पन्नरसुत्तरा सत्तद्धिभागतीसतिभागणं सीमाविकखंभो ता एतेसि णं छप्पण्णाए नक्खत्ताणं तत्थ जेते नक्खत्ता जेसि णं छ सत्ता तीसा सत्तद्धिभागतीसतिभागणं सीमाविकखंभो ते णं दो अर्भीई तत्थ जेते नक्खत्ता जेसि णं सहस्सं पंचुत्तरं सत्तद्धिभागतीसतिभागणं सीमाविकखंभो ते णं बारस तं जहा-दो

सतमिसया जाव दो जेद्दा तत्य जेते नक्खत्ता जैसि णं दो सहस्सा दसुत्तरा सत्तद्धिभागतीसतिभागणं सीमाविक्खंभो ते णं तीसं तं जहा-दो सवणा जाव दो पुव्वासदा तत्य जेते नक्खत्ता जैसि णं तिणिण्ण सहस्सा पन्नरसुत्तरा सत्तद्धिभागतीसतिभागणं सीमाविक्खंभो ते णं बारस तं जहा-दो उत्तरापोट्टवया जाव दो उत्तरासादा ।६१।-६१

(१३) ता एतेसि णं छप्पण्णाए नक्खत्ताणं-किं सया पातो चंदेण सद्धि जोयं जोएति किं सया सायं चंदेण सद्धि जोयं जोएति किं सया दुहओ पविद्धिता-पविद्धिता चंदेण सद्धि जोयं जोएति ता एतेसि णं छप्पण्णाए नक्खत्ताणं किमपि तं जं सया पातो चंदेणं सद्धि जोयं जोएति नो सया सायं चंदेणं सद्धि जोयं जोएति नो सया दुहओ पविद्धिता-पविद्धिता चंदेणं सद्धि जोयं जोएति नन्नत्थ दोहिं अभीईहिं ता एतेणं दो अभीई पायंचिय-पायंचिय चोत्तालीसं-चोत्तालीसं अमावासं जोएति नो चव णं पुत्रिमासिणिं ।६२।-६२

(१४) तत्य खलु इमाओ बावद्धिं पुत्रिमासिणीओ बावद्धिं अमावासाओ पन्नत्ताओ ता एतेसि णं पंचण्हं संवच्छरणं पढमं पुण्णिमासिणिं चंदे कंसि देसंसि जोएति ता जंसि णं देसंसि चंदे चरिमं बावद्धिं पुत्रिमासिणिं जोएति ताओ पुत्रिमासिणिद्वाणाओ मंडलं चउव्वीसेणं सएणं छेत्ता दुवत्तीसं भागे उवाइणावेत्ता एत्थ णं से चंदे पढमं पुत्रिमासिणिं जोएति ता एतेसि णं पंचण्हं संवच्छरणं दोच्चं पुत्रिमासिणिं चंदे कंसि देसंसि जोएति ता जंसि णं देसंसि चंदे पढमं पुत्रिमासिणिं जोएति ताओ पुत्रिमासिणिद्वाणाओ मंडलं चउव्वीसेणं सएणं छेत्ता दुवत्तीसं भागे उवाइणावेत्ता एत्थ णं से चंदे दोच्चं पुत्रिमासिणिं जोएति ता एतेसि णं पंचण्हं संवच्छरणं तच्चं पुत्रिमासिणिं चंदे कंसि देसंसि जोएति ता जंसि णं देसंसि चंदे दोच्चं पुत्रिमासिणिं जोएति ताओ पुत्रिमासिणिद्वाणाओ मंडलं चउव्वीसेणं सएणं छेत्ता दुवत्तीसं भागे उवाइणावेत्ता एत्थ णं से चंदे दोच्चं पुत्रिमासिणिं जोएति, ता एतेसि णं पंचण्हं संवच्छरणं दुवालसमं पुत्रिमासिणिं चंदे कंसि देसंसि जोएति ता जंसि णं देसंसि चंदे तच्चं पुत्रिमासिणिं जोएति ताओ पुत्रिमासिणिद्वाणाओ मंडलं चउव्वीसेणं सएणं छेत्ता दोण्णि अट्टासीए भागसए उवाइणावेत्ता एत्थ णं से चंदे दुवालसमं पुत्रिमासिणिं जोएति एवं खलु एतेणुवाएणं ताओ-ताओ पुत्रिमासिणिद्वाणाओ मंडलं चउव्वीसेणं सएणं छेत्ता दुवत्तीसं-दुवत्तीसं भागे उवाइणावेत्ता तंसि-तंसि देसंसि तं-तं पुत्रिमासिणिं चंदे जोएति, ता एतेसि णं पंचण्हं संवच्छरणं चरिमं बावद्धिं पुत्रिमासिणिं चंदे कंसि देसंसि जोएति ता जंवुट्ठीवस्स णं दीवस्स पाईणपडोणायताए उदीणदा-हिणयताए जीवाए मंडलं चउव्वीसेणं सएणं छेत्ता दाहिणिल्लंसि चउव्वमंडलंसि सत्तावीसं भागे उवाइणावेत्ता अट्टावीसइमागे वीसहा छेत्ता अट्टारसभागे उवाइणावेत्ता तिहिं भागेहिं दोहिं य कलाहिं पच्चत्थिमिल्लं चउव्वमंडलं असंपत्ते एत्थ णं से चंदे चरिमं बावद्धिं पुत्रिमासिणिं जोएति ।६३।-६३

(१५) ता एतेसि णं पंचण्हं संवच्छरणं पढमं पुण्णिमासिणिं सूरु कंसि देसंसि जोएति ता जंसि णं देसंसि सूरु चरिमं बावद्धिं पुत्रिमासिणिं जोएति ताओ पुत्रिमासिणिद्वाणाओ मंडलं चउव्वीसेणं सएणं छेत्ता दो चउणवत्तिं भागे उवाइणावेत्ता एत्थ णं से सूरु पढमं पुण्णिमासिणिं जोएति ताएतेसिणं पंचण्हं संवच्छरणं दोच्चं पुण्णिमासिणिं पुच्छात्ता जंसि देसंसि सूरु पढमं पुण्णिमासिणिं जोएति ताओ पुण्णिमासिणिद्वाणाओ मंडलं चउव्वीसेणं सएणं छेत्ता दो चउणवत्तिं भागे उवाइणावेत्ता एत्थ णं से सूरु० दोच्चं पुत्रिमासिणिं जोएति ता एतेसि णं पंचण्हं संवच्छरणं तच्चं पुत्रिमासिणिं सूरु कंसि देसंसि जोएति ता जंसि णं देसंसि सूरु दोच्चं पुत्रिमासिणिं जोएति ताओ पुत्रिमा-

सिणिट्टाणाओ मंडलं चउव्वीसेणं सएणं छेत्ता चउणउत्तिं मागे उवाइणावेत्ता एत्थ णं से सूरै तच्चं पुत्रिमासिणिं जोएति ता एतेसि णं पंचण्हं संवच्छराणं दुवालसमं पुत्रिमासिणिं सूरै कंसि देसंसि जोएति ता जंसि णं देसंसि सूरै तच्चं पुत्रिमासिणिं जोएति ताओ पुत्रिमासिणिट्टाणाओ मंडलं चउव्वीसेणं सएणं छेत्ता अट्टुत्ताले भागसए उवाइणावेत्ता एत्थ णं से सूरै दुवालसमं पुत्रिमासिणिं जोएति एवं खलु एतेणुवाएणं ताओ-ताओ पुत्रिमा- सिणिट्टाणाओ मंडलं चउव्वीसेणं सएणं छेत्ता चउणउत्तिं-चउणउत्तिं मागे उवाइणावेत्ता तंसि-तंसि देसंसि तं-तं पुत्रिमासिणिं सूरै जोएति ता एतेसि णं पंचण्हं संवच्छराणं चरिमं बावट्ठि पुणिमासिणिं सूरै कंसि देसंसि जोएति ता जंवुद्वीवस्स णं दीवस्स पाईणपडीणायताए उदीणदा- हिणायताए जीयाए मंडलं चउव्वीसेणं सएणं छेत्ता पुरस्थिमिड्डंसि चउभागमंडलंसि सत्तावीसं भागे उवाइणावेत्ता अट्टावीसइभागे वीसहा छेत्ता अट्टारसभागे उवाइणावेत्ता तिहिं भागेहिं दोहि य कलाहिं दाहिणिणं चउभागमंडलं असपत्ते एत्थ णं से सूरै चरिमं बावट्ठि पुत्रिमासिणिं जोएति ।६५१-६४

(१६) ता एतेसि णं पंचण्हं संवच्छराणं पढमं अमावासं चंदे कंसि देसंसि जोएति ता जंसि णं देसंसि चंदे चरिमावाट्ठि अमावासं जोएति ताओ अमावासट्टाणाओ मंडलं चउव्वीसेणं सएणं छेत्ता दुवत्तीसं भागे उवाइणावेत्ता एत्थ णं से चंदे पढमं अमावासं जोएति एवं जेणेव अभिलावेणं चंदस्स पुत्रिमासिणीओ भणिताओ तेणेव अभिलावेणं अमावासओवि भणितव्वाओ तं जहा-बिइया तइया दुवालसमी एवं खलु एतेणुवाएणं ताओ-ताओ अमावासट्टाणाओ मंडलं चउव्वीसेणं सएणं छेत्ता दुवत्तीसं-दुवत्तीसं भागे उवाइणावेत्ता तंसि-तंसि देसंसि तं-तं अमावासं चंदे जोएति ता एतेसि णं पंचण्हं संवच्छराणं चरिमं बावट्ठि अमावासं चंदे कंसि देसंसि जोएति ता जंसि णं देसंसि चंदे चरिमं बावट्ठि पुत्रिमासिणिं जोएति ताओ-ताओ पुत्रिमासिणिट्टाणाओ मंडलं चउव्वीसेणं सएणं छेत्ता सोलसभागे ओसकूकइत्ता एत्थ णं से चंदे चरिमं बावट्ठि अमावासं जोएति ।६५१-६५

(१७) ता एतेसि णं पंचण्हं संवच्छराणं पढमं अमावासं सूरै कंसि देसंसि जोएति ता जंसि णं देसंसि सूरै चरिमं बावट्ठि अमावासं जोएति ताओ अमावासट्टाणाओ मंडलं चउव्वीसेणं सएणं छेत्ता चउणउत्तिं भागे उवाइणावेत्ता एत्थ णं से सूरै पढमं अमावासं जोएति एवं जेणेव अभिलावेणं सूरस्स पुत्रिमासिणीओ भणियाओ तेणेव अभिलावेणं अमावासओवि भणितव्वाओ तं जहा-बिइया तइया दुवालसमी एवं खलु एतेणुवाएणं ताओ अमावासट्टाणाओ मंडलं चउव्वीसेणं सएणं छेत्ता चउण-उत्तिं-चउणउत्तिं मागे उवाइणावेत्ता तंसि-तंसि देसंसि तं-तं अमावासं सूरै जोएति ता एतेसि णं पंचण्हं संवच्छराणं चरिमं बावट्ठि अमावासं पुच्छा ता जंसि णं देसंसि सूरै चरिमं बावट्ठि पुत्रिमासिणिं जोएति ताओ पुत्रिमासिणिट्टाणाओ मंडलं चउव्वीसेणं सएणं छेत्ता सत्तालीसं भागे ओसकूकइत्ता एत्थ णं से सूरै चरिमं बावट्ठि अमावासं जोएति ।६६१-६६

(१८) ता एतेसि णं पंचण्हं संवच्छराणं पढमं पुत्रिमासिणिं चंदे केणं नक्खत्तेणं जोएति ता धणिट्टाहिं धणिट्टाहिं तिण्णि मुहुत्ता एगूणवीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता पन्नट्ठिं चुण्णिया भागा सेसा तं समयं च णं सूरै केणं नक्खत्तेणं जोएति ता पुव्वाफगुणीहिं पुव्वाफगुणीणं अट्टावीसं मुहुत्ता अट्टावीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता दुवत्तीसं चुण्णिया भागा सेसा ता एतेसि णं पंचण्हं संवच्छराणं दोच्चं पुत्रिमासिणिं चंदे केणं नक्खत्तेणं जोएति ता उत्तराहिं पोडुवयाहिं उत्तराणं पोडुवयाणं सत्तावीसं मुहुत्ता चोदस य बावट्ठिभागे मुहुत्तस्स

बावडि- भागं च सत्तद्धिधा छेत्ता बावडि च्णिया भागा सेसा तं समयं च णं सूरै केणं नक्खत्तेणं जोएति ता चित्ताहिं चित्ताणं एक्को मुहुत्तो अद्वावीसं च बावडिभागा मुहुत्तस्स धायडिभागं च सत्तद्धिधा छेत्ता तीसं च्णिया भागा सेसा ता एतेसि णं पंचण्हं संवच्छराणं दुवालसमं पुन्निमासिणिं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं छवीसं मुहुत्ता छवीसं च बावडि- भागा मुहुत्तस्स बावडिभागं च सत्तद्धिधा छेत्ता चउप्पत्रं च्णियाभागा सेसा तं समयं च णं सूरै केणं नक्खत्तेणं जोएति ता पुणव्वसुणा पुणव्वसुस्स सोलस मुहुत्ता अद्दु य बावडिभागा मुहुत्तस्स बावडिभागं च सत्तद्धिधा छेत्ता वीसं च्णिया भागा सेसा ता एतेसि णं पंचण्हं संवच्छराणं चरिमं बावडि पुन्निमासिणिं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं चरमसमए तं समयं च णं सूरै केणं नक्खत्तेणं जोएति ता पुस्सेणं पुस्सस्स एगूणवीसं मुहुत्ता तेयालीसं च बावडिभागा मुहुत्तस्स बावडिभागं च सत्तद्धिधा छेत्ता तेतीसं च्णिया भागा सेसा ।६७।-६७

(९९) ता एतेसि णं पंचण्हं संवच्छराणं पढमं अमावासं चंदे केणं नक्खत्तेणं जोएति ता अस्सेसाहिं अस्सेसाणं एक्के मुहुत्ते चत्तालीसं च बावडिभागा मुहुत्तस्स बावडिभागं च सत्तद्धिधा छेत्ता बावडि च्णिया भागा सेसा तं समयं च णं सूरै केणं नक्खत्तेणं जोएति ता अस्सेसाहिं चैव अस्सेसाणं एक्को मुहुत्तो चत्तालीसं च बावडिभागा मुहुत्तस्स बावडिभागं च सत्तद्धिधा छेत्ता बावडि च्णिया भागा सेसा ता एतेसि णं पंचण्हं संवच्छराणं दोच्चं अमावासं चंदे केणं नक्खत्तेणं जोएति ता उत्तराहिं फग्गुणीहिं उत्तराणं फग्गुणीणं चत्तालीसं मुहुत्ता पणतीसं बावडिभागा मुहुत्तस्स बावडिभागं च सत्तद्धिधा छेत्ता पत्रडि च्णिया भागा सेसा तं समयं च णं सूरै केणं नक्खत्तेणं जोएति ता उत्तराहिं चैव फग्गुणीहिं उत्तराणं फग्गुणीणं जहेव चंदस्स ता एतेसि णं पंचण्हं संवच्छराणं तच्चं अमावासं चंदे केणं नक्खत्तेणं जोएति ता हत्थेणं चैव हत्थस्स जहा चंदस्स ता एतेसि णं पंचण्हं संवच्छराणं दुवालसमं अमावासं चंदे केणं नक्खत्तेणं जोएति ता अद्दाहिं अद्दाणं चत्तारि मुहुत्ता दस य बावडिभागा मुहुत्तस्स बावडिभागं च सत्तद्धिधा छेत्ता चउप्पत्रं च्णिया भागा सेसा तं समयं च णं सूरै केणं नक्खत्तेणं जोएति ता अद्दाहिं चैव अद्दाणं जहा चंदस्स ता एतेसि णं पंचण्हं संवच्छराणं चरिमं बावडि अमावासं चंदे केणं नक्खत्तेणं जोएति ता पुनव्वसुणा पुणव्वसुस्स बावीसं मुहुत्ता बायालीसं च बासडिभागं मुहुत्तस्स सेसा तं समयं च णं सूरै केणं नक्खत्तेणं जोएति ता पुनव्वसुणा चैव पुनव्वसुस्स णं जहा चंदस्स ।६८।-६८

(१००) ता जेणं अज्ज नक्खत्तेणं चंदे जोयं जोएति जंसि देसंसि से णं इमाइं अद्दु एगूणवीसाइं मुहुत्तसयाइं चउव्वीसं च बावडिभागे मुहुत्तस्स बावडिभागं च सत्तद्धिधा छेत्ता बावडि च्णिया भागे उवाइणावेत्ता पुणरवि से चंदे अण्णेणं सरिसएणं चैव नक्खत्तेणं जोयं जोएति अण्णं देसंसि ता जेणं अज्ज नक्खत्तेणं चंदे जोयं जोएति जंसि देसंसि से णं इमाइं सोलस अद्दुतीसं मुहुत्तसयाइं अउणापत्रं च बावडिभागे मुहुत्तस्स बावडिभागं च सत्तद्धिधा छेत्ता पत्रडि च्णिया भागे उवइणावेत्ता पुणरवि से चंदे तेणं चैव नक्खत्तेणं जोयं जोएति अण्णंसि देसंसि ता जेणं अज्ज नक्खत्तेणं चंदे जोयं जोएति जंसि देसंसि से णं इमाइं चउप्पत्रं मुहुत्तसहस्साइं नव य मुहुत्तसयाइं उवाइणावेत्ता पुणरवि से चंदे अण्णेणं तारिसएणं चैव नक्खत्तेणं जोयं जोएति तंसि देसंसि ता जेणं अज्ज नक्खत्तेणं चंदे जोयं जोएति जंसि देसंसि से णं इमं एगं मुहुत्तसयहस्सं अद्दाणउत्तिं च मुहुत्तसताइं उवाइणावेत्ता पुणरवि से चंदे तेणंचैव नक्खत्तेणं जोयं जोएति तंसि देसंसि ता जेणं अज्ज नक्खत्तेणं सूरै जोयं जोएति जंसि देसंसि से णं

इमाइं तिण्णि छावद्दाइं राइंदियसयाइं उवाइणावेत्ता पुणरवि से सूरै अण्णेणं तारिसएणं चेव नक्खत्तेणं जोयं जोएति तंसि देसंसि ता जेणं अज्ज नक्खत्तेणं सूरै जोयं जोएति तंसि देसंसि से णं इम-
इं सत्तदुवतीसं राइंदियसयाइं उवाइणावेत्ता पुणरवि से सूरै तेणं चेव नक्खत्ते जोयं जोएति तंसि
देसंसि ता जेणं नक्खत्तेणं सूरै जोयं जोएति जंसि देसंसि से णं इमाइं अट्टारस वीसाइं राइंदियसयाइं
उवाइणावेत्ता पुणरवि से सूरै अण्णेणं तारिसएणं चेव नक्खत्तेणं जयं जोएति तंसि देसंसि ता जेणं
अज्ज नक्खत्तेणं सूरै जोयं जोएति जंसि देसंसि से णं इमाइं छतीसं सद्दाइं राइंदियसाइं उवाइणावेत्ता
पुणरवि से सूरै तेणं चेव नक्खत्तेणं जोयं जोएति तंसि देसंसि । ६९-६७

(१०१) ता जया णं इमे चंदे गतिसमावण्णए भवइ तया णं इयरेवि चंदे गतिसमावण्णए
भवइ जया णं इयरे चंदे गतिसमावण्णए भवइ तया णं इमेवि चंदे गतिसमावण्णए भवइ ता जया णं
इमे सूरिए गतिसमावण्णे भवइ तया णं इयरेवि सूरिए गतिसमावण्णे भवइ जया णं इयरे सूरिए
गतिसमावण्णे भवइ तया णं इमेवि सूरिए गतिसमावण्णे भवइ एवं गहेवि नक्खत्तेवि ता जया णं इमे
चंदे जुत्ते जोगेणं भवइ तया णं इयरेवि चंदे जुत्ते जोगेणं भवइ जया णं इयरे चंदे जुत्ते जोगेणं भवइ
तया णं इमेवि चंदे जुत्ते जोगेणं भवइ एवं सूरैवि गहेवि नक्खत्तेवि, सयावि णं चंदा जुत्ता जोगेहिं
सयावि णं सूरै जुत्ता जोगेहिं सयावी णं गहा जुत्ता जोगेहिं सयावि णं नक्खत्ता जुत्ता जोगेहिं दुहत्तोवि
णं चंदा जुत्ता जोगेहिं दुहत्तोवि णं सूरै जुत्ता जोगेहिं दुहत्तोवि णं गहा जुत्ता जोगेहिं दुहत्तोवि णं
नक्खत्ता जुत्ता जोगेहिं मंडलं सयसहस्सेणं अट्टाणउयाए सएहिं छेत्ता इच्चेस नक्खत्ते खेतपरिभागे
नक्खत्तविजए पाहुडे आहितेति वेमि । ७०-७०

● दसमे पाहुडे बावीसइमं पाहुडपाहुडं समत्तं ● दसमं पाहुडं समत्तं ●

एक्कारसमं पाहुडं

(१०२) ता कहं ते संवच्छराणादी आहितेति वदेज्जा तथ्य खलु इमे पंच संवच्छरा पत्रत्ता तं
जहा-चंदे चंदे अभिवड्ढिते चंदे अभिवड्ढिते ता एतेसि णं पंचमहं संवच्छराणं पढमस्स
चंदसंवच्छरस्स से आदी आहितेति वदेज्जा ता जे णं पंचमस्स अभिवड्ढितसंवच्छरस्स पज्जवसाणे से
णं पढमस्स चंदसंवच्छरस्स आदी अनंतरपुरक्खडे समए ता से णं किं पज्जवसिते आहितेति वदेज्जा ता
जे णं दोच्चस्स चंदसंवच्छरस्स आदी से णं पढमस्स चंदसंवच्छरस्स पज्जवसाणे अनंतरपच्छाकडे
समए तं समयं च णं चंदे केणं नक्खत्तेणं जोएति ता उत्तराहिं आसाढाहिं उत्तराणं आसाढाणं
छदुवीसं मुहुत्ता छदुवीसं च बावड्ढिभागा मुहुत्तस्स बावड्ढिभागा च सत्तड्ढिधा छेत्ता चउम्पन्नं चुण्णिया
भागा सेसा तं समयं च णं सूरै केणं नक्खत्तेणं जोएति ता पुणव्वसुणा पुणव्वसुस्स सोलस मुहुत्ता अट्ट
य बावड्ढिभागा मुहुत्तस्स दावड्ढिभागं च सत्तड्ढिधा छेत्ता वीसं चुण्णिया भागा सेसा ता एतेसि णं
पंचमहं संवच्छराणं दोच्चस्स चंदसंवच्छरस्स के आदी आहितेति वदेज्जा ता जे णं पढमस्स
चंदसंवच्छरस्स पज्जवसाणे से णं दोच्चस्स चंदसंवच्छरस्स आदी अनंतरपुरक्खडे समए ता से णं किं
पज्जवसिते आहितेति वदेज्जा ता जे णं तच्चस्स अभिवड्ढितसंवच्छरस्स आदी से णं दोच्चस्स
चंदसंवच्छरस्स पज्जवसाणे अनंतरपच्छाकडे समए तं समयं च णं चंदे केणं नक्खत्तेणं जोएति ता
पुव्वाहिं आसाढाहिं पुव्वाणं आसाढाणं सत्त मुहुत्ता तैवण्णं च बावड्ढिभागा मुहुत्तस्स बावड्ढिभागं च
सत्तड्ढिधा छेत्ता इगतालीसं चुण्णिया भागा सेसा तं समयं च णं सूरै केणं नक्खत्तेणं जोएति ता
पुणव्वसुणा पुणव्वसुस्स णं बायालीसं मुहुत्ता पणतीसं च बावड्ढिभागा मुहुत्तस्स बावड्ढिभागं च

सत्तद्धिधा छेत्ता सत्त चुण्णिया भागा सेसा, ता एतेसि णं पंचण्हं संवच्छराणं तच्चस्स अभिवड्ढित्तसंवच्छरस्स के आदि आहितेति वदेज्जा ता जे णं दोद्यस्स चंदसंवच्छरस्स पञ्जवसाणे से णं तद्यस्स अभिवड्ढित्तसंवच्छरस्स आदी अनंतरपुरक्खडे समए ता से णं किं पञ्जवसिते आहितेति वदेज्जा ता जे णं चउत्थस्स चंदसंवच्छरस्स आदी से णं तद्यस्स अभिवड्ढित्तसंवच्छरस्स पञ्जवसाणे अनंतरपच्छाकडे समए तं समयं णं चंदे केणं नक्खत्तेणं जोएति ता उत्तराहिं आसादाहिं उत्तराणं आसादाणं तेरस्स मुहुत्ता तेरस्स च बावड्ढिभागा मुहुत्तस्स बावड्ढिभागं च सत्तद्धिधा छेत्ता सत्तावीसं चुण्णिया भागा सेसा तं समयं च णं सूरै केणं नक्खत्तेणं जोएति ता पुणव्वसुणा पुणव्वसुस्स दो मुहुत्ता छप्पन्नं च बावड्ढिभागा मुहुत्तस्स बावड्ढिभागं च सत्तद्धिधा छेत्ता सत्ती चुण्णिया भागा सेसा ता एतेसि णं पंचण्हं संवच्छराणं चउत्थस्स चंदसंवच्छरस्स के आदी आहितेति वदेज्जा ता जे णं तद्यस्स अभिवड्ढित्तसंवच्छरस्स पञ्जवसाणे से णं चउत्थस्स चंदसंवच्छरस्स आदी अनंतरपुरक्खडे समए ता से णं किं पञ्जवसिते आहितेति वदेज्जा ता जे णं चरिमस्स अभिवड्ढित्तसंवच्छरस्स आदी से णं चउत्थस्स चंदसंवच्छरस्स पञ्जवसाणे अनंतरपच्छाकडे समए तं समयं च णं चंदे केणं नक्खत्तेणं जोएति ता उत्तराहिं आसादाहिं उत्तराणं आसादाणं ऊतालीसं मुहुत्ता चत्तालीसं च बावड्ढिभागा मुहुत्तस्स बावड्ढिभागं च सत्तद्धिधा छेत्ता चउदस चुण्णिया भागा सेसा तं समयं च णं सूरै केणं नक्खत्तेणं जोएति ता पुणव्वसुणा पुणव्वसुस्स अउणतीसं मुहुत्ता एकवीसं बावड्ढिभागं मुहुत्तस्स बावड्ढिभागं च सत्तद्धिधा छेत्ता सीतालीसं चुण्णिया भागा सेसा ता एतेसि णं पंचण्हं संवच्छराणं पंचमस्स अभिवड्ढित्तसंवच्छरस्स के आदी आहितेति वदेज्जा ता जे णं चउत्थस्स चंदसंवच्छरस्स पञ्जवसाणे से णं पंचमस्स अभिवड्ढित्तसंवच्छरस्स आदी अनंतरपुरक्खडे समए ता से णं किं पञ्जवसिते आहितेति वदेज्जा ता जे णं पढमस्स चंदसंवच्छरस्स आदी से णं पंचमस्स अभिवड्ढित्तसंवच्छरस्स पञ्जवसाणे अनंतरपच्छाकडे समए तं समयं च णं चंदे केणं नक्खत्तेणं जोएति ता उत्तराहिं आसादाहिं उत्तराणं आसादाणं चरिमसमए तं समयं च णं सूरै केणं नक्खत्तेणं जोएति ता पुस्सेणं पुस्सस्स णं एकवीसं मुहुत्ता तेतालीसं च बावड्ढिभागा मुहुत्तस्स बावड्ढिभागं च सत्तद्धिधा छेत्ता तेत्तीसं चुण्णिया भागा सेसा ७११-७१

● एककारसमं पाहुंडं समत्तं ●

बारसमं पाहुंडं

(१०३) ता कति णं संवच्छरा आहिताति वदेज्जा तत्थ खलु इमे पंच संवच्छरा पन्नत्ता तं जहा-नक्खत्ते चंदे उडू आदिच्चे अभिवड्ढित्ते ता एतेसि णं पंचण्हं संवच्छराणं पढमस्स नक्खत्तसंवच्छरस्स नक्खत्तमासे तीसइमुहुत्तेणं अहोरत्तेणं मिज्जमाणे केवतिए राइंदियगेणं आहितेति वएज्जा ता सत्तावीसं राइंदियाइं एकवीसं च सत्तद्धिभागा राइंदियस्स राइंदियगेणं आहितेति वदेज्जा ता से णं केवतिए मुहुत्तगणं आहितेति वदेज्जा ता अट्टसए एगूणवीसे मुहुत्ताणं सत्तावीसं च सत्तद्धिभागे मुहुत्तस्स मुहुत्तगणेणं आहितेति वदेज्जा ता एस णं अट्टा दुवालसक्खुत्तकडा नक्खत्ते संवच्छरे, ता से णं केवतिए राइंदियगेणं० ता तिण्णि सत्तावीसे राइंदियसत्तं एककावणं च सत्तद्धिभागे राइंदियस्स राइंदियगेणं आहितेति वदेज्जा ता से णं केवतिए मुहुत्तगणेणं० ता नव मुहुत्तसहस्साइं अट्ट य बत्तीसे मुहुत्तसए छप्पन्नं च सत्तद्धिभागे मुहुत्तस्स मुहुत्तगणेणं आहितेति वदेज्जा ता एतेसि णं पंचण्हं संवच्छराणं दोद्यस्स चंदसंवच्छरस्स चंदे मासे तीसतिमुहुत्तेणं अहोरत्तेणं गणिज्जमाणे केवतिए राइंदि-

यगणेण० ता एगूणतीसं राइंदियाइं बतीसं बावडिभागा राइंदियस्स राइंदियगणेणं आहितेति वदेजा ता से णं केवतिए मुहुत्तागणेणं० ता अट्टपंचासते मुहुत्ते तेतीसं च छावडिभागे मुहुत्तागणेणं आहितेति वदेजा ता एस णं अट्टा दुवालसक्खुत्तकडा चंदे संवच्छरे ता से णं केवतिए राइंदियगणेणं० ता तिण्णि चउपन्ने राइंदियसते दुवालस य बावडिभागा राइंदियगणेणं आहितेति वदेजा तासे णं केवतिए मुहुत्तागणेणं० ता दस मुहुत्तसहस्साइं छच्च पणवीसे मुहुत्तसते पत्रासं च बावडिभागे मुहुत्तागणेणं आहितेति वदेजा ता एतेसि णं पंचण्हं संवच्छराणं तच्चस्स उडुसंवच्छरस्स उडुभासे तीसतिमुहुत्तेणं अहोरत्तेणं गणिज्जमाणे केवतिए राइंदियगणेणं० ता तीसं राइंदियाणं राइंदियगणेणं आहितेति वदेजा ता से णं केवतिए मुहुत्तागणेणं ता नव मुहुत्तसताइं मुहुत्तागणेणं आहितेति वदेजा ता एस णं अट्टा दुवालसक्खुत्तकडा उडू संवच्छरे ता से णं केवतिए राइंदियगणेणं० ता तिण्णि सट्ठे राइंदियसते राइंदियगणेणं आहितेति वदेजा ता से णं केवतिए मुहुत्तागणेणं० ता दस मुहुत्तसहस्साइं अट्ट मुहुत्तसताइं मुहुत्तागणेणं आहितेति वदेजा ता एतेसि णं पंचण्हं संवच्छराणं चउत्थस्स आदिच्चसंवच्छरस्स आदिच्चे मासे तीसतिमुहुत्तेणं अहोरत्तेणं गणिज्जमाणे केवतिए राइंदियगणेणं० ता तीसं राइंदियाइं अबड्ढभागं च राइंदियस्स राइंदियगणेणं आहितेति वदेजा ता सेणं केवतिए मुहुत्तागणेणं ता नव पत्ररस मुहुत्तसए मुहुत्तागणेणं आहितेति वदेजा ता एस णं अट्टा दुवालसक्खुत्तकडा आदिच्चं संवच्छरे ता से णं केवतिए राइंदियगणेणं० ता तिण्णि छावट्ठे राइंदियसए राइंदियगणेणं आहितेति वदेजा ता से णं केवतिए मुहुत्तागणेणं आहितेति वदेजा ता दस मुहुत्तस्स सहस्साइं नव असीते मुहुत्तसते मुहुत्तागणेणं आहितेति वदेजा ता एतेसि णं पंचण्हं संवच्छराणं पंचमरस अभिवड्ढितसंवच्छरस्स अभिवड्ढिते मासे तीसतिमुहुत्तेणं गणिज्जमाणे केवतिए राइंदियगणेणं ता एककीसं राइंदियाइं एगूणतीसं च मुहुत्ता सतरस बावडिभागे मुहुत्तस्स राइंदियगणेणं आहितेति वदेजा ता से णं केवतिए मुहुत्तागणेणं आहितेति वदेजा ता नव एगूणसट्ठे मुहुत्तसते सतरस बावडिभागे मुहुत्तस्स मुहुत्तागणेणं आहितेति वदेजा ता एस णं अट्टा दुवालसक्खुत्तकडा अभिवड्ढितसंवच्छरे ता से णं केवतिए राइंदियगणेणं ता तिण्णि तेसीते राइंदियसते एककीसं च मुहुत्ता अट्टारस यावडिभागे मुहुत्तस्स राइंदियगणेणं आहितेति वदेजा ता से णं केवतिए मुहुत्तागणेणं आहितेति वदेजा ता एककारस मुहुत्तसहस्साइं पंच य एककारस मुहुत्तसते अट्टारस बावडिभागे मुहुत्तस्स मुहुत्तागणेणं आहितेति वदेजा ॥७२१-७२२

(१०४) ता केवतियं ते नोजुगे राइंदियगणेणं आहितेति वदेजा ता सतरस एककाणउते राइंदियसते एगूणवीसं च मुहुत्ते सत्तावण्णे बावडिभागे मुहुत्तस्स बावडिभागं च सत्तडिधा छेत्ता पणपत्रं चुण्णिया भागा राइंदियगणेणं आहितेति वदेजा ता से णं केवतिए मुहुत्तागणेणं आहितेति वदेजा ता तेपण्णमुहुत्तसहस्साइं सत्तय अउणापन्ने मुहुत्तसते सत्तावण्णं बावडिभागे मुहुत्तस्स बावडिभागं च सत्तडिधा छेत्ता पणपत्रं चुण्णिया भागा मुहुत्तेणं आहितेति वदेजा ता केवतिए णं ते जुगप्पते राइंदियगणेणं आहितेति वदेजा ता अट्टतीसं राइंदियाइं दस य मुहुत्ता चत्तारि य बावडिभागे मुहुत्तस्स बावडिभागं च सत्तडिधा छेत्ता दुवालस चुण्णिया भागा राइंदियगणेणं आहितेति वदेजा ता से णं केवतिए मुहुत्तागणेणं आहितेति वदेजा ता एककारस पत्रासे मुहुत्तसते चत्तारि य बावडिभागे बावडिभागं च सत्तडिधा छेत्ता दुवालस चुण्णिया भागा मुहुत्तागणेणं आहितेति वदेजा ता केवतियं जुगे राइंदियगणेणं आहितेति वदेजा ता अट्टारसतीसे राइंदियसते राइंदियगणेणं आहितेति वदेजा ता से णं

केवतिए मुहुत्तगणेणं आहितेति वदेज्जा ता चउप्पत्रं मुहुत्तसहस्साइं नव य मुहुत्तसताइं मुहुत्तगणेणं आहितेति वदेज्जा ता से णं केवतिए बावड्ढिभागमुहुत्तगणेणं आहितेति वदेज्जा ता चउत्तीसं सयस-हस्साइं अड्ढवतीसं च बावड्ढिभागमुहुत्तसते बावड्ढिभागमुहुत्तगणेणं आहितेति वदेज्जा ७३१-७३

(१०५) ता कया णं एते आदिच्चंदा संवच्छरा समादीया समपज्जवसिया आहितेति वदेज्जा ता सट्ठिं एते आदिच्चमासा बावड्ढिं एते चंदमासा एस णं अद्दा छक्खुत्तकडा दुवासभइता तीसं एते आदिच्चसंवच्छरा एक्कतीसं एते चंदसंवच्छरा तथा णं एते आदिच्चचंदसंवच्छरा समादीया समपज्जवसिया आहिताति वदेज्जा ता कया णं एते आदिच्चउडुचंदनक्खत्ता संवच्छरा समादीया समपज्जवसिया आहिताति वदेज्जा ता सट्ठिं एते आदिच्चा मासा एगट्ठिं एते उडू मासा बावड्ढिं एते चंदा मासा सत्तट्ठिं एते नक्खत्ता मासा एस णं अद्दा दुवालसक्खुत्तकडा दुवालसभइता सट्ठिं एते आदिच्चा संवच्छरा एगट्ठिं एते उडू संवच्छरा बावड्ढिं एते चंदा संवच्छरा सत्तट्ठिं एते नक्खत्ता संवच्छरा तथा णं एते आदिच्चउडुचंदनक्खत्ता संवच्छरा समादीया समपज्जवसिया आहिताति वदेज्जा ता कया णं एते अभिवड्ढितआदिच्चउडुचंदनक्खत्ता संवच्छरा समादीया समपज्जवसिया आहितातिवदेज्जा ता सता-वण्णं मासा सत्त य अहोरत्ता एक्कारस य मुहुत्ता तेवीसं बावड्ढिभागा मुहुत्तस्स एते अभिवड्ढिता मासा सट्ठिं एते आदिच्चा मासा एगट्ठिं एते उडू मासा बावड्ढिं एते चंदमासा सत्तट्ठिं एते नक्खत्तमासा एस णं अद्दा छप्पत्रसत्तक्खुत्तकडा दुवालसभइता सत्त सता चोताला एते णं अभिवड्ढिता संवच्छरा सत्त सता असीता एते णं आदिच्चा संवच्छरा सत्त सता तेणउता एते णं उडू संवच्छरा अट्ठ सता छलुत्तरा एते णं चंदा संवच्छरा अट्ठ सता एगसत्तरा एते णं नक्खत्ता संवच्छरा तथा णं एते अभिवड्ढिता आदिच्चउडुचंदनक्खत्ता संवच्छरा समादीया समपज्जवसिया आहिताति वदेज्जा ता नयडुयाए णं चंदे संवच्छरे तिण्णि चउप्पत्रे राइंदियसते दुवालस य बावड्ढिभागे राइंदियस्स आहितेति वदेज्जा ता अधातद्येणं चंदे संवच्छरे तिण्णि चउप्पत्रे राचंदियसते पंच य मुहुत्ते च बावड्ढिभागे मुहुत्तस्स आहितेति वदेच्चा ७४१-७४

(१०६) तत्थ खलु इमे छ उडू पत्रत्ता तं जहा-पाउसे वरिसारसे सरदे हेमंते वसंते गिम्हे ता सव्वेविणं एते चंदउडू दुवे-दुवे मासाति चउप्पण्णेणं-चउप्पण्णेणं आदाणेणं गणिज्जमाणा सातिरेगाइं एगूणसट्ठिं-एगूणसट्ठिं राइंदियाइं राइंदियगणेणं आहितेति वदेज्जा तत्थ खलु इमे छ ओमरत्ता पत्रत्ता तं जहा-ततिएपव्वे सत्तमेपव्वे एक्कारसमेपव्वे पत्ररसमेपव्वे एगूणवीसतिमेपव्वे तेवीसतिमेपव्वे तत्थ खलु इमे छ अइरत्ता तं जहा-चउत्येपव्वे अट्ठमेपव्वे बारसमेपव्वे सोलसमेपव्वे वीसतिमेपव्वे चउवीसतिमेपव्वे ७५१-७५

(१०७) छद्येव य अइरत्ता आदिच्चाओ हवंति माणाहिं

छद्येव ओमरत्ता चंदाओ हवंति माणाहिं

॥३०॥-१

(१०८) तत्थ खलु इमाओ पंच वासिकीओ पंच हेमंतीओ आउट्ठीओ पत्रत्ताओ ता एतेसि णं पंचण्हं संवच्छराणं पढमं वासिकिं आउट्ठिं चंदे केणं नक्खत्तेणं जोएति ता अभीइणा अभीइस्स पढमसमए तं समयं च णं सूरु केणं नक्खत्तेणं जोएति ता पूसेणं पूसस्स एगूणवीसं मुहुत्ता तेतालीसं च बावड्ढिभागा मुहुत्तस्स बावड्ढिभागं च सत्तट्ठिधा छेत्ता तेतीसं चुण्णिया भागा सेसा ता एतेसि णं पंचण्हं संवच्छराणं दोच्चं वासिकिं आउट्ठिं चंदे केणं नक्खत्तेणं जोएति ता संटाणाहिं संटाणाणं एक्कारस मुहुत्ता ऊतालीसं च बावड्ढिभागा मुहुत्तस्स बावड्ढिभागं च सत्तट्ठिधा छेत्ता तेपत्रं चुण्णिया

भागा सेसा तं समयं च णं सूरु केणं नक्खत्तेणं जोएति ता पूसेणं पूसस्स णं तं चैव जं पढमाए ता एतेसि णं पंचण्हं संवच्छराणं तच्च वासिकिं आउट्ठिं चंदे केणं नक्खत्तेणं जोएति ता विसाहाहिं विसाहाणं तेरस मुहुत्ता चउपपन्नं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता चत्तालीसं चुण्णिया भागा सेसा तं समयं च णं सूरु केणं नक्खत्तेणं जोएति ता पूसेणं पूसस्स तं चैव ता एतेसि णं पंचण्हं संवच्छराणं चउत्थिं वासिकिं आउट्ठिं चंदे केणं नक्खत्तेणं जोएति ता रेवतीहिं रेवतीणं पणवीसं मुहुत्ता दुबतीसं च बावट्ठिभागा सेसा मुहुत्तस्स बावट्ठिभागं च सत्तट्ठिभागा छेत्ता छवीसं चुण्णिया भागा सेसा तं समयं च णं सूरु केणं नक्खत्तेणं जोएति ता पूसेणं पूसस्स तं चैव ता एतेसि णं पंचण्हं संवच्छराणं पंचमं वासिकिं आउट्ठिं चंदे केणं नक्खत्तेणं जोएति ता पुव्वाहिं फग्गुणीहिं पुव्वाणं फग्गुणीणं वारस मुहुत्ता सत्तालीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता तेरस चुण्णिया भागा सेसा तं समयं च णं सूरु केणं नक्खत्तेणं जोएति ता पूसेणं पूसस्स तं चैव ॥७६१-७६

(१०९) ता एतेसि णं पंचण्हं संवच्छराणं पढमं हेमंति आउट्ठिं चंदे केणं नक्खत्तेणं जोएति ता हत्थेणं हत्थस्स णं पंच मुहुत्ता पत्रासं च बावट्ठिभागा मुहुत्तस्स बावट्ठिभागं सत्तट्ठिधा छेत्ता सट्ठिं चुण्णिया भागा सेसा तं समयं च णं सूरु केणं नक्खत्तेणं जोएति ता उत्तराहिं आसादाहिं उत्तराणं आसादाणं चरिमसमए ता एतेसि णं पंचण्हं संवच्छराणं दोच्चं हेमंति आउट्ठिं चंदे केणं नक्खत्तेणं जोएति ता सत्तभिसयाहिं सत्तभिसयाणं दुण्णि मुहुत्ता अट्ठावीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता छत्तालीसं चुण्णिया भागा सेसा तं समयं च णं सूरु केणं नक्खत्तेणं जोएति ता उत्तराहिं आसादाहिं उत्तराणं आसादाणं चरिमसमए ता एतेसि णं पंचण्हं संवच्छराणं तच्च हेमंति आउट्ठिं चंदे केणं नक्खत्तेणं जोएति ता पूसेणं पूसस्स एगुणवीसं मुहुत्ता तेतालीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता तेतीसं चुण्णिया भागा सेसा तं समयं च णं सूरु केणं नक्खत्तेणं जोएति ता उत्तराहिं आसादाहिं उत्तराणं आसादाणं चरिमसमए ता एतेसि णं पंचण्हं संवच्छराणं चउत्थिं हेमंति आउट्ठिं चंदे केणं नक्खत्तेणं जोएति ता पूलेणं मूलस्स छ मुहुत्ता अट्ठवण्णं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता वीसं चुण्णिया भागा सेसा तं समयं च णं सूरु केणं नक्खत्तेणं जोएति ता उत्तराहिं आसादाहिं उत्तराणं आसादाणं चरिमसमए ता एतेसि णं पंचण्हं संवच्छराणं पंचमिं हेमंति जाव जोएति पुच्छा ता कत्तिचरिहिं कत्तियाणं अट्ठारस मुहुत्ता छत्तीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता छ चुण्णिया भागा, सेसा तं समयं च णं सूरु जाव जोएति ता उत्तराहिं आसादाहिं उत्तराणं आसादाणं चरिमसमए ॥७७१-७७

(११०) तत्थ खलु इमे दसविधे जोए० वसभाणुजाते वेणुयाणुजाते मंचे पंचातिमंचे छत्ते छत्तातिछत्ते जुवणद्धे षणसंमहे पीणिते मंडूकप्पुते नामं दसमे ता एतेसि णं पंचण्हं संवच्छराणं छत्तातिछत्तं जीवं चंदे कंसिं देसंसि जोएति ता जंबुदीवस्स दीवस्स पाईणपडीणायताए उदीणदाहिणायताए जीवाए मंडलं चउत्वीसेणं सतेणं छेत्ता दाहिणपुरत्थिमिळंसि चउभागमंडलंसि सत्तावीसं भागे उवाइणावेत्ता अट्ठावीसतिभागं वीसधा छेत्ता अट्ठारसभागे उवाइणावेत्ता तिहिं भागेहिं दोहिं कलाहिं दाहिणपुरत्थिमिळं चउभागमंडलं असंपत्ते एत्थ णं से चंदे छत्तातिछत्तं जीवं जोएति तं जहा-उत्थिं चंदे मज्जे नक्खत्ते हेट्ठा आदिच्छे तं समयं च णं चंदे चित्ताहिं चित्ताणं चमिसमए ॥७८१-७८

● बारसमं पाहुडं समत्तं ●

तेरसमं पाहुडं

(१११) ता कहं ते चंदमासो वड्ढोवड्ढी० ता अट्ठ पंचासीते मुहुत्तस्ते तीसं च बावट्ठिभागे

मुहुत्तस्स ता दोसिणापक्खाओ अंधकारपक्खमयमाणे चंदे चत्तारि बातालसते छत्तालीसं च बावड्ढिभागे मुहुत्तस्स जाइं चंदे रज्जति तं जहा-पढमाए पढमं भागं बितियाए बितियं भागं जाव पन्नरसीए पन्नरसमं भागं चरिमसमए चंदे रत्ते भवति अबसेसे समए चंदे रत्ते य विरत्ते य भवति इयण्णं अमावासा एत्थ णं पढमे पव्वे अमावासा ता अंधकारपक्खो तो णं दोसिणापक्खं अयमाणे चंदे चत्तारे बाताले मुहुत्तेत्तस छत्तालीसं च बावड्ढिभागा मुहुत्तस्स जाइं चंदे विरज्जति पढमाए पढमं भागं बितियाए बितियं भागं जाव पन्नरसीए पन्नरसमं भागं चरिमे समए चंदे विरत्ते भवति अबसेस-मए चंदे रत्ते य विरत्ते य भवति इयण्णं पुत्रिमासिणी एत्थ णं दोच्चे पव्वे पुत्रिमासिणी १७९१-७७

(११२) तथ्य खलु इमाओ बावड्ढि पुत्रिमासिणीओ बावड्ढि अमावासाओ पन्नत्ताओ बावड्ढि एते कसिणा रागा बावड्ढि एते कसिणा विरागा एते चउव्वीसे पव्वसते एते चउव्वीसे कसिण-रागविरागसते जावतिया णं पंचण्हं संबच्छराणं समया एणेणं चउव्वीसेणं समयसत्तेणूणका एवतिया परिता असंखेजा देसरागविरागसत्ता भवन्तीति मक्खाता, ता अमावासाओ णं पुत्रिमासिणी चत्तारि बाताले मुहुत्तसते छत्तालीसं च बावड्ढिभागे मुहुत्तस्स आहितेति वदेजा ता पुत्रिमासिणीओ अमा-वासा चत्तारि बाताले मुहुत्तसते छत्तालीसं च बावड्ढिभागे मुहुत्तस्स आहितेति वदेजा ता अमा-वासाओ णं अमावासा अड्ढपंचासीते मुहुत्तसते तीसं च बावड्ढिभागे मुहुत्तस्स आहितेति वदेजा ता पुत्रिमासिणीओ णं पुत्रिमासिणी अड्ढपंचासीते मुहुत्तसते तीसं च बावड्ढिभागे मुहुत्तस्स आहितेति वदेजा एसणं एवतिए चंदे मासे एस णं एवतिए सगले जुगे १८०१-६०

(११३) ता चंदेणं अद्धमासेणं चंदे कति मंडलाइं चरति ता चोद्दस चउव्वभागमंडलाइं चरति एणं च चउव्वीससयभागं मंडलस्स ता आदिच्चेणं अद्धमासेणं चंदे कति मंडलाइं चरति ता सोलस मंडलाइं चरति सोलसमंडलचारी तदा अवराइं खलु दुवे अड्ढकाइं जाइं चंदे केणइ असामण्णकाइं सयमेव पविड्ढित्ता-पविड्ढित्ता चारं चरति कतराइं खलु ताइं दुवे अड्ढकाइं जाइं चंदे केणइ असामण्णकाइं सयमेव पविड्ढित्ता-पविड्ढित्ता चारं चरति ता इमाइं खलु ते बे अड्ढकाइं जाइं चंदे केणइ असामण्णकाइं सयमेव पविड्ढित्ता-पविड्ढित्ता चारं चरति तं जहा-निकखममाणे वेव अमावासंतेणं पविसमाणे वेव पुत्रिमासितेणं एताइं खलु दुवे अड्ढकाइं जाइं चंदे केणइ असामण्णकाइं सयमेव पविड्ढित्ता-पविड्ढित्ता चारं चरति ता पढमायणगते चंदे दाहिणाते भागाते पविसमाणे सत्त अद्धमंड-लाइं जाइं चंदे दाहिणाते भागाते पविसमाणे चारं चरति ता पढमायणगते चंदे दाहिणाते भागाते पविसमाणे सत्त अद्धमंडलाइं जाइं चंदे दाहिणाते भागाते पविसमाणे चारं चरति कतराइं खलु ताइं सत्त अद्धमंडलाइं जाइं चंदे दाहिणाते भागाते पविसमाणे चारं चरति इमाइं खलु ताइं सत्त अद्धमंडलाइं जाइं चंदे दाहिणाते भागाते पविसमाणे चारं चरति तं जहा-बितिए अद्धमंडले चउव्वे अद्धमंडले छुट्टे अद्धमंडले अड्ढमे अद्धमंडले दसमे अद्धमंडले बारसमे अद्धमंडले घउदसमे अद्धमंडले एताइं खलु ताइं सत्त अद्धमंडलाइं जाइं चंदे दाहिणाते भागाते पविसमाणे चारं चरति ता पढमायणगते चंदे उत्तराते भागाते पविसमाणे छ अद्धमंडलाइं तेरस य सत्तड्ढिभागाइं अद्धमंडलस्स जाइं चंदे उत्तराते भागाते पविसमाणे चारं चरति कतराइं खलु ताइं छ अद्धमंडलाइं तेरस य सत्तड्ढिभागाइं अद्धमंडलस्स जाइं चंदे उत्तराते भागाते पविसमाणे चारं चरति इमाइं खलु ताइं छ अद्धमंडलाइं तेरस य सत्तड्ढिभागाइं अद्धमंडलस्स जाइं चंदे उत्तराते भागाते पविसमाणे चारं चरति तं जहा- ततिए अद्धमंडले पंचमे अद्धमंडले सत्तमे अद्धमंडले नवमे अद्धमंडले एककारसमे

अद्धमंडले तेरसमे अद्धमंडले पन्नरसमास्स अद्धमंडलस्स तेरस सत्तट्ठिभागाइ एताइं खलु ताइं छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उत्तराते भागाते पविसमाणे चारं चरति एतावता च पद्धमे चंदायणे समते भवति ता नक्खत्ते अद्धमासे नो चंदे अद्धमासे चंदे अद्धमासे नो नक्खत्ते अद्धमासे ता नक्खत्ताओ अद्धमासाओ ते चंदे चंदेणं अद्धमासेणं किमधियं चरति ता एणं अद्धमंडलं चरति चत्तारि य सत्तट्ठिभागाइं अद्धमंडलस्स सत्तट्ठिभागं एगतीसाए छेत्ता नव भागाइं ता दोच्चायणगते चंदे पुरत्थिमाते भागाते निक्खममाणे सत्त चउप्पन्नाइं जाइं चंदे परस्स चिण्णं पडिचरति सत्त तेरसकाइं जाइं चंदे अप्पणो चिण्णं पडिचरति ता दोच्चायणगते चंदे पच्चत्थिमाते भागाते निक्खममाणे छ चउप्पण्णाइं जाइं चंदे परस्स चिण्णं पडिचरति छ तेरसकाइं जाइं चंदे अप्पणो चिण्णं पडिचरति अवरकाइं खलु दुवे तेरसकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति कतराइं खलु ताइं दुवे तेरसकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति इमाइं खलु ताइं दुवे तेरसकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति तं जहा-सव्वब्भंतरे चेव मंडले सव्वबाहिरे चेव मंडले एताणि खलु ताणि दुवे तेरसकाइं जाइं चंदे केणइ असामण्णकाइं सयमेव पविट्ठित्ता-पविट्ठित्ता चारं चरति एतावता च दोच्चे चंदायणे समते भवति ता नक्खत्ते मासे नो चंदे मासे चंदे मासे नो नक्खत्ते मासे ता नक्खत्ताओ मासाओ चंदे चंदेणं मासेणं किमधियं चरति ता दो अद्धमंडलाइं चरति अद्ध य सत्तट्ठिभागाइं अद्धमंडलस्स सत्तट्ठिभागं च एककतीसधा छेत्ता अद्धारस भागाइं ता तच्चायणगते चंदे पच्चत्थिमाते भागाते पविसमाणे याहिराणंतरस्स पच्चत्थिमिलस्स अद्धमंडलस्स ईतालीसं सत्तट्ठिभागाइं जाइं चंदे अप्पणो परस्स य चिण्णं पडिचरति तेरस सत्तट्ठिभागाइं जाइं चंदे परस्स चिण्णं पडिचरति तेरस सत्तट्ठिभागाइं जाइं चंदे अप्पणो परस्स य चिण्णं पडिचरति एतावता व याहिराणंतरे पच्चत्थिमिले अद्धमंडले समते भवति ता तच्चायणगते चंदे पुरत्थिमाते भागाते पविसमाणे वाहिरत्तच्चस्स पुरत्थिमिलस्स अद्धमंडलस्स ईतालीसं सत्तट्ठिभागाइं जाइं चंदे अप्पणो परस्स य चिण्णं पडिचरति तेरस सत्तट्ठिभागाइं जाइं चंदे परस्स चिण्णं पडिचरति तेरस सत्तट्ठिभागाइं जाइं चंदे अप्पणो परस्स य चिण्णं पडिचरति एतावता च वाहिरत्तच्चे पुरत्थिमिले अद्धमंडले समते भवति ता तच्चायणगते चंदे पच्चत्थिमाते भागाते पविसमाणे वाहिरचउत्त्वस्स पच्चत्थिमिलस्स अद्धमंडलस्स अद्ध सत्तट्ठिभागाइं सत्तट्ठिभागं च एककतीसधा छेत्ता अद्धारस भागाइं जाइं चंदे अप्पणो परस्स य चिण्णं पडिचरति एतावता च बाहिरचउत्त्वे पच्चत्थिमिले अद्धमंडले समते भवति एवं खलु चंदेणं मासेणं चंदे तेरस चउप्पन्नाइं दुवे तेरसकाइं जाइं चंदे परस्स चिण्णं पडिचरति तेरस तेरसकाइं जाइं चंदे अप्पणो चिण्णं पडिचरति दुवे ईतालीसकाइं दुवे तेरसकाइं अद्ध सत्तट्ठिभागाइं सत्तट्ठिभागं च एककतीसधा छेत्ता अद्धारसभागाइं जाइं चंदे अप्पणो परस्स य चिण्णं पडिचरति इच्चेसा चंदमसोऽभिगमण-निक्खमण-युड्ढि-निवुड्ढि-अणवट्ठित्तसंठाणसंठित्ती विउ-व्वणगिड्ढिपत्ते रूवी चंदे देवे आहितेति वदेजा ।८१।-४१

● तेरसमं पाहुडं समत्तं ●

चउट्ठसमं पाहुडं

(११४) ता कया ते दोसिणा बहू आहितेति वदेजा ता दोसिणापक्खे णं दोसिणा बहू आहितेति वदेजा ता कहं ते दोसिणापक्खे दोसिणा बहू आहितेति वदेजा ता अंधकारपक्खातो णं

दोसिणापक्खे० ता क्हं ते अंधकारपक्खालो दोसिणापक्खे दोसिणा बहू आहिताति वदेज्जा ता अंधकारपक्खाओ णं दोसिणापक्खं अयमाणे चंदे चत्तारि बाताले मुहुत्तसए छत्तालीसं च बावड्ढिभागे मुहुत्तस्स जाइं चंदे विरज्जति तं जहा-पढमाए पढमं भागं वितियाए वितियं भागं जाव पन्नरसीए पन्नरसमं भागं एवं खलु अंधकारपक्खताओ दोसिणापक्खे दोसिणा बहू आहिताति वदेज्जा, ता केवतिया णं दोसिणापक्खे दोसिणा बहू आहिताति वदेज्जा ता परित्ता असंखेज्जा भागा, ता कया ते अंधकारे बहू आहितेति वदेज्जा ता अंधकारपक्खे णं अंधकारे बहू आहितेति वदेज्जा ता क्हं ते अंधकारपक्खे अंधकारे बहू आहितेति वदेज्जा ता दोसिणापक्खालो णं अंधकारपक्खे अंधकारे बहू आहितेति वदेज्जा ता क्हं ते दोसिणापक्खालो अंधकारपक्खे अंधकारे बहू आहितेति वदेज्जा ता दोसिणापक्खालो णं अंधकारपक्खं अयमाणे चंदे चत्तारि बाताले मुहुत्तसते छयालीसं च बावड्ढिभागे मुहुत्तस्स जाइं चंदे रज्जति तं जहा-पढमाए पढमं भागं वितियाए वितियं भागं जाव पन्नरसीए पन्नरसमं भागं एवं खलु दोसिणापक्खालो अंधकारपक्खे० अंधकारे ता केवतिए णं अंधकारपक्खे अंधकारे बहू आहितेति वदेज्जा ता परिता असंखेज्जा भागा ।८२।-८२

● चउहत्तमं पाहुंडं सप्तमं ●

पन्नरसमं पाहुंडं

(११५) ता क्हं ते सिग्घगती वत्थू आहितेति वदेज्जा ता एतेसि णं चंदिम-सूरिय-गह-नक्खत्त-नाराख्खाणं चंदेहिंतो सूरि सिग्घगती सूरैहिंतो गहा सिग्घगती गहेहिंतो नक्खत्ता सिग्घगती नक्खत्तेहिंतो तारा सिग्घगती सब्बप्पगती चंदा सब्बसिग्घगती तारा, ता एगमेगेणं मुहुत्तेणं चंदे केवतियाइं भागसताइं गच्छति ता जं-जं मंडलं उवसंकमित्ता चारं चरति तस्स-तस्स मंडलपरिक्खेवस्स सत्तरस अडसट्ठिं भागसते गच्छति मंडलं सतसहस्सेणं अट्ठाणउतीए सतेहिं छेत्ता ता एगमेगेणं मुहुत्तेणं सूरिए जं-जं मंडलं उवसंकमित्ता चारं चरति तस्स-तस्स मंडलपरिक्खेवस्स अट्ठारस तीसे भागसते गच्छति मंडलं सतसहस्सेणं अट्ठाणउतीए सतेहिं छेत्ता ता एगमेगेणं मुहुत्तेमं नक्खत्ते जं-जं मंडलं उवसंकमित्ता चारं चरति तस्स-तस्स मंडलपरिक्खेवस्स अट्ठारस पणतीसे भागसते गच्छति मंडलं सतसहस्सेणं अट्ठाणउतीए सतेहिं छेत्ता ।८३।-८३

(११६) ता जया णं चंदं गतिसमावण्णं सूरै गतिसमावण्णे भवति से णं गतिमाताए केवतियं विसेसेति ता बावड्ढिभागे विसेसेति ता जया णं चंदं गतिसमावण्णं नक्खत्ते गतिसमावण्णे भवति से णं गतिमाताए केवतियं विसेसेति ता सत्तड्ढिभागे विसेसेति ता जया णं सूरं गतिसमावण्णं नक्खत्ते गतिसमावण्णे भवति से णं गतिमाताए केवतियं विसेसेति ता पंच भागे विसेसेति ता जया णं चंदं गतिसमावण्णं अभीई नक्खत्ते गतिसमावण्णे पुरत्थिमाते भागाते समासादेति समासादेत्ता नव मुहुत्ते सत्तीवासं च सत्तड्ढिभागे मुहुत्तस्स चंदेणं सट्ठिं जोयं जोएति जोएत्ता जोयं अनुपरियट्ठति अनुपरियाट्ठित्ता विजहति विष्णजहति विगतजोई यावि भवति ता जया णं चंदं गतिसमावण्णं सवणे नक्खत्ते गतिसमावण्णे पुरत्थिमाते भागाते समासादेति समासादेत्ता तीसं मुहुत्ते चंदेणं सट्ठिं जोयं जोएति जोएत्ता जोयं अनुपरियट्ठति अनुपरियट्ठित्ता विजहति विष्णजहति विगतजोई यावि भवति एवं एतेणं अभिलावेणं नेतव्वं-पन्नरसमुहुत्ताइं तीसइमुहुत्ताइं पणयालीसमुहुत्ताइं भणितव्वाइं जाव उत्तरासाढा ता जया णं चंदं गतिसमावण्णं गहे गतिसमावण्णे पुरत्थिमाते भागाते समासादेति समासादेत्ता चंदेणं सट्ठिं अधाजोगं जुंजति जुंजित्ता अधाजोगं अनुपरियट्ठति जाव विगतजोई यावि

भवति ता जया णं सूरं गतिसमावण्णं अभीई नक्खत्ते गतिसमावण्णे पुरित्थिमाते मागाते समासादेति समासादेत्ता चत्तारि अहोरत्ते छच्च मुहुत्ते सूरें सद्धिं जोयं जोएति जोएत्ता जोयं अनुपरियट्ठति जाव विगतजोई यावि भवति एवं छ अहोरत्ता एककवीसं मुहुत्ता य तेरस अहोरत्ता बारस मुहुत्ता य वीसं अहोरत्ता तिण्णिं मुहुत्ता य सब्बे भाणितव्वा जाव-जया णं सूरं गतिसमावण्णं उत्तरासाढा नक्खत्ते गतिसमावण्णे पुरित्थिमाते भागाते समासादेति समासादेत्ता वीसं अहोरत्ते तिण्णिं य मुहुत्ते सूरें सद्धिं जोयं जोएति जोएत्ता जोयं अनुपरियट्ठति जाव यावि भवति ता जया णं सूरें गतिसमावण्णं गहे गतिसमावण्णे पुरित्थिमाते भागाते समासादेति समासादेत्ता सूरें सद्धिं अघाजोयं जुंजति जुंजित्ता जोयं अनुपरियट्ठति जाव विगतजोई यावि भवति । ८४।-८४

(११७) ता नक्खत्तेणं मासेणं चंदे कति मंडलाइं चरति ता तेरस मंडलाइं चरति तेरस य सत्तट्ठिभागे मंडलस्स ता नक्खत्तेणं मासेणं सूरें कति मंडलाइं चरति ता तेरस मंडलाइं चरति चोत्तालीसं च सत्तट्ठिभागे मंडलस्स ता नक्खत्तेणं मासेणं नक्खत्ते कति मंडलाइं चरति ता तेरस मंडलाइं चरति अद्धसीतालीसं च सत्तट्ठिभागे मंडलस्स ता चंदेणं मासेणं चंदे कति मंडलाइं चरति ता चोद्दस सच्चउभागाइं मंडलाइं चरति एणं च चउव्वीससतभागं मंडलस्स ता चंदेणं मासेणं सूरें कति मंडलाइं चरति ता पन्नरस चउभागूणाइं मंडलाइं चरति एणं च चउवीससतभागं मंडलस्स ता चंदेणं मासेणं नक्खत्ते कति मंडलाइं चरति ता पन्नरस चउभागूणाइं मंडलाइं चरति छच्च चउवीससतभागे मंडलस्स ता उडुणा मासेणं चंदे कति मंडलाइं चरति ता चोद्दस मंडलाइं चरति तीसं च एणट्ठिभागं मंडलस्स ता उडुणा मासेणं सूरें कति मंडलाइं चरति ता पन्नरस मंडलाइं चरति ता उडुणा मासेणं नक्खत्ते कति मंडलाइं चरति ता पन्नरस मंडलाइं चरति पंच य वावीससतभागे मंडलस्स ता आदिछेणं मासेणं चंदे चोद्दस मंडलाइं चरति एककारस य पन्नरसभागे मंडलस्स ता आदिछेणं मासेणं सूरें पन्नरस चउभागाहिगाइं मंडलाइं चरति ता आदिछेणं मासेणं नक्खत्ते पन्नरस चउभागाहिगाइं मंडलाइं चरति पंचतीसं च वीससतभागे मंडलस्स चरति ता अभिवड्ढित्तेणं मासेणं चंदे पन्नरस मंडलाइं चरति तेसीति य छलसीयसतभागे मंडलस्स ता अभिवड्ढित्तेणं मासेणं सूरें कति मंडलाइं चरति ता सोलस मंडलाइं चरति तिहिं भागेहिं ऊणगाइं दोहिं अडयालेसिं सतेहिं मंडलं छेत्ता ता अभिवड्ढित्तेणं मासेणं नक्खत्ते कति मंडलाइं चरति ता सोलस मंडलाइं चरति सीतालीसएहिं भागेहिं आहियाइं चोद्दसहिं अट्ठासीएहिं सतेहिं मंडलं छेत्ता । ८५।-८५

(११८) ता एगमेगेणं अहोरत्तेणं चंदे कति मंडलाइं चरति ता एणं अद्धमंडलं चरति एककतीसाए भागेहिं ऊणं नवहिं पन्नरसेहिं सतेहिं अद्धमंडलं छेत्ता ता एगमेगेणं अहोरत्तेणं सूरें कति मंडलाइं चरति ता एणं अद्धमंडलं चरति ता एगमेगेणं अहोरत्तेणं सूरें कति मंडलाइं चरति ता एणं अद्धमंडलं चरति ता एगमेगेणं अहोरत्तेणं नक्खत्ते कति मंडलाइं चरति ता एणं अद्धमंडलं चरति दोहिं भागेहिं अहियं सत्तहिं दुवत्तीसेहिं सतेहिं अद्धमंडलं छेत्ता ता एगमेगेणं मंडलं चंदे कतिहिं अहोरत्तेहिं चरति ता दोहिं अहोरत्तेहिं चरति एककतीसाए भागेहिं अहिएहिं चउहिं बातालेहिं सतेहिं राईदियं छेत्ता ता एगमेगेणं मंडलं सूरें दोहिं अहोरत्तेहिं चरति ता एगमेगेणं मंडलं नक्खत्ते दोहिं अहोरत्तेहिं चरति दोहिं भागेहिं ऊणेहिं तिहिं सत्तसट्ठेहिं सतेहिं राईदियं छेत्ता ता जुगेणं चंदे अडु चुलसीते मंडलसते चरति ता जुगेणं सूरें नव पन्नरसमंडलसते चरति ता जुगेणं नक्खत्ते कति मंडलाइं चरति ता अट्ठारस पणतीसे दुभागेमंडलसते चरति इच्चेसा मुहुत्तगती रिक्खातिमास-राईदिय-जुग-

मंडलपविभती सिग्धगती वत्सू आहितेति वेमि । ८६।-८६

● पत्रसमं पाहुंडं समत्तं ●

सोलसमं पाहुंडं

(११९) ता कहं ते दोसिणालकखणे आहितेति वदेजा ता चंदलेस्सा इ य दोसिणा इ य दोसिणा इ य चंदलेस्सा इ य के अट्टे किं लकखणे ता एगट्टे एगलकखणे ता सूरलेस्सा इ य आतवे इ य आतवे इ य सूरलेस्सा इ य के अट्टे किं लकखणे ता एगट्टे एगलकखणे ता अंधकारे इ य छाया इ य छाया य अंधकारे इ य के अट्टे किं लकखणे ता एगट्टे एगलकखणे । ८७।-८७

● सोलसमं पाहुंडं समत्तं ●

सत्तरसमं पाहुंडं

(१२०) ता कहं ते चयणोववाता आहिताति वदेजा तत्थ खलु इमाओ पणवीसं पडिवत्तीओ पत्रत्ताओ तत्थ एगे एवमाहंसु-ता अनुसमयमेव चंदिमसूरिया अन्ने चयंति अण्णे उववज्जंति-एगे पुण एवमाहंसु-ता अनुमुहुत्तमेव चंदिमसूरिया अण्णे चयंति अण्णे उववज्जंति एवं जहेव हेद्धा तहेव जाव ता एगे पुण एवमाहंसुता अणुओसप्पिणिउत्सप्पिणिमेव चंदिमसूरिया अण्णे चयंति उव-वज्जंति-वयं पुण एवं वदामो-ता चंदिमसूरिया णं देवा महिड्डिया महाजुतीया महाबला महाजसा महाणुभावा महासोकखा वरवत्थधरा वरमल्लधरा वरगंधधरा वराभरणधरा अब्बोच्छित्तिणयट्टयाए काले अण्णे चयंति अण्णे उववज्जंति आहिताति वदेजा । ८८।-८८

● सत्तरसमं पाहुंडं समत्तं ●

अट्टारसमं पाहुंडं

(१२१) ता कहं ते उच्चते आहितेति वदेजा तत्थ खलु इमाओ पणवीसं पडिवत्तीओ पत्रत्ताओ तत्थेगे एवमाहंसु-ता एणं जोयणसहस्सां सूर उइढं उच्चतेणं दिवइढं चंदे-एगे पुणं एवमाहंसु-ता दो जोयणसहस्साइं सूर उइढं उच्चतेणं अइद्धाइज्जाइं चंदे-एगे पुण एवमाहंसु-ता तिण्णि जोयणसहस्साइं सूर उइढं उच्चतेणं अइद्धाइं चंदे-एगे पुणं एवमाहंसु-ता घत्तारि जोयणसहस्साइं सूर उइढं उच्चतेणं अइद्धपंचमाइं चंदे-एगे पुण एवमाहंसु-ता पंच जोयणसहस्साइं सूर उइढं उच्चतेणं अइद्धट्टाइं चंदे-एगे पुण एवमाहंसु-ता छ जोयणसहस्साइं सूर उइढं उच्चतेणं अइद्धसत्तमाइं चंदे-एगे पुण एवमाहंसु-ता सत्त जोयणसहस्साइं सूर उइढं उच्चतेणं अइद्धाइं चंदे-एगे पुणं एवमाहंसु-ता अइद्ध जोयणसहस्साइं सूर उइढं उच्चतेणं अइद्धवणमाइं चंदे-एगे पुण एवमाहंसु-ता नच जोयणसहस्साइं सूर उइढं उच्चतेणं अइद्धएककारस चंदे-एगे पुण एवमाहंसु-ता एककारस जोयणसहस्साइं सूर उइढं उच्चतेणं अइद्ध-वारस चंदे चौद्दस सूर अइद्धपत्रस चंदे पत्रस सूर अइद्धसोलस चंदे सोलस सूर अइद्धसत्तरस चंदे सत्तरस सूर अइद्धट्टारस चंदे अट्टारस सूर अइद्धएकोणवीसं चंदे एकोणवीसं सूर अइद्धवीसं चंदे वीसं सूर अइद्धएककवीसं चंदे एककवीसं सूर अइद्धवावीसं चंदे वावीसं सूर अइद्धतेवीसं चंदे तेवीसं सूर अइद्धचउवीसं चंदे चउवीसं सूर अइद्धपणवीसं चंदे एगे पुण एवमाहंसु-ता पणवीसं जोयणसहस्साइं सूर उइढं उच्चतेणं अइद्धछवीसं चंदे-वचं पुण एवं वदामो-ता इमीसे रयणप्पभाए पुढवीए बहुसमरमणिज्जाओ भूमिभाणाओ [सत्तणउते जोयणसते अवाहाए हिड्डिब्ले ताराहूवे चारं चरति अइद्धजोयणसए अवाहाए सूरविमाणे चारं चरति अइद्धअसीते जोयणसते अवाहाए चंदविमाणे चारं

चरति नवजोयणसए अबाहाए उवरिल्ले ताराखे चारं चरति ता हेड्डितातो णं ताराख्वाओ दस जोय-
णे अबाहाए सूरविमाणे चारं चरति तता णं असीते जोयणे अबाहाए चंदविमाणे चारं चरति एवं
जहेव जीवाभिगमे तहेव नेयव्वं-सव्वब्भंतरिल्लं चारं सठाणं पमाणं वहति सिंहगति इड्डिडं तारंतरं
अग्गमहिंसी ठिति अप्पावहुयं जाव तारातो संखेज्जगुणातो ५०] सत्तणउतिजोयणसते उड्डं
उप्पइत्ता हेड्डिल्ले ताराविमाणे चारं चरति अद्दुजोयणसते उड्डं उप्पइत्ता सूरविमाणे चारं चरति
अद्दुअसीए जोयणसए उड्डं उप्पइत्ता चंदविमाणे चारं चरति नव जोयणसयाइं उड्डं उप्पइत्ता
उवरिल्ले ताराविमाणे चारं चरति हेड्डिल्लोओ ताराविमाणाओ दसजोयणाइं उड्डं उप्पइत्ता सूरविमाणे
चारं चरति नउति जोयणाइं उड्डं उप्पइत्ता चंदविमाणे चारं चरति दसोत्तरं जोयणसयं उड्डं
उप्पइत्ता उवरिल्ले ताराखे चारं चरति ता सूरविमाणाओ असीतिं जोयणाइं उड्डं उप्पइत्ता
चंदविमाणे चारं चरति जोयणसयं उड्डं उप्पइत्ता उवरिल्ले ताराखे चारं चरति ता चंदविमाणाओ णं
वीसं जोयणाइं उड्डं उप्पइत्ता उवरिल्ले ताराखे चारं चरति एवामेव सपुब्बावरेणं दसुत्तरजोयणसयं
बाहल्ले तिरियमसंखेजे जोतिसविसए जोतिसं चारं चरति आहितेति वदेज्जा ८९।-८९

(१२२) ता अत्थि णं चंदिमसूरियाणं देवाणं हिड्डिपि ताराख्वा अनुपि तुल्लावि समपि
ताराख्वा अनुपि तुल्लावि उप्पिपि ताराख्वा अणुपि तुल्लावि ता अत्थि ता क्हं ते चंदिमसूरियाणं
देवाणं हिड्डिपि ताराख्वा अणुपि तुल्लावि समपि ताराख्वा अणुपि तुल्लावि उप्पिपि ताराख्वा अणुपि
तुल्लावि ता जहा-जहा णं तेषि णं देवाणं तव-नियम-यंमचेराइं उस्सियाइं भवंति तहा-तहा णं तेषि
देवाणं एवं भवति तं जा-अनुत्ते वा तुल्लते वा ता एवं खलु चंदिमसूरियाणं देवाणं हिड्डिपि ताराख्वा
अणुपि तुल्लावि तहेव १९०।-९०

(१२३) ता एगमेगस णं चंदस्स देवस्स केवतिया गहा परिवारो पन्नतो केवतिया नक्खत्ता
परिवारो पन्नतो केवतिया तारा परिवारो पन्नतो ता एगमेगस णं चंदस्स देवस्स अट्टासीतिं गहा
परिवारो पन्नतो अट्टावीसं नक्खत्ता परिवारो पन्नतो १९१।-९१

(१२४) छावड्डिं सहस्साइं नव चेव सताइं पंचसत्तराइं

एगससी परिवारो तारागणकोडिकोडीण [परिवारो पन्नतो] ॥३१॥-१

(१२५) ता मंदरस्स णं पव्वयस्स केवतियं अबाहाए जोतिसे चारं चरति ता एककारस
एक्कवीसे जोयणसते अबाहाए जोतिसे चारं चरति ता लोयंताओ णं केवतियं अबाहाए जोतिसे
पन्नतो ता एककारस एककारे जोयणसते अबाहाए जोतिसे पन्नतो १९२।-९२

(१२६) ता जंवुदीवे णं दीवे कतरे नक्खत्ते सव्वब्भंतरिल्लं चारं चरति कतरे नक्खत्ते
सव्ववाहिरिल्लं चारं चरति कतरे नक्खत्ते सव्वुपरिल्लं चारं चरति कतरे नक्खत्ते सव्वहिड्डिल्लं चारं
चरति ता अभीइं नक्खत्तो सव्वब्भंतरिल्लं चारं चरति मूले नक्खत्ते सव्ववाहिरिल्लं चारं चरइ सातो
नक्खत्ते सव्वुपरिल्लं चारं चरति मरणी नक्खत्ते सव्वहेड्डिल्लं चारं चरति १९३।-९३

(१२७) ता चंदविमाणे णं किसंठिते पन्नत्ते ता अद्दुकविट्ठगसंठाणसंठिते सव्वफलिहामए
अत्तुग्गयमूसियपहसिए विविहमणिरयणभत्तिचित्ते जाव पडिख्खे एवं सूरविमाणे ताराविमाणे ता
चंदविमाणे णं केवतियं आयाम-विक्खंभेणं केवतियं परिक्खेवेणं केवतियं बाहल्लेणं पन्नत्ते ता छप्पत्रं
एगड्डिभागे जोयणस्स आयाम-विक्खंभेणं तं तिगुणं सविसेसं परिरएणं अट्टवीसं एगड्डिभागे
जोयणस्स बाहल्लेणं पन्नत्ते ता सूरविमाणे णं केवतियं आयाम-विक्खंभेणं पुच्छ ता अडयालीसं

एगड्डिभागे जोयणस्स आयाम-विकखंभेणं तं तिगुणं सविसेसं परिरएणं चउच्चिसं एगड्डिभागे जोय-
णस्स बाहल्लेणं पन्नत्ते ता गहविमाणेणं पच्छा ता अद्धजोयणं आयाम-विकखंभेणं तं तिगुणं सविसेसं
परिरएणं कोसं बाहल्लेणं पन्नत्ते ता नक्खत्तविमाणे णं केवतियं पुच्छा ता कोसं आवाम-विकखंभेणं तं
तिगुणं सविसेसं परिरएणं अद्धकोसं बाहल्लेणं पन्नत्ते ता ताराविमाणे णं केवतियं पुच्छा ता अद्धकोसं
आयाम-विकखंभेणं तं तिगुणं सविसेसं परिरएणं पंच धणुसयाइं बाहल्लेणं पन्नत्ते ता चंदविमाणं
कति देवसाहस्सीओ परिवहंति ता सोलस देवसाहस्सीओ परिवहंति तं जहा-पुरस्थिमेणं सीहरू-
वधारीणं चत्तारि देवसाहस्सीओ दाह्णिणेणं गयरूवधारीणं चत्तारि देवसाहस्सीओ पद्यस्थिमेणं वसह-
रूवधारीणं चत्तारि देवसाहस्सीओ उत्तरेणं तुरगरूवधारीणं चत्तारि देवसाहस्सीओ परिवहंति एवं
सूरविमाणंपि ता गहविमाणं अद्ध देवसाहस्सीओ परिवहंति तं जहा-पुरस्थिमेणं सीहरूवधारीणं
देवाणं दो देवसाहस्सीओ परिवहंति एवं जाव उत्तरेणं तुरगरूवधारीणं ता नक्खत्तविमाणं चत्तारि
देवसाहस्सीओ परिवहंति तं जहा-पुरस्थिमेणं सीहरूवधारीणं देवाणं एकका देवसाहस्सी परिवहति
एवं जाव उत्तरेणं तुरगरूवधारीणं देवाणं ता ताराविमाणं दो देवसाहस्सीओ परिवहंति तं जहा-पुर-
स्थिमेणंसीहरूवधारीणं देवाणं पंच देवसता परिवहंति एवं जाव उत्तरेणं तुरगरूवधारीणं १९४१-९४

(१२८) एतेसि णं चंदिम-सूरिय-गहगण-नक्खत्त-तारारूवाणं कयरे कयरेहिंतो सिग्घगती
वा मंदगती वा ता चंदेहिंतो सूरि सिग्घगती सूरिहिंतो गहा सिग्घगती गहेहिंतो नक्खत्ता सिग्घगती
नक्खत्तेहिंतो तारा सिग्घगती सब्बप्पगती चंदा सब्बसिग्घगती तारा ता एतेसि णं चंदिम-सूरिय-
गहगण-नक्खत्ता-तारारूवाणं कयरे कयरेहिंतो अप्पिड्ढिया वा महिड्ढिया वा ता ताराहिंतो
नक्खत्ता महिड्ढिया नक्खत्तेहिंतो गहा महिड्ढिया गहेहिंतो सूरि महिड्ढिया सूरिहिंतो चंदा महि-
ड्ढिया सब्बप्पिड्ढिया तारा सब्बमहिड्ढिया चंदा १९५१-९५

(१२९) ता जंबुद्वीवे णं दीवे तारारूवस्स य तारारूवस्स य एस णं केवतिए अवाधाए अंतरे
पन्नत्ते ता दुविहे अंतरे पन्नत्ते तं जहा-वापातिमे य निव्वापातिमे य तत्थ णं जेसे वापातिमे से णं
जहण्णेणं दोण्णि छावट्टे जोयणसते उक्कोसेणं बारस जोयणसहस्साइं दोण्णि दाताले जोयणसते
तारारूवस्स य अवाधाए अंतरे पन्नत्ते तत्थ णं जेसे निव्वापातिमे से णं जहण्णेणं पंच धणुसताइं
उक्कोसेणं अद्धजोयणं तारारूवस्स य तारारूवस्स य अवाधाए अंतरे पन्नत्ते १९६१-९६

(१३०) ता चंदस्स णं जोतिसिंदस्स जोतिसरण्णो कति अग्गमहिसीओ ता चत्तारि अग्गम-
हिसीओ पन्नत्ताओ तं जहा-चंदप्पभा दोसिणाभा अच्चिमाली पभंकरा तत्थ णं एगमेगाए देवीए
चत्तारि-चत्तारि देवीसाहस्सी परिवारो पन्नत्तो पमू णं ताओ एगमेगा देवी अण्णाइं चत्तारि-चत्तारि
देवीसहस्साइं परिवारं विउच्चित्तए एवामेव सपुव्वावरेणं सोलस देवीसहस्सा सेतं तुडिए ता पमू णं
चंदे जोतिसिंदे जोतिसाराया चंदवडिसए विमाणे सभाए सुहम्माए तुडएणं सद्धि दिव्वाइं भोगभोगाइं
भुंजमाणे विहरित्तए नो इणट्टे समट्टे ता कहं ते पुच्छा चंदस्स णं जोतिसिंदस्स जोतिसरण्णो चंदव-
डिसए विमाणे सभाए सुधम्माए माणवए चेतियखंभे वडरामएसु गोलवट्टसमुगएसु बहवे जिणस-
कधा सण्णिक्खत्ता चिट्ठंति ताओ णं चंदस्स जोतिसिंदस्स जोतिसरण्णो अण्णेसि च वहूणं जोति-
सियाणं देवाणं य देवीणं य अच्चणिज्जाओ वंदणिज्जाओ पूयणिज्जाओ सककारणिज्जाओ सम्माणणि-
ज्जाओ कल्लाणं मंगलं देवयं चेइयं पञ्जुवासणिज्जाओ एवं खलु नो पमू चंदे जोतिसिंदे जोतिसाराया
चंदवडिसए विमाणे सभाए सुधम्माए तुडएणं सद्धि दिव्वाइं भोगभोगाइं भुंजमाणे विहरित्तए, पमू
णं चंदे जोतिसिंदे जोतिसाराया चंदवडिसए विमाणे सभाए सुहम्माए चंदसि सौहासणंसि चउहिं

सामागियसाहस्तीहिं चउहिं अग्गमहिंसीहिं सपरियाराहिं तिहिं परिसाहिं सत्तहिं अणिएहिं सत्तहिं अणियाइवईहिं सोलसहिं आयरक्खदेवसहस्तीहिं अण्णेहिं य बहूहिं जोतिसिएहिं देवेहिं देवीहिं य सद्धिं भह्णइयनइ-गीय-वाइय-तंती-त्तल-ताल-तुडिय-घण-मुइंग-पडुप्पवाइचरेवणं दिव्वाइं भोग-भोगाइं भुंजमाणे विहरित्तए केवलं परियारणिट्टीए नो चेव णं मेहुणवत्तियं ता सूरस्स णं जोतिसिदस्स जोतिसरण्णो चत्तारि अग्गमहिंसीओ पत्रत्ताओ तं जहा-सूरप्पभा आतवा अद्धिमाली पभंकरा सेसं जहा चंदस्स नवरं-सूरवडेंसए विमाणे जाव नो चेव णं मेहुणवत्तियाए ।१७।-७७

(१३१) जोतिसिया षं देवाणं केवत्तियं कालं ठिती पत्रत्ता ता जहण्णेणं अट्टभागपलिओवमं उक्कोसेणं पलिओवमं वाससतसहस्समब्भहियं ता जोतिसिणीणं देवीणं केवत्तियं कालं ठिती पत्रत्ता ता जहण्णेणं अट्टभागपलिओवमं उक्कोसेणं अद्धपलिओवमं पत्रत्तासाए वाससहस्सेहिं अब्भहियं ता चंदविमाणे णं देवाणं केवत्तियं कालं ठिती पत्रत्ता ता जहण्णेणं चउट्थागपलिओवमं उक्कोसेणं पलिओवमं वाससवसहस्समब्भहियं ता चंदविमाणे णं देवीणं केवत्तियं कालं ठिती पत्रत्ता ता जहण्णेणं चउट्थागपलिओवमं उक्कोसेणं अद्धपलिओवमं पत्रत्तासाए वाससहस्सेहिं अब्भहियं ता सूरविमाणे णं देवाणं केवत्तियं कालं ठिती पत्रत्ता ता जहण्णेणं चउट्थागपलिओवमं उक्कोसेणं पलिओवमं वाससहस्समब्भहियं ता सूरविमाणे णं देवीणं केवत्तियं कालं ठिती पत्रत्ता ता जहण्णेणं चउट्थागपलिओवमं उक्कोसेणं अद्धपलिओवमं पंचहिं वात्सएहिं अब्भहियं ता गहविमाणे णं देवाणं केवत्तियं कालं ठिती पत्रत्ता ता जहण्णेणं चउट्थागपलिओवमं उक्कोसेणं पलिओवमं ता गहविमाणे णं देवीणं केवत्तियं कालं ठिती पत्रत्ता ता जहण्णेणं वउट्थागपलिओवमं उक्कोसेणं अद्धपलिओवमं ता नक्खत्तविमाणे णं देवाणं केवत्तियं कालं ठिती पत्रत्ता ता जहण्णेणं चउट्थागपलिओवमं उक्कोसेणं अद्धपलिओवमं ता नक्खत्तविमाणे णं देवीणं केवत्तियं कालं ठिती पत्रत्ता ता जहण्णेणं अट्टभागपलिओवमं उक्कोसेणं चउट्थागपलिओवमं ता ताराविमाणे णं देवाणं पुच्छा ता जहण्णेणं अट्टभागपलिओवमं उक्कोसेणं चउट्थागपलिओवमं ता ताराविमाणे णं देवीणं पुच्छा ता जहण्णेणं अट्टभागपलिओवमं उक्कोसेणं साइरेगअट्टभागपलिओवमं ।१८।-७८

(१३२) ता एएसि णं चंदिम-सूरिय-गह-नक्खत्त-ताराख्खाणं कतरे कतरेहिंतो अप्पा वा बहुया वा तुल्ला वा विसेसाहिया वा ता चंदा य सूरा य -एते णं दोवि तुल्ला सब्बत्थोवा नक्खत्ता संखेज्जगुणा गहा संखेज्जगुणा तारा संखेज्जगुणा ।१९।-७९

● अट्टारसमं पाहुडं सपत्तं ●

एगूणवीसइमं पाहुडं

(१३३) ता कत्ति णं चंदिमसूरिया सब्बलोयं ओभासंति उज्जोएंति तवोति पभासेंति आहितेति वएज्जा तत्थ खलु इमाओ दुवालस पडिवत्तीओ पत्रत्ताओ तत्थेगे एवमाहंसु-ता एगे चंदे एगे सूरै सब्बलोयं ओभासति जाव पभासेति-एगे पुण एवमाहंसु-ता तिण्णि चंदा तिण्णि सूरा सब्बलोयं ओभासति जाव पभासेति-एगे पुण एवमाहंसु-ता आहुट्ठि चंदा आहुट्ठि सूरा सब्बलोयं ओभासति जाव पभासेति-एगे पुण एवमाहंसु-एतेणं अभिलावेण नेतव्वं-सत्तं चंदा सत्त सूरा दस चंदा दस सूरा वारस चंदा बारस सूरा वातालीसं चंदा वातालीसं सूरा बावत्तरिं चंदा बावत्तरिं सूरा बातालीसं चंदसत्तं वातालीसं सूरसत्तं बावत्तरं चंदसत्तं बावत्तरं सूरसत्तं वातालीसं चंदसहस्सं वातालीसं मूरसहस्सं बावत्तरं चंदसहस्सं बावत्तरं सूरसहस्सं सब्बलोयं ओभासति जाव पभासेति-वयं पुण एवं

वदामो-न्ता अयण्णं जंबुद्वीवे दीवे सब्बदीवसमुद्धानं सब्बअंतराए जाव परिकखेवेणं पअत्ते ता जंबुद्वीवे दीवे दो चंदा पभासेंसु वा पभासेंति वा पभासिस्संति वा दो सूरिया तवइंसु वा तवइंति वा तवइस्संति वा छण्णं नक्खत्ता जोयं जोएंसु वा जोएंति वा जोइस्संति वा छावत्तरिं गहसत्तं चारं चरिसु वा घरंति वा घरिस्संति वा एणं सयसहस्सं तेत्तीसं च सहस्सा नव य सया पत्रासा तारागणकोडिकोडीणं सोभं सोभेसु वा सोभेति वा सोभिस्संति वा ।१००-२१-१००-१

(१३४) दो चंदा दो सूरया नक्खत्ता खलु हवंति छण्णणा

छावत्तरं गहसत्तं जंबुद्वीवे विचारीणं

॥३२॥-१

(१३५) एणं च सयसहस्सं तेत्तीसं खलु भवे सहस्साइं

नव य सया पत्रासा तारागणकोडिकोडीणं

॥३३॥-२

(१३६) ता जंबुद्वीवं णं दीवं लवणे नामं समुद्दे वट्टे बलयागारसंठाणसंठिते सब्बतो समंता संपरिक्खत्ताणं चिद्धति ता लवणे णं समुद्दे किं समचक्कवालसंठिते विसमचक्कवालसंठिते ता लवणसमुद्दे समचक्कवालसंठिते नो विसमचक्कवालसंठिते ता लवणसमुद्दे केवतियं चक्कवालविकखंभेणं केवतियं परिकखेवेणं आहितेति वदेअ ता दो जोयणसतसहस्साइं चक्कवालविकखंभेणं पत्रस जोयणसयसहस्साइं एक्कासीइं च सहस्साइं सत्तं च ऊतालं किंचिविसेसूणं परिकखेवेणं आहितेति वदेअ ता लवणसमुद्दे केवतिया चंदा पभासेंसु वा एवं पुच्छा जाव केवतियाओ तारागणकोडिकोडीओ सोभिसु वा सोभेति वा सोभिस्संति वा ता लवणे णं समुद्दे चत्तारि चंदा पभासेंसु वा पभासेंति वा पभासिस्संति वा चत्तारि सूरिया तवइंसु वा तवइंति वा तवइस्संति वा बारस नक्खत्तसत्तं जोयं जोएंसु वा जोएंति वा जोइस्संति वा तिण्णि थावण्णा महग्गहसता चारं चरिसु वा चरंति वा चरिस्संति वा दो सतसहस्सा सतट्ठिं च सहस्सा नव य सता तारागणकोडिकोडीणं सोभं सोभिसु वा सोभेति वा सोभिस्संति वा ।१००-२१-१००-२

(१३७) पत्रस सतसहस्सा एक्कासीत्तं सत्तं च ऊतालं

किंचिविसेसेणूणो लवणो- दधिणो परिकखेवो

॥३४॥-१

(१३८) चत्तारि देव चंदा चत्तारि य सूरिया लवणतोए

बारस नक्खत्तसयं गहाण तिण्णेव थावण्णा

॥३५॥-२

(१३९) दो वेव सतसहस्सा सतट्ठिं खलु भवे सहस्साइं

नव य सता लवणजले तारागणकोडिकोडीणं

॥३६॥-३

(१४०) ता लवणसमुद्दं धायईसंडे नामं दीवे वट्टे बलयागारसंठाणसंठिते तहेव जाव नो विसमचक्कवालसंठिते धायईसंडे णं दीवे केवतियं चक्कवालविकखंभेणं केवतियं परिकखेवेणं आहितेति वदेअ ता चत्तारि जोयणसतसहस्साइं चक्कवालविकखंभेणं ईतालीसं जोयणसतसहस्साइं दस य सहस्साइं नव य एगट्टे जोयणसते किंचिविसेसूणे परिकखेवेणं आहितेति वदेअ धायईसंडे दीवे केवतिया चंदा पभासेंसु वा पुच्छा तहेव ता धायइ संडे णं दीवे बारस चंदा पभासेंसु वा पभासेंति वा पभासिस्संति वा बारस सूरिया तवेंसु वा तवेंति वा तविस्संति वा तिण्णि छत्तीसा नक्खत्तसया जोयं जोएंसु वा जोएंति वा जोइस्संति वा एणं छण्णं महग्गहसहस्सं चारं चरिसु वा चरिंति वा चरिस्संति वा ।१००-३१-१००-३

- (१४१) अद्देव सयसहस्सा तिण्णि सहस्साइं
सत्तयसयाइं एगससी परिवारो तारागणकोडिकोडीणं ॥३७॥-१
[सोभं सोभंसेु वा सोभंति वा सोभिस्संति वा]
- (१४२) घायईसंडपरिओ ईताल दसुत्तरा सतसहस्सा
नव सया य एगद्दा किंचिविसेसेण परिहीणा ॥३८॥-२
- (१४३) चडवीसं ससिरविणो नक्खत्तसया य तिण्णि छत्तीसा
एगं घ गहसहस्सं छप्पणं घायईसंडे ॥३९॥-३
- (१४४) अद्देव सतसहस्सा तिण्णि सहस्साइं सत्त य सताइं
घायईसंडे दीवे तारागणकोडिकोडीणं ॥४०॥-४

(१४५) ता घायईसंडं णं दीवे कालोए नामं समुद्दे वड्ढे वलयागारसंठाणसंठिते जाव नो विसमचक्कवालसंठाणसंठिते ता कालोए णं समुद्दे केवतियं चक्कवालविकखंभेणं केवतियं परिक्खेवेणं आहितेति वदेज्जा ता कालोए णं समुद्दे अद्दु जोयणसतसहस्साइं चक्कवालविकखंभेणं पन्नत्ते एक्काणउत्ति जोयणसतसहस्साइं सत्तरिं च सहस्साइं छद्य पंचुत्तरे जोयणसते किंचिविसेसा-हिए परिक्खेवेणं आहितेति वदेज्जा ता कालोए णं समुद्दे० वातालीसं चंदा पभासेंसु वा पभासेंति वा पभासिस्संति वा वातालीसं सूरिया तवेंसु वा तवेति वा तविस्संति वा एक्कारस बावत्तरा नक्खत्त-सया जोयं जोइंसु वा जोएंति वा जोइस्संति वा तिण्णि सहस्सा छद्य छण्णउया महग्गहसया चारं चरिंसु वा चरंति वा चरिस्संति वा अद्दावीसं सयसहस्साइं बारसयसहस्साइं नवयसताइं पन्नासा तारागणकोडिकोडीओ सोपं सोभंसेु वा सोभंति वा सोभिस्संति वा ॥१००-४१-१००-४

- (१४६) एक्काणउत्ति सतराइं सहस्साइं परिओ तस्स
अहियाइं छद्य पंचुत्तराइं कालोदधिबरस्स ॥४१॥-१
- (१४७) वातालीसं चंदा वातालीसं च दिणकरा दित्ता
कालोदहिंमि एते चरंति संबद्धलेसागा ॥४२॥-२
- (१४८) नक्खत्तसहस्सं एगमेव छावत्तरं च सयमण्णं
छद्य सया छण्णउया महग्गहा तिण्णि य सहस्सा ॥४३॥-३
- (१४९) अद्दावीसं कालोदहिंमि बारस य सहस्साइं
नव य सता पन्नासा तारागणकोडिकोडीणं ॥४४॥-४

(१५०) ता कालोयं णं समुद्दं पुक्खरवरे नामं दीवे वड्ढे वलयागारसंठाणसंठिते सब्बतो समंता संपरिक्खित्ताणं चिद्धंति पुक्खरवरे णं दीवे किं समचक्कवालसंठिते विसमचक्कवालसंठिते ता समचक्कवालसंठिते नो विसमचक्कवालसंठिते ता पुक्खरवरे णं दीवे केवतियं चक्क-वालविकखंभेणं केवतियं परिक्खेवेणं ता सोलस जोयणसयसहस्साइं चक्कवालविकखंभेणं एगा जोयणकोडी बाणउत्तिं च सतसहस्साइं अउणाणउत्तिं च सहस्साइं अद्दुचउणउते जोयणसते परिक्खेवेणं आहितेति वदेज्जा ता पुक्खरवरे णं दीवे केवतिया चंदा पभासेंसु वा पुच्छा तहेव ता चोतालं चंदसतं पभासेंसु वा पभासेंति वा पभासिस्संति वा चोतालं सूरियाणं सतं तवइंसु वा तवइंति

वा तयइस्संति वा चत्तारि सहस्साइं बत्तीसं च नक्खत्ता जोयं जोएंसु वा जोएंति वा जोइस्संति वा बारस सहस्साइं छद्द बावत्तरा महग्गहसया चारं चरिंसु वा चरेंति वा चरिस्संति वा छण्णउत्तिं सयसहस्साइं चोयालीसं सहस्साइं चत्तारि य सयाइं तारागणकोडिकोडीणं सोभं सोभिंसु वा सोभेंति वा सोभिस्संति वा । १००-६१-१००-५

- (१५१) कोडी बाणउत्ती खलु अउणाणउत्तिं भवे सहस्साइं
अट्टसता चउणउता य परिरओ पोक्खरवरस्स ॥४५॥-१
- (१५२) चोतलं चंदसत्तं चोतालं चैव सूरियाण सत्तं
पोक्कारवरदीवम्भि चरंति एते पमासंता ॥४६॥-२
- (१५३) चत्तारि सहस्साइं बत्तीसं चैव हुंति नक्खत्ता
छद्द सता बावत्तर महग्गहा बारह सहस्सा ॥४७॥-३
- (१५४) छण्णउत्तिं सयसहस्सा चोत्तालीसं खलु भवे सहस्साइं
चत्तारि य सता खलु तारागणकोडिकोडीणं ॥४८॥-४

(१५५) ता पुक्खरवरस्स णं दीवस्स बहुमज्जदेसभाए माणुसुत्ते नामं पव्यते पन्नते-वट्टे वलवागारसंटाणसंठिते जे णं पुक्खरवरं दीवं दुधा विभयमाणे-विभयमाणे विद्धंति तं जहा-अम्भितरपुक्खरद्धं च याहिरपुक्खरद्धं च ता अम्भितरपुक्खरद्धे णं किं समचक्कवालसंठिते विसमचक्कवालसंठिते ता समचक्कवालसंठिते नो विसमचक्कवालसंठिते ता अम्भितर-पुक्खरद्धे णं केवतियं चक्कवालविकखंभेणं केवतियं परिकखेवेणं आहितेति वदेज्जा ता अट्ट जोयणसयसहस्साइं चक्कवालविकखंभेणं एक्का जोयणकोडी बायालीसं च सयसहस्साइं तीसं च सहस्साइं दो अउणापत्ते जोयणसते परिकखेवेणं आहितेति वदेज्जा ता अम्भितरपुक्खरद्धे णं केवतिया चंदा पभासेंसु वा पभासेंति वा पभासिस्संति वा केवतिया सूरा तविसु वा पुच्छा ता बावत्तरिं चंदा पभासेंसु वा पभासेंति वा पभासिस्संति वा बावत्तरिं सूरिया तवइंसु वा तवइंति वा तयइस्संति वा दोण्णि सोला नक्खत्तसहस्सा जोयं जोएंसु वा जोएंति वा जोइस्संति वा छ महग्गहसहस्सा तिण्णि य सया छत्तीसा चारं चरेंसु वा चरेंति वा चरिस्संति वा अउतालीससतसहस्सा बावीसं च सहस्सा दोण्णि य सता तारागणकोडिकोडीणं सोभं सोभिंसु वा सोभेंति वा सोभिस्संति वा ता समयक्खेत्ते णं केवतियं आयाम-विकखंभेणं केवतियं परिकखेवेणं आहितेति वदेज्जा ता पणतालीसं जोयण-सयसहस्साइं आयाम-विकखंभेणं एणा जोयणकोडी बायालीसं च सतसहस्साइं तीसं च सहस्साइं दोण्णि य अउणापत्ते जोयणसते परिकखेवेणं आहितेति वदेज्जा ता समयक्खेत्ते णं केवतिया चंदा पभासेंसु वा पुच्छा तहेव ता बत्तीसं चंदसत्तं पभासेंसु वा पभासेंति वा पभासिस्संति वा बत्तीसं सूरियाणं सत्तं तवइंसु वा तवइंति वा तवइस्संति वा तिण्णि सहस्सा छद्द छण्णउत्ता नक्खत्तसता जोयं जोएंसु वा जोएंति वा जोइस्संति वा एक्कारस सहस्सा छद्द सोलस महग्गहसता चारं चरिंसु वा चरेंति वा चरिस्संति वा अट्टासीति सतसहस्साइं चत्तालीसं च सहस्सा सत्तं य सया तारागण-कोडिकोडीणं सोभं सोभिंसु वा सोभेंति वा सोभिस्संति वा । १००-६१-१००-६

- (१५६) अट्टेव सतसहस्सा अम्भितरपुक्खरस्स विकखंभो
पणत्तलसयरहस्सा माणुसखेतस्स विकखंभो ॥४९॥-१

(१५७)	कोडी बातालीसं सहस्सा दो सता अउणपत्रासा माणुसखेतपरिरओ एभेव य पुक्खरद्धस्स	॥५०॥-२
(१५८)	बावत्तरिं च चंदा बावत्तरिभेव दिणकरा दित्ता पुक्खरवारदीवड्ढे चरंति एते पभासेंता	॥५१॥-३
(१५९)	तिण्णि सता छत्तीसा छच्च सहस्सा महग्गगाणं तु नक्खत्ताणं तु भवे सोलाइं दुवे सहस्साइं	॥५२॥-४
(१६०)	अडयालसयसहस्सा बावीसं खलु भवे सहस्साइं दो य सय पुक्खरद्धे तारागणकोडिकोडीणं	॥५३॥-५
(१६१)	दत्तीसं चंदसतं बत्तीसं चेव सूरियाण सतं सयलं माणुसलोयं चरंति एते पभासेंता	॥५४॥-६
(१६२)	एक्कारस य सहस्सा छप्पि य सोला महग्गहाणं तु छच्च सत्ता छण्णउया नक्खत्ता तिण्णि य सहस्सा	॥५५॥-७
(१६३)	अट्टासीतिं चत्ताइं सयसहस्साइं मणुयलोयंमि सत्त य सया अणूणा तारागणकोडीकोडीणं	॥५६॥-८
(१६४)	एतो तारापिंडो सव्वसमासेण मणुयलोयंमि वहिया पुण ताराओ जिणेहिं भणिया असंखेज्जा	॥५७॥-९
(१६५)	एवतियं तारणं जं भणियं माणुसंमि लोयंमि चारं कलंबुयापुप्फसंठितं जोइसं चरति	॥५८॥-१०
(१६६)	रविससिगहणक्खत्ता एवतिया आहिता मणुयलोए जेसिं नामागोत्तं न पागत्ता पन्नवेहिंति	॥५९॥-११
(१६७)	छावट्ठिं पिडगाइं चंदादिच्चाण मणुयलोयंमि दो चंदा दो सूरु हुंति एक्केक्कए पिडए	॥६०॥-१२
(१६८)	छावट्ठिं पिडगाइं नक्खत्ताणं तु मणुयलोयंमि छप्पत्रं नक्खत्ता हुंति एक्केक्कए पिडए	॥६१॥-१३
(१६९)	छावट्ठिं पिडगाइं महग्गहाणं तु मणुयलोयंमि छावत्तरं गहसयं होइ एक्केक्कए पिडए	॥६२॥-१४
(१७०)	चत्तारि य पंतीओ चंदादिच्चाण मणुयलोयंमि छावट्ठिं छावट्ठिं च होति एक्किक्किया पंती	॥६३॥-१५
(१७१)	छप्पत्रं पंतीओ नक्खत्ताणं तु मणुयलोयंमि छावट्ठिं छावट्ठिं हवंति एक्केक्किया पंती	॥६४॥-१६
(१७२)	छावत्तरं गहाणं पतिसयं हवइ मणुयलोयंमि छावट्ठिं छावट्ठिं हवंति य एक्केक्किया पंती	॥६५॥-१७

- (१७३) ते मेरुमणुचरंता पदाहिणावत्तमंडला सव्वे
अणवद्धितेहिं जोगेहिं चंदा सूरा गहगणा य ॥६६॥-१८
- (१७४) नक्खत्तात्ताग्गाणं अचद्धिता मंडला मुणेयव्वा
तेवि य पदाहिणावत्तमेव मेहं अनुचरंति ॥६७॥-१९
- (१७५) रयणिकरदिणकराणं उड्ढं च अहे य संकमो नत्थि
मंडलसंकमणं पुणं सव्वंततरबाहिरं तिरिए ॥६८॥-२०
- (१७६) रयणिकरदिणकराणं नक्खत्ताणं महग्गहाणं च
चारविसेसेणं भवे सुहदुक्खविही मणुस्साणं ॥६९॥-२१
- (१७७) तेसिं पविसंताणं तावक्खत्तं तु वड्ढते निययं
तेणेव कमेणं पुणो परिहायति निक्खमंताणं ॥७०॥-२२
- (१७८) तेसिं कलंबुयापुप्फसंठिता हुंति तावक्खत्तपहा
अंतो य संकुडा बाहिं वित्त्यडा चंदसूराणं ॥७१॥-२३
- (१७९) केणं वड्ढति चंदो परिहाणी केण होति चंदस्स
कालो वा जोण्हो वा केणणुभावेणं चंदस्स ॥७२॥-२४
- (१८०) किण्हं राहुविमाणं निच्चं चंदेण होइ अविरहियं
चउरं गुलमप्पत्तं हिद्धा चंदस्स तं चरति ॥७३॥-२५
- (१८१) बावद्धिं-बावद्धिं दिवसे-दिवसे तु सुक्कपक्खस्स
जं परिवड्ढति चंदो खवेइ तं चेव कालेणं ॥७४॥-२६
- (१८२) पन्नरसइभागेण य चंदं पन्नरसमेव तं वरति
पन्नरसइभागेण य पुणोवि तं चेव वक्कमति ॥७५॥-२७
- (१८३) एवं वड्ढति चंदो परिहाणी एव होइ चंदस्स
कालो वा जोण्हो वा एयणुभावेणं चंदस्स ॥७६॥-२८
- (१८४) अंतो मणुस्सखेत्ते हवंति चारोवगा तु उववण्णा
पंचविहा जोतिसिया चंदा सूरा गहगणा य ॥७७॥-२९
- (१८५) तेण परं जे सेसा चंदादिच्चगहतारनक्खत्ता
नत्थि गई नथि चारो उवद्धिता ते मुणेयव्वा ॥७८॥-३०
- (१८६) एवं जंबुद्दीवे दुगुणा लवणे चउग्गुणा हुंति
तावणगा य तिगुणिता ससिसूरा पायईसंडे ॥७९॥-३१
- (१८७) दो चंदा इह दीवे चत्तारि य सायरे लवणतोए
घायइसंडे दीवे बारस चंदा य सूरा य ॥८०॥-३२
- (१८८) घायइसंडप्पभित्ति उद्धिद्धा तिगुणिता भवे चंदा
आदिच्चंदसहिता अनंतराणंतरे खेत्ते ॥८१॥-३३

- (१८९) रिक्खगहतरगं दीवसमुद्दे जतिच्छसी नाउं
तस्स ससीहिं गुणितं रिक्खगहतारगगं तु ॥८२॥-३४
- (१९०) बहिता तु माणुसणगस्स चंदसुराणवड्ढिता जोआ
चंदा अभीइजुत्ता सूरु पुण हुंति पुस्सेहिं ॥८३॥-३५
- (१९१) चंदातो सूरस्स य सूरु चंदस्स अंतरं होइ
पत्राससहस्साइं तु जोयणाणं अणूणाइं ॥८४॥-३६
- (१९२) सूरस्स य सूरस्स य ससिणो ससिणो य अंतरं होइ
बाहिं तु माणुसणगस्स जोयणाणं सतसहस्सं ॥८५॥-३७
- (१९३) सूरंतरिया चंदा चंदंतरिया च दिणयरा दित्ता
चित्तंतरलेसागा सुहलेसा मंदलेसा य ॥८६॥-३८
- (१९४) अट्टासीतिं च गहा अट्टाबीसं च हुंति नक्खत्ता
एगससीपरिवारो एत्तो ताराणं वोच्छामि ॥८७॥-३९
- (१९५) छावट्टिसहस्साइं नव चेव सताइं पंचसतराइं
एगससीपरिवारो ताराणणकोडिकोडीणं ॥८८॥-४०

(१९६) अंतो मणुस्सखेत्ते जे चंदिम-सूरिय-गह जाव ताराख्वा ते णं देवा किं उड्ढोव-
वण्णगा कप्पोववण्णगा विमाणोववण्णगा चारोववण्णगा चारट्टितिया गतिरतिया गतिसमावण्णगा
ता ते णं देवा नो उड्ढोववण्णगा नो कप्पोववण्णगा विमाणोववण्णगा चारोववण्णगा नो चारट्टितिया
गतिरतिया गतिसमावण्णगा उड्ढीमुहकलंबुयापुप्फसंठाणसंठितेहिं जोयणसाहस्सिएहिं तावक्खे-
त्तेहिं साहस्सियाहिं बाहिराहिं वेउब्बियाहिं परिसाहिं महताहसहस्सिएहिं-बाहय-तंती-तल-ताल-
तुडिय-घण-मुइंग-पडुप्पवाइयरवेणं महता उक्कुट्टिसीहनाद-बोलकलकलरवेणं अछं पव्वतरायं
पदाहिणावत्तमंडलचारं मेहं अनुपरियट्टंति ता तेसि णं देवाणं जाधे इंदे चयति से कथमियाणिं
पकरेति वा चत्तारि पंच सामाणियदेवा तं ठाणं उवसंपज्जित्ताणं विहरंति जावण्णे तत्थ इंदे उववण्णे
भवति ता इंदेणं केवतिएणं कालेणं विरहिते पत्रते ता जहण्णेणं इक्कं समयं उक्करोणं छम्मा-
से ता बहिता णं माणुस्सखेत्तस्स जे चंदिम-सूरिय-गह गण-नक्खत्ता-ताराख्वा ते णं देवा किं
उड्ढोववण्णगा कप्पो ववण्णगा विमाणोववण्णगा चारट्टितिया गतिरतिया गतिस-मावण्णगा ता ते
णं देवा नो उड्ढोववण्णगा नो जाव गतिरतिया नो गतिसमावण्णगा पक्कड्ढगसंठाणसंठितेहिं
जोयणसयसहस्सिएहिं तावक्खेत्तेहिं सयसाहस्सियाहिं बाहिराहिं वेउब्बियाहिं जाव रवेणं दिव्वाइं
भोगभोगाइं भुंजमाणा विहरंति सुहलेसा मंदलेसा मंदायवलेसा चित्तंतरलेसा अण्णोण्णसभोगादाहिं
लेसाहिं कूडा इव ठाणठिता ते पदेसे सव्वतो समंता ओभासंति उओवेति तवेति पभासेति ता तेसि णं
देवाणं जाहे इंदे चयति से कहमियाणि पकरेति ता चत्तारि पंच सामाणियदेवा तं ठाणं तहेव जाव
छम्मासे १९०१-१००

(१९७) ता पुक्खरोदे णं दीवं पुक्खरोदे नामं समुद्दे वट्टे वलयागारसंठाणसंठिते सव्वतो
जाव चिट्ठति ता पुक्खरोदे णं समुद्दे किं समचक्कवालसंठिते नो विसमचक्कवालसंठिते ता
पुक्खरोदे णं समुद्दे केवतियं चक्कवालविक्खंभेणं केवतियं परिवेवेणं आहितेति वदेजा ता

संखेज्जाइं जोयणसहस्साइं आयाम-विक्रंभेणं संखेज्जाइं जोयणसहस्साइं परिक्रवेणं आहितेति वदेज्जा ता पुक्खारवरोदे णं समुद्दे केवतिया चंदा पभासेंसु वा पुच्छा तहेव ता पुक्खारोदे णं समुद्दे संखेज्जा चंदा पभासेंसु वा जाव संखेज्जाओ तारागणकोडिकोडीओ सोभं सोभेंसु वा सोभेति वा सोभिस्सति वा एतेणं आभिलावेणं-वरुणवरेदीवे वरुणोदेसमुद्दे खीरवरेदीवे खीरवरेसमुद्दे घतवरे-दीवे पतोदेसमुद्दे खोदवरेदीवे खोदोदेसमुद्दे नंदिस्सरवरे दीवे नंदिस्सरवरे समुद्दे अरुणोदेदीवे अरुणोदेसमुद्दे अरुणवरेदीवे अरुणवरेसमुद्दे अरुणवरोभासेदीवे अरुणवरोभासेसमुद्दे कुंडलेदीवे कुंडलोदेसमुद्दे कुंडलवरेदीवे कुंडलवरोदेसमुद्दे कुंडलवरोभासेदीवे कुंडलवरोभासेसमुद्दे सव्वेसिं विक्रंभपरिक्रवो जोतिसाइं पुक्खारोदसागरसरिसाइं ता कुंडवरोभासणं समुद्दं रुयए दीवे वडे वलयागारसंठाणसंठिते सव्वतो जाव चिड्ढति ता रुयए णं दीवे समचक्कवालसंठिते नो विसमचक्कवालसंठिते ता रुयए णं दीवे केवतियं चक्कवालविक्रंभेणं केवतियं परिक्रवेणं आहितेति वदेज्जा ता असंखेज्जाइं जोयणसहस्साइं चक्कवालविक्रंभेणं असंखेज्जाइं जोयणसहस्साइं परिक्रवेणं आहितेति वदेज्जा ता रुयगे णं दीवे केवतिया चंदा पभासेंसु वा पुच्छा ता रुयगे णं दीवे असंखेज्जा चंदा पभासेंसु वा जाव असंखेज्जाओ तारागणकोडिकोडीओ सोभं सोभेंसु वा सोभेति वा सोभिस्सति वा एवं रुयगे समुद्दे रुयगवरेदीवे रुयगवरोदे समुद्दे रुयगवरोभासेदीवे रुयगवरोभासेसमुद्दे एवं तिपडोयारा नेतव्वा जाव सूरेदीवे सूरोदेसमुद्दे सूरवरेदीवे सूरवरेसमुद्दे सूरवरोभासेदीवे सूरवरोभासेसमुद्दे सव्वेसिं विक्रंभपरिक्रवजोतिसाइं रुयगरवदीवसरिसाइं ता सूरवरोभासोदणं समुद्दं देवे नामं दीवे वडे वलयागारसंठाणसंठिते सव्वतो समंता संपरिक्खित्ताणं चिड्ढति जाव नो विसमचक्कवालसंठिते ता देवे णं दीवे केवतियं चक्कवालविक्रंभेणं केवतियं परिक्रवेणं आहितेति वदेज्जा ता असंखेज्जाइं जोयणसहस्साइं चक्कवालविक्रंभेणं असंखेज्जाइं जोयणसहस्साइं परिक्रवेणं आहितेति वदेज्जा ता देवे णं दीवे केवतिया चंदा पभासेंसु वा पुच्छा तहेव ता देवे णं दीवे असंखेज्जा चंदा पभासेंसु वा जाव असंखेज्जाओ तारागणकोडिकोडीओ सोभं सोभेंसु वा सोभेति वा सोभिस्सति वा एवं देवोदे समुद्दे नागेदीवे नागोदेसमुद्दे जक्खेदीवे जक्खोदेसमुद्दे भूतेदीवे भूतोदेसमुद्दे सयंभुरमणेदीवे सयंभुरमणेसमुद्दे सव्वे देवदीवसरिसा 19091-103

● एगुणवीसइमं पाहुंडं सप्तं ●

वीसइमं पाहुंडं

(१९८) ता कहं ते अनुभावे आहितेति वदेज्जा तत्थ खलु इमाओ दो पडिवत्तीओ पन्नताओ तत्थेगे एवमाहंसु-ता चंदिमसूरिया णं नो जीवा अजीवा नो घणा झुसिरा नो वरबोदिधरा कलेवरा नत्थि णं तेसि उद्दाणेति वा कम्मेति वा बलेति वा वीरिएति वा पुरिसक्कारपरक्कमेति वा ते नो विज्जु लवंति नो असणिं लवंति नो थणितं लवंति अहे णं बादरे वाउकाए संमुच्छति संमुच्छित्ता विज्जुपि लवंति असणिं लवंति थणितं लवंति-एगे पुण एवमाहंसु-ता चंदिमसूरिया णं जीवा नो अजीवा धणा नो झूसिरा वरबोदिधरा नो कलेवरा अत्थि णं तेसि उद्दाणेति वा कम्मेति वा बलेति वा वीरिएति वा पुरिसक्कारपरक्कमेति वा ते विज्जुपि लवंति असणिं लवंति थणितं लवंति-वयं पुण एवं वदानो-ता चंदिमसूरिया णं देवा महिड्ढिया० जाव महाणुभावा वरत्थधरा वरमल्लधरा वरामभरणधारी अवोच्छित्तिणवट्टयाए अण्णे चयंति अण्णे उववज्जति 19021-104

(१९९) ता कहं ते राहुकम्पे आहितेति वदेज्जा तत्थ खलु इमाओ दो पडिवत्तीओ पन्नताओ

तत्त्येने एवमाहंसु-ता अत्थि णं से राहू देवे जे णं चंदं वा सूरै वा गेण्हति-एगे पुण एवमाहंसु-ता नत्थि णं से राहू देवे जे णं चंदं वा सूरं वा गेण्हति-तत्थ जेते एवमाहंसु-ता अत्थि णं से राहू देवे जे णं चंदं वा सूरं वा गेण्हति ते एवमाहंसु-ता राहू णं देवे चंदं वा सूरै वा गेण्हमाणे बुद्धंतेणं गिण्हिता बुद्धंतेणं मुयति बुद्धंतेणं गिण्हिता मुद्धंतेण मुयति मुद्धंतेण गिण्हिता बुद्धंतेणं मुयति मुद्धंतेणं गिण्हिता मुद्धंतेणं मुयति वामभुयंतेणं गिण्हिता वामभुयंतेणं मुयति वामभुयंतेणं गिण्हिता दाहिणभुयंतेणं मुयति दाहिणभुयंतेणं गिण्हिता वामभुयंतेणं मुयति दाहिणभुयंतेणं गिण्हिता दाहिणभुयंतेणं मुयति तत्थ जेते एवमाहंसु-ता नत्थि णं से राहू देवे जे णं चंदं वा सूरं वा गेण्हति ते एवमाहंसु तत्थ णं इमे पन्नरस कसिणपोग्गला० सिंघाडए जडिलए खरए खतए अंजणे खंजणे सीतले हिमसीतले केलारसे अरुणाभे परित्रए नभसूरए कविलए पिंगलए राहू, ता जया णं एते पन्नरस कसिणा पोग्गला सया चंदस्स वा सूरस्स वा लेसाणुबद्धचारिणो भवंति तथा णं माणुसलोयंसि माणुसा एवं वदंति-एवं खलु राहू चंदं वा सूरं वा गेण्हति ता जया णं एते पन्नरस कसिणा पोग्गला नो सया चंदस्स वा सूरस्स वा लेसाणुबद्धचारिणो भवंति नो खलु तथा णं माणुसलोयम्मि मणुस्सा एवं वदंति-एवं खलु राहू चंदं वा सूरं वा गेण्हति-वयं पुण एवं वदामो ता राहू णं देवे महिड्डिण महाजुतीए महावले महाजसे महाणुभावे वरत्थधरे वरमल्लधरे वरामणधारी राहुस्स णं देवस्स नव नाधेत्ता पन्नता तं जहा-सिंघडए जडिलए खतए खरए दहरे मगरे मच्छे कच्छभे कण्हसपे ता राहुस्स णं देवस्स विमाणा पंचवण्णा पन्नता तं जहा-किण्हा नीला लोहिता हालिद्दा सुक्किला अत्थि कालए राहुविमाणे खंजणवण्णाभे पन्नते अत्थि नीलए राहुविमाणे लाउयवण्णाभे पन्नते अत्थि लोहिए राहुविमाणे भंजिद्दावण्णाभे पन्नते अत्थि पीतए राहुविमाणे हालिद्दवण्णाभे पन्नते अत्थि सुक्किलए राहुविमाणे भासर-सिचवण्णाभे पन्नते ता जया णं राहुदेवे आगच्छमाणे वा गच्छमाणे वा विउब्बमाणे वा परियारेमाणे वा चंदस्स वा सूरस्स वा लेस्सं पुरत्थिमेणं आवरित्ता पच्चत्थिमेणं वीतीवयति तथा णं पुरत्थिमेणं चंदे वा सूरै वा उवदंसेति पच्चत्थिमेणं राहू जया णं राहुदेवे आगच्छमाणे वा गच्छमाणे वा विउब्बमाणे वा परियारेमाणे वा चंदस्स वा सूरस्स वा लेस्सं दाहिणेणं आवरित्ता उत्तरेणं वीतीवयति तथा णं दाहिणेणं चंदे वा सूरै वा उवदंसेति उत्तरेणं राहू एतेणं अभिलावेणं पच्चत्थिमेणं आवरित्ता पुरत्थिमेणं वीतीवयति उत्तरेणं आवरित्ता दाहिणेणं वीतीवयति तथा णं राहू देवे आगच्छमाणे वा जाव परियारेमाणे वा चंदस्स वा सूरस्स वा लेस्सं दाहिणपुरत्थिमेणं वरित्ता उत्तरपच्चत्थिमेणं वीतीवयति तथा णं दाहिणपुरत्थिमेणं चंदे वा सूरै वा उवदंसेति उत्तरपच्चत्थिमेणं राहू जया णं राहू देवे आगच्छमाणे वा जाव परियारेमाणे वा चंदस्स वा सूरस्स वा लेस्सं दाहिणपच्चत्थिमेणं आवरित्ता उत्तरपुरत्थिमेणं वीतीवयति तथा णं दाहिणपच्चत्थिमेणं चंदे वा सूरै वा उवदंसेति उत्तरपुरत्थिमेणं राहू एतेणं अभिलावेणं उत्तरपच्चत्थिमेणं आवरेत्ता दाहिणपुरत्थिमेणं वीतीवयति उत्तरपुरत्थिमेणं आवरेत्ता दाहिणपच्चत्थिमेणं वीतीवयति ता जया णं राहू देवे आगच्छमाणे वा जाव परियारेमाणे वा चंदस्स वा सूरस्स वा लेस्सं आवरेत्ता पासेणं वीतीवयति तथा णं मणुस्सलोयंमि मणुस्सा वदंति-एवं खलु राहुणा चंदे वा सूरै वा गह्ति ते ता जया णं राहू देवे आगच्छमाणे वा जाव परियारेमाणे वा चंदस्स वा सूरस्स वा लेस्सं आवरेत्ता पासेणं वीतीवयति तथा णं मणुस्सलोयंमि मणुस्सा वदंति-एवं खलु चंदेण वा सूरैण वा राहुस्स कुच्छी भिण्णा-एवं खलु चंदेण वा सूरैण वा राहुस्स कुच्छी भिण्णा ता जया णं राहुदेवे आगच्छमाणे वा जाव परियारेमाणे वा चंदस्स वा सूरस्स वा

लेसं आवरेत्ता पद्मोसकृत्तिया तया णं मणुस्सलोए मणुस्सा वदंति-एवं खलु राहुणा चंदे वा सूरै वा वंते-एवं खलु राहुणा चंदे वा सूरै वा वंते ता जया णं राहू देवे आगच्छमाणे वा जाव परियारेमाणे वा चंदस्स वा सूरस्स वा लेसं आवरेत्ता मज्झमज्जेणं वीतीवयति तया णं मणुस्सलोए मणुस्सा वदंति-एवं खलु राहुणा चंदे वा सूरै वा वइरिए-एयं खलु राहुणा चंदे वा सूरै वा वइरिए ता जया णं राहू देवे आगच्छमाणे वा जाव परियारेमाणे वा चंदस्स वा सूरस्स वा लेसं आवरेत्ताणं अहे सपक्खि सपडिदिसिं चिद्धति तया णं मणुस्सलोयंसि मणुस्सा वदंति-एवं खलु राहुणा चंदे वा सूरै वा धत्थे-एवं खलु राहुणा चंदे वा सूरै वा धत्थे ता कतिविहे णं राहू पत्रते ता दुविहे पत्रते तं जहा-धूवराहू य पव्वराहू य तत्थ णं जेसे धुवराहू से णं बहुलपक्खस्स पाडिवए पत्ररसतिभागेणं पत्ररसतिभागं चंदस्स लेसं आवरेमाणे-आवरेमाणे चद्धति तं जहा-पढमाए पढमं भागं जाव पत्ररसीए पन्नरसमं भागं चरमे समए चंदे रत्ते भवइ अवसेसे समए चंदे रत्ते य विरत्ते य भवति तमेव सुक्कपक्खे उवदंसेमाणे-उवदंसेमाणे चिद्धति तं जहा-पढमाए पढमं भागं जाव पत्ररसीए पत्ररसमं भागं चरिमे समए चंदे विरत्ते भवति अवसेसे समए चंदे रत्ते य विरत्ते य भवइ तत्थ णं जेसे पव्वराहू से जहण्णेणं छण्हं मासाणं उक्कोसेणं बायालोसाए मासाणं चंदस्स अडतालीसाए संवच्छराणं सूरस्स। १०३-१०५

(२००) ता कहं ते चंदे ससी-चंदे ससी आहितेति वदेज्जा ता चंदस्स णं जोतिसिंदस्स जोतिसरण्णे मियंके विमाणे कंता देवा कंताओ देवीओ कंताइं आसण-सयण-खंभंडम-त्तोवगरणाइं अप्पणावि य णं चंदे देवे जोतिसिंदे जोतिसराया सोमे कंते सुभगे पियदंसणे सुरूये ता एवं खलु चंदे ससी-चंदे ससी आहितेति वदेज्जा ता कहं ते सूरै आदिच्चे-सूरै आदिच्चे आहितेति वदेज्जा ता सूरदिद्या णं सपचाति वा आवलियाति वा आणापाणूति वा थोवेति वा जाव ओसपिणि-उस्सपिणीति वा एवं खलु सूरै आदिच्चे-सूरै आदिच्चे आहितेति वदेज्जा। १०४-१०५

(२०१) ता चंदस्स णं जोतिसिंदस्स जोतिसरण्णे कति अप्पमहिसीओ पत्रताओ ता चत्तारि अग्गमहिसीओ पत्रताओ तं जहा-चंदप्पमा दोसिणामा अच्चिमाली पमंकरा जहा हेट्ठा तं चेव जाव नो चेव णं मेहुणवत्तियं एवं सूरस्सवि भाणितव्वं ता चंदिमसूरिया णं जोतिसिंदा जोतिसरायाणो केरिस्स कामभोगे पच्चणुभवमाणा विहरंति ता से जहानामए-केइ पुरिसे पढमजोव्वणुड्डाणबलसमत्थे पढमजोव्वणुड्डाणबल-समत्थाए भारियाए सद्धिं अचिरवत्तविवाहे अत्थत्थी अत्थगवेसणयाए सोलसवासविष्यवसिते से णं ततो लद्धट्ठे कयकज्जे अणहसमग्गे पुणरवि नियगधरं हव्वमागए पहाते कतवलिकम्मे कतकोतुक-मंगल-पायच्छिते सुद्धप्पावेसाइं मंगलाइं वत्थाइं पवर परिहिते अप्पमहग्घाभरणालंकितसरीरे मणुण्णं घालीपागसुद्धं अट्टारसवंजणाउलं प्रोयणं भुत्ते समाणे तंसि तारिसगंसि वासघरंसि अंतो सचित्तकम्मे बाहीरओ दूमिय-घट्ट-मट्टे विचित्तउल्लोय-चिच्चियतले बहुसमसुविभत्तभूमिभाए मणिरयणपणासितंधयारे कालागुरु-पवरकुंदुरुक्क-तुरुक्क-धूव-मघ-मघंत-गंधुदुयाभिरामे सुगंधवरगंधिते गंधवट्टिभूते तंसि तारिसगंसि सयणिजंसि दुहओ उण्णए पज्जे नत्त-गंभीरे सालिणवट्टिए उभओ विब्बोयणे सुरम्भे गंगापुलिणवालुयाउद्दालसालिसए सुविरइयरयत्ताणे ओयवियखोमियखोमदुगूलपट्टपडिच्छयाणे रत्तंसुयसंवुडे सुरामे आईणगरूत्त-बूरणवणीततूलफासे सुगंधवरकुसुमचुण्णसयणोवयारकलिए ताए तारिसाए भारियाए सद्धिं सिंगारागारचारुवेसाए संगतगतहसितभणितचिद्धतसंलावविलासणउणजुत्तोवयारकुसलाए अनु-रत्ताए अवरत्ताए मणोणुकूलाए एगंतरतिपसत्ते अत्रत्थ कत्थइ पणं अकुव्वमाणे इहे सद्धफ-

रिसरसरूवगंधे पंचविधे माणुस्ताए कामभोगे पद्यणुभवमाणे विहरेजा ता से णं पुरिसे विउस-
मणकालसमयसि केरिसयं सातासोक्खं पद्यणुभवमाणे विहरति ओरालं समणाउसो ता तस्स णं
पुरिसस्स कामभोगेहिंतो एतो अनंतगुणविसिद्धतरा चैव वाणमंतराणं देवाणं कामभोगा वाणमंतराणं
देवाणं कामभोगेहिंतो अनंतगुणविसिद्धतरा चैव असुरिंदवज्जियाणं भवणवासीणं देवाणं कामभोगा
असुरिंदवज्जियाणं भवणवासीणं देवाणं कामभोगेहिंतो अनंतगुणविसिद्धतरा चैव असुरकुमाराणं
इंदभूयाणं देवाणं कामभोगा असुरकुमाराणं इंदभूयाणं देवाणं कामभोगेहिंतो अनंतगुणविसिद्धतरा
चैव गहगणनक्खत्तारारूवाणं कामभोगा गहगणनक्खत्तारारूवाणं कामभोगेहिंतो अनंतगुण-
विसिद्धतरा चैव चंदिमसूरियाणं देवाणं कामभोगा ता एरिसए णं चंदिमसूरिया जोतिसिंदा
जोतिसरायाणो कामभोगे पद्यणुभवमाणो विहरंति ।१०५।-१०६

(२०२) तस्य खलु इमे अट्टासीति महग्गहा पत्रत्ता तं जहा-इंगालए वियालए लोहितक्खे
सणिच्छरे आहुणिए पाहुणिए कणे कणए कणकणए कणविताए कणसंताणए सोमे सहिते आससणे
कज्जोवए कब्बडए अयकरए दुंदुभए संखे संखणाभे संखवण्णाभे कंसे कंसणाभे कंसवण्णाभे नीले
नीलोभासे रुषे रुषोभासे भासे भासरासी तिले तिलुप्फवण्णे दगे दगवण्णे काए काकंधे इंदग्गी
धुमकेतु हरी पिंगलए बुधे सुक्के बहस्सई राहु अगत्थी माणवगे कासे फासे धुरे पमुहे वियडे
विसंधीकप्पे नियत्ते पयत्ते जडियायलए अरुणे अग्गिल्लए काले महाकाले सोत्थिए सोवत्थिए
वद्धमाणगे पलंबे निच्चालोए निच्चुज्जोते सयंपभे ओभासे सेयंकरे खेमंकरे आमंकरे पमंकरे अरए
विरए असोगे वीतसोगे विमले वितत्ते विवत्थे विसाले साले सुव्वते अणियट्ठी एगजडी दुजडी
करकरिए रायगले पुप्फकेतू भावकेतू ।१०६।-१०७

- (२०३) इंगालए वियालए लोहितंके सणिच्छरे चैव
आहुणिए पाहुणिए कणाकसणामावि णं चैव ॥८९॥-१
- (२०४) सोमे सहिते आस्सासणे य कज्जोवए य कब्बरए
अयकरए दुंदुभए संखसणामावि तिण्णेव ॥९०॥-२
- (२०५) तिण्णेव कंसणामा नीले रुष्पी य हुंति चत्तारि
भास तिल पुप्फवण्णे दगवण्णे काय बंधे य ॥९१॥-३
- (२०६) इंदग्गि धूमकेतू य हरि पिंगलए बुधे य सुक्के य
बहसति राहु अगत्थी माणवए कामफासे य ॥९२॥-४
- (२०७) धुरए पमुहे वियडे विसंधिकप्पे पयत्ते
जडियाइल्लए अरुणे अग्गिल काले महाकाले ॥९३॥-५
- (२०८) सोत्थिए सोवत्थिए वद्धमाणग तथा पलंबे य
निच्चालोए निच्चुज्जोए सयंपभे चैव ओभासे ॥९४॥-६
- (२०९) सोयंकरे खेमंकर आमंकर पंभकरे य बोधव्वे
अरए विरए य तथा असोगे तह वीतसोगे य ॥९५॥-७
- (२१०) विमल वितत्त विवत्थे विसाल तह साल सुव्वते चैव
अणियट्ठी एगजडि य होई बिजडी य बोधव्वे ॥९६॥-८

- (२११) कर करिए रायगल बोधव्ये पुष्प भावकेतू य
अट्टासीति खलु गहा नेतव्वा आणुपुव्वीए ॥९७॥-९
- वीरइमं पाहुडं समत्तं ●
- (२१२) इह एस पाहुडत्या अभव्यजणहिययदुल्लहा इणमो
उविकत्तिता भगवती जोतिसरायस्स पत्रत्ती ॥९८॥-१०
- (२१३) एस गह्तितावि संति थद्धे गारविय-माणि-पडीणीए
अबहुस्सुए णं देया तव्वियरीते भवे देया ॥९९॥-११
- (२१४) सद्धा-धिति-उट्टाणुच्छाह-कम्म-बल-वीरिय-पुरिसकारेहिं
जो सिक्खिओवि संतो अभायणे पक्खिवेज्जाहि ॥१००॥-१२
- (२१५) सो पयवण-कुल-गण-संधबाहिरो नाणविणयपरिहीणो
अरहंतयेरणहरमेरं किर होति वोलीणो ॥१०१॥-१३
- (२१६) तम्हा धिति-उट्टाणुच्छाह-कम्म-बल-वीरियसिक्खियं नाणं
धारेयव्वं नियमा ण य अविणीएसु दायव्वं ॥१०२॥-१४
- (२१७) वीरवरस्स भगवती जरपरणकिलेसदोसरहियस्स
वंदामि विणयपणतो सोक्खुप्पाए सदा पाए ॥१०३॥-१५
- (२१८) इइ संगहणी गाहा ॥१०७॥-१०७

१७ चंद पत्रत्ती समत्तं

छट्टं उवंगं समत्तं

સુચના પત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સળંગ ક્રમાંક સૂચવે છે. [અણુક્રમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મુકેલો છે. [સૂત્રાંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાથાંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. -શોધવો.
૭. જ્યાં સૂત્રોમાં [] આ રીતે ચોરસ કોંસ મુકેલા છે તે બે ચોરસ કોંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.


[5]

:- अ-भा-रा- प्र-का-श-नी :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] कृदन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय भक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ थी ११
 [१२] अभिनव उपदेश प्रासाद -२- श्रावक कर्तव्य - १२ थी १५
 [१३] अभिनव उपदेश प्रासाद -३- श्रावक कर्तव्य - १५ थी ३६
 [१४] नवपद-श्रीपाल- [शाश्वती ओणीना व्याख्यान ३पे]
 [१५] समाधिभरुष [विधि-सूत्र-पद्य-आराधना- भरुषभेद-संग्रह]
 [१६] चैत्यवन्दनमाणा [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साथी [आवृत्ति-भे]
 [२०] चैत्यपरिपाटी
 [२१] अमदावाह जिनमंदिर उपाश्रय आदि डिरेक्टरी
 [२२] शत्रुञ्जय भक्ति [आवृत्ति-भे]
 [२३] श्री नवकारभंत्र नवलाभ जाप नोंधपोधी
 [२४] श्री यारित्र पद्य अेक करोड जाप नोंधपोधी
 [२५] श्री भारप्रत पुस्तिका तथा अन्य नियमो [आवृत्ति-भार]
 [२६] अभिनव जैन पंचांग- २०४२; [सर्व प्रथम, १३ विभागीमां]
 [२७] श्री ज्ञानपद्य पूजा
 [२८] अंतिम आराधना तथा साधु साध्वी काणधर्म विधि
 [२९] श्रावक अंतिम आराधना [आवृत्ति-त्रण]
 [३०] वीतराग स्तुति संग्रह [११५१-व्याववाही स्तुतिओ]
 [३१] (पूज्य आगमोद्धारकश्रीना समुदायना) कायमी संपर्क स्थानो
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्त्वार्थाधिगम सूत्र अभिनवटीका- अध्याय-४
 [३६] तत्त्वार्थाधिगम सूत्र अभिनवटीका- अध्याय-५
 [३७] तत्त्वार्थाधिगम सूत्र अभिनवटीका- अध्याय-६
 [३८] तत्त्वार्थाधिगम सूत्र अभिनवटीका- अध्याय-७
 [३९] तत्त्वार्थाधिगम सूत्र अभिनवटीका- अध्याय-८
 [४०] तत्त्वार्थाधिगम सूत्र अभिनवटीका- अध्याय-९
 [४१] तत्त्वार्थाधिगमसूत्र अभिनवटीका- अध्याय-१०



[४२] आयारो	[आगमसुत्ताणि-१]	पदमं अंगसुत्तं
[४३] स्यगडो	[आगमसुत्ताणि-२]	बीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपत्रति	[आगमसुत्ताणि-५]	पंचमं अंगसुत्तं
[४७] नायाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासागदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोबवाईयदसाओ	[आगमसुत्ताणि-९]	नवमं अंगसुत्तं
[५१] पण्हावागारणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पदमं उवंगसुत्तं
[५४] रायपसेणियं	[आगमसुत्ताणि-१३]	बीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पत्रवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपत्रति	[आगमसुत्ताणि-१६]	पंचमं उवंगसुत्तं
[५८] चंदपत्रति	[आगमसुत्ताणि-१७]	छट्ठं उवंगसुत्तं
[५९] जंबूद्धीवपत्रति	[आगमसुत्ताणि-१८]	सत्तमं उवंगसुत्तं
[६०] निरयावलियाणं	[आगमसुत्ताणि-१९]	अट्ठमं उवंगसुत्तं
[६१] कप्पवडिसयाणं	[आगमसुत्ताणि-२०]	नवमं उवंगसुत्तं
[६२] पुप्फियाणं	[आगमसुत्ताणि-२१]	दसमं उवंगसुत्तं
[६३] पुप्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वणिहदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पदमं पईण्णगं
[६६] आउरपच्चक्खाण	[आगमसुत्ताणि-२५]	बीअं पईण्णगं
[६७] महापच्चक्खाण	[आगमसुत्ताणि-२६]	तइअं पईण्णगं
[६८] भत्त परिण्णा	[आगमसुत्ताणि-२७]	चउत्थं पईण्णगं

[7]

[૬૯] તંદુલવેયાલિયં	[આગમસુત્તાણિ-૨૮]	પંચમં પર્ણગં
[૭૦] સંચારગં	[આગમસુત્તાણિ-૨૯]	છટ્ઠં પર્ણગં
[૭૧] ગચ્છાચાર	[આગમસુત્તાણિ-૩૦-૧]	સત્તમં પર્ણગં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્ણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્ણગં
[૭૪] દેવિંદત્યઓ	[આગમસુત્તાણિ-૩૨]	નવમં પર્ણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્ણગં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્ણગં-૨
[૭૭] નિર્સીહ	[આગમસુત્તાણિ-૩૪]	પદમં છેયસુતં
[૭૮] વુહત્ કપ્પો	[આગમસુત્તાણિ-૩૫]	વીઅં છેયસુતં
[૭૯] વવહાર	[આગમસુત્તાણિ-૩૬]	તદ્અં છેયસુતં
[૮૦] દસામુયક્કલંઘં	[આગમસુત્તાણિ-૩૭]	ચઠત્યં છેયસુતં
[૮૧] જીચકપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકપ્પભાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિર્સીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદમં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીઅં મૂલસુતં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીઅં મૂલસત્તં-૨
[૮૭] દસવેયાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરજ્ઞવણં	[આગમસુત્તાણિ-૪૩]	ચઠત્યં મૂલસુતં
[૮૯] નંદીસૂયં	[આગમસુત્તાણિ-૪૪]	પદમા ચૂલિયા
[૯૦] અણુઓગદારાઈ	[આગમસુત્તાણિ-૪૫]	ક્ષિતિયા ચૂલિયા

નોંધ : પ્રકાશન ૧તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●


શ્રી ડી. કે. ઠક્કર ૧૬, અલકાનગર, પ્રિયલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે "આગમ શ્રુત પ્રકાશન" વડોદરા નો રૂ. ૧૫૦૦/-
ની કિંમતનો ડ્રાફ્ટ આપીને જ સેટ મેળવી શકશો.

[8]

-: પરિસિદ્ધ-નિદંસણ :-

- ૧- પદ્મં પરિસિદ્ધં - “વિસવાણુક્રમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન “૪૫-આગમ બુહત્ વિસવ કોસ” જેવું.
- ૨- ઘીયં પરિસિદ્ધં “વિસિદ્ધ સદાણુક્રમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્કોસ” જેવું.
- ૩- તદ્વ્યં પરિસિદ્ધં- “વિસેસ નામાણુક્રમો”
૪૫-[૪૯] આગમમાં આવતા ખાસ નામો જેવા કે ગોવમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ઘડત્યં પરિસિદ્ધં - “ગાહાણુક્રમો”
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્રમો” જેવું.
- ૫- પંચમં પરિસિદ્ધં “સુત્તાણુક્રમો”
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિની અંક નિર્દેશ છે. તે વૃત્તિમાં છ છેદ સૂત્રો અને ચંદપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદ્ધ મ.સંપાદિત, (૨) દેવચંદ લાલભાઈ ઈડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ચંદ પન્નતિ માટે હસ્ત લિખિત પ્રત લીધેલી છે, - બુહત્કમ્પો - પૂ. પુન્યવિજયજી મ.સંપાદિત, નિસીહ-પૂ. કનૈયાલાલજી સંપાદિત, ઘવહાર, પૂ. મુનિ માષ્ટ્રેક સંપાદિત, જીવકમ્પો. પૂ. જનવિજયજી સંપાદિત છે મહાનિસીહ ની વૃત્તિનથી. દસાસુયક્રંબંધ ની ચૂર્ણિજ પળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

स.भ्य.३ शु.ता.नु.रा.गी श्र.भ.सो.पा.सि.अ

श्रीमती नयनालहेन रमेशचंद्र शाह - परिवार, वडोदरा

प्रस्तुत आगममां मुख्य द्रव्य सहायक

१७ श्री कीर्तीपोष, चेताम्बर भूति, जैन संघ, श्री शान्ति-पथ जिनालय - शान्तापुर, वडोदरा